

# EPISTOLAE SPIRITVALES, AC MYSTICÆ

OMNIBVS, AC PRÆSERTIM  
personis in afflictione positis, ad  
excitandum erga Deum affe-  
ctum, inueniendumque  
solatium opportunæ.

P E R

R. P. F. IOANNEM A IESV MARIA  
*Carmelitarum Discalcentorum,*  
*dum vixeret, Præpositum*  
*Generalem.*



ROMÆ, Typis Mascardi, MDCXLIX.

---

*Superiorum Permissu.*

2. 1. 1992



A D

## LECTOREM.



Vperiore libello vitam, virtutesq; R. P. F. Ioannis à Iesu

Maria profecuti sumus: Nunc ex pluribus eius operibus, epistolas, quas

A 2

tra-

tractatui de Theologia  
myſtica ſubtexuit , ceu  
ideam quandam , & vi-  
uam Authoris effigiem ,  
poſt multas editiones, ite-  
rum damus in lucem .  
Fructuere , benigne Lector ,  
& exilij, vitæque mortalis  
ærumnas, afflictionesque  
multiplices, deuotiſſimo,  
cum Cæleſtis Patriæ Re-  
ge, Regina, Principibus-  
que , ſolare commercio .

PRÆ-

PRÆFATIO  
AUTHORIS.



UBIECTAS *Epi-  
stolas styli sacri pie-  
tatem potius, quàm  
profanam eloquen-  
tiam olentes è verbis sacra scri-  
ptura magna ex parte contextas,  
& ad Theologia Mysticæ exer-  
citium ultimo capite à nobis com-  
men datum appositas, tibi Chri-  
stiane lector, offerre operapretium  
existimauius. Quarum lectio  
ut salubrior fiat, tria certè moni-*

ta obseruanda sunt. Primum, ut tempus ab alijs curis exemptum ad legendum feligatur: Secundum, ut legatur lentè: Tertium, ut, cùm animus lectionis efficacitate se commoueri sentit, à lectione interquiescat, donec, ea commotione remissa, lectionis partem resumat.

Hæc sanè tria monita, compendio multo, animum cælestibus flammis incendunt, quas Clementissimus Deus vniuersis operis huius lectoribus immittat.

S V P E R N Æ  
 H I E R V S A L E M  
 R E G I P A C I F I C O

I E S V C H R I S T O ,

Exul homo salutem.



PISTOLA hæc ni-  
 hil aliud est, quàm  
 multiplex aspiratio  
 ad Deum, & petitio  
 diuini amoris, ac diuinæ consola-  
 tionis: & ut sit efficacior ad im-  
 petrandum, habet admixtam

*multiplicem confessionem propriae fragilitatis, & laboris, quo premitur anima, quæ caret diuina consolatione, & multis vexatur tentationibus.*

**M**iscissime Rex Salomon, cuius vultum desiderat vniuersa terra, ex quo pater generis nostri Adam, cum in honore esset, non intellexit; ego verus Adæ filius erravi, sicut ovis, quæ periit, & anima mea, quam à paradiso expulisti, vt pro transgressione coleret terram, spinas, & tribulos germinantem, facta est quasi vitula edocta diligere trituram, assueta mundi iugo, quod sponte subiit.

Hoc principium sermonis mei, ò pax optatissima, quam velut cerua à canibus infestata, quærit anima mea: Cui

non

## *Epistola I.*

9

non cogitatione tantum, verum & scripto sacrificio suspiria mea, & desideria æstuantis cordis mei. Non quod ad te scriptura mihi opus sit, dulcissime Deus, desiderium enim pauperum, quasi clamorem validum exaudire, & præparationem cordis eorum, priusquam voce proferatur, percipere soles; & loqui ad cor Hierusalem, quia diligis eam. Sed ego mihi laboro, dum ad te scribo, & quæro requiem cordi meo, si fortè dum iam tibi notos pando gemitus meos, excitentur languentia desideria, & incalescant vota mea, & quasi sacrificium vespertinum, fument tibi in ara cordis mei. Concupiuit quippe anima mea desiderare te, & optans pelago tuæ castissimæ voluptatis absorberi, omnia, præter te, velut stercorea, propter te cupit arbi trari.

Quid enim mihi est in Cœlo, & à te quid volui super terram? Defecit cor

meum,



meum, & caro mea, absente te, ò Deus cordis mei, & pars mea Deus in æternum. Hinc, ergò exordiar sermonem meum, quòd cum tu sis hereditas mea, solapotens extinguere fitim meam, nescio satis ponderare grande hoc malum, & amentiam animæ meę fatigantis, & oberrantis in terra, quam dedisti filiis hominum, qui dereliquerunt te. Pascit ventum, & aranearum telas texit insipiens anima mea, & frustra iacit rete antè oculos pennatorum (Pennata sunt enim, & fugacia, quę apparent, & non sunt, mundi picta bona) & veri boni imagine delusa, fatigatur. Infelicitas Cain cecidit super eam, ut vaga, & profuga per creaturas erret sine fine, donec feratur in finem suum, te scilicet, veram requiem, pulchritudinem, ac voluptatem suam: te, inquam, sapientiam, opulentiam, & splendidissimam honestatem suam. Credit nimirum hoc, & pro hac veritate vel-



let occumbere : Et tamen adeo aliena  
 effecta est a te, o dulcissima spes, quę  
 cor meum, & pręcordia firmas, vt mi-  
 rum sit, quomodo obscuratum sit au-  
 rum, & mutatus auri color optimus,  
 colore videlicet mundi permutatus.  
 Inconstantia enim concupiscentię ob-  
 scuravit mihi vera, & sempiterna bo-  
 na, & vrget me, ad sectandam vanita-  
 tem, qua video multos capi sapientes,  
 & fortes enervari. Quid est hoc hone-  
 stissime, ac nobilissime, & supra omnem  
 cogitationem pulcherrime Deus, ac  
 sponse anime mee? Vanitas irrep-  
 sit, & alligavit cor meum, & te, quamvis  
 multis conatibus se exerceat, nequit in-  
 uenire. Quis me fascinauit, & ca-  
 ptiuum abduxit? Quo fertur tam ve-  
 hementer, te quasi fugiens, phrenitide  
 correpta anima mea, quam tenerri-  
 mum cor tuum adoptauit sibi? Usque  
 quod delicijs hominum dissolui cupiet  
 filia hec vaga tua, Deus meus? Quid

12 R.P.F. Io. à Iesu M.

sibi vult amens hæc, in via Ægypti, ut  
bibat aquam labore, ac pretio magno  
comparatam, qua sitis non sedatur,  
sed inualefcit? Cur appendo argen-  
tum, non in panibus, & laborem  
meum, non in saturitate? O vera sa-  
tietas, quæ penetras, & exples sinus  
omnes cordis mei. Vbi est triticum,  
& vinum, suauissime custos, qui pascis  
me? Vbi, quod absquæ argento, & vlla  
commutatione donas, vinum, & lac?  
Ergone credendum est, quòd ista  
pocula libentur in terra, & adhereat  
lingua mea palato, præ magnitudine  
defectionis meæ? O dulcissime potus,  
cuius desiderio arefcit anima mea,  
quando me fessum de via recreabis,  
ut exultent humiliata hæc ossa mea,  
quæ velut cremium aruerunt? Quan-  
do, sponse dulcissime, ac purissime  
consortium vitæ meæ, torrente voluptatis tuæ  
irrigabis me? Utinam dirumperes Coe-  
lus tuos, ut aliquando plueret, vel sal-

tem

tem rore modico matutino me conspergeres. Utinam petra cordis mei, in hoc deserto scinderetur, & fons in hac mea solitudine, qui leniter mihi funderet aquas illas Hesbon, quæ fluunt cum silentio. O suauissima vita cordis mei, penetra celeriter medullas meas: tibi enim patent, atque hiant penetralia viscerum meorum, & arcani pori lugentis animæ meæ. Et quo ardentius est tui desiderium, eo magis tædet animam meam vitæ meæ. Et velut more impatiens, dimitto aduersum me, non te, licet de te, eloquium meum. Sine, obsecro te, patienter audi querimonias meas, filias desiderij, quod differtur. Conceptum quippe sermonem retinere difficile est; sermonem, inquam, illum, quem concepit amor. Effundo ergo ad te, o tranquillitas, & lætitia mea, voces, interpretes cordis mei; in quo non videtur halitus remansisse, frequenter

aspi-

14 R. P. P. Io. à Iesu M.

aspirando consumptus. Propter quod,  
oro te, sis tu mihi spiritus oris mei,  
quem inspirando traham in eternum.  
Et ambulabis ad auram istam, non  
solum post meridiem, sed per integras  
noctes, atque dies. Patebit tota tibi,  
expectans refrigerium anima mea, quæ  
delectabitur super salutari suo. Cupit  
illa certè spiritum vite, cui foedere  
strictissimo societur. Querit, ac re-  
quirit, & affectat dulcissimam presen-  
tiam vultus tui; ut inspires in faciem  
eius spiraculum suauissimum ex ore  
tuo. Vide ergo humanissime, quomo-  
do coarctor, dum animam meam eri-  
gere conor, ad hoc tuum refrigerium.  
Frequenter conor attollere ad te spiri-  
tum meum, sed pregravant me pre-  
cordia mea, & fluctuantes cogitatio-  
nes meæ. O, quis mihi det, ut fruar  
sibilo aure lenis, in qua corda visitas,  
speciosissime fili Dei, quando sine mo-  
tibus, ac strepitu, pascis amoris flam-

inam



mam voracissimam. Quando tu imperas ventis, & mari, & statim silent fluctus eius. Letarer ego valdè, quia filerent; & procella mea in auram verteretur. Dic ergo & sedam mare meum, ut pace illa, quæ exuperat omnem sensum, quam instillas, cum cordi blandiris, aliquando fruar. Per medios fluctus, & senas passionum, ac tentationum procellas navigare cogor: sepe videor mihi aquis operiendus, & opto ut appareat mihi lucifer matutinus, qui nescit occasum. Opto scilicet te, lux mea splendidissima, cuius voce suavissima, pax vera reuertitur. Orietur enim mihi sol, & cœlestis quoquè serenitas, si letus affueris. Tunc omnes bestię sylvę, cum in terram descendero, congregabuntur, & collocabuntur in cubilibus suis. Afferes enim mihi pacem, pacem, quia in te speravi. Pacem hanc semper inquiram bello diuturno comparandam. O quies expe-

Sta-

Orata, & multis gemitibus repetita,  
quis me deducet ad amplexus tuos:  
Vbi est, sponse dilectissime, thalamus  
ille tuus, vbi cum desponsa tibi anima  
requiescis, & castissimo coniugio dele-  
ctaris? Doce me (obsecro) locum il-  
lum, quem abscondisti à sapientibus,  
& prudentibus, & paruulis reuelasti.  
Si docueris me, ò mansuetissime, tunc  
immaculatus ero, & non tantum emun-  
dabor à delicto maximo, sed & super  
niuem dealbabor. Tu enim eris tunc  
puritas, & munditia mea, si in pacis  
tuę locum introducar, & te strictissi-  
mis amplexibus astringam. At ego  
ardenti pacis teneor desiderio, & picta  
me sollicitat pacis pulchritudo, sed sine  
illius experimento contabesco: & eò  
magis appropinquo ad portas mortis,  
quò frequentius sine pace, pacis remi-  
niscor; solam quippe illius imaginem,  
contemplor, & solum eius nomen au-  
diui.

Au-

Audiui quòd in pace factus sit locus tuus , ac propterea diligas portas Sion , plusquam tabernacula Iacob .

Propter hoc memoria memor ero , & tabescoet in me anima mea . Auribus enim meis famam tuę pacis , & illius excelsę sapientię , quam in Sion doces , audiui ; Sed heu me , quia perditio , & mors dixerunt : auribus nostris audiuius famam eius . Væ mihi , dulcissime Deus , cuius absentia , consumitur caro mea ; quid faciam tibi , requies mea , vt cor meum requiescat in te ? Ecce trado tibi viscera mea , quę , si tibi placet , confestim discerpas , & vras , vt modicè saltem gustet te , palatum animę meę , quę rore Cœli destituta , marcescit . Certè tu apponis erga me cor tuū . Liceat ergo mihi formosissime fili Dei , tributum cordis mei iam tibi rependere , vt à te nunquam separetur : sed melius , & securius est , vt ex amoris tui magnitudine

præderis illud, ne fortè tardus fiam,  
ad reddendum. Accelera ergo, cla-  
rissima lux vultus mei, spolia detrahe;  
totum me festina prædari.

O si iam dirumperes vincula mea,  
vt tibi me totam hostiam laudis im-  
molarem! O si fierem holocaustum  
ignis tui flamma consumptus! Desi-  
dero enim transformari in te, ac me  
odisse concupisco. Propterea in tui  
amoris incendio corripe me, vt saluus  
fiam, quasi per ignem. Vre iam renes  
meos, & cor meum, anima quippe  
mea sitiuit in te: certè, licèt non quàm  
ardenter vellem, sitiuit tamen in te  
anima mea, o quàm multipliciter tibi  
caro mea.

Adhuc enim caro mea in te cupit  
exultare, propter famam pulchritudi-  
nis tuæ, quam exquirat. Fertur illa  
præceptis in corporum venustatem,  
qua nihil putat optabilius, ac ob id  
importunè vexat me, vt nullum sit præ-  
tium,



tum, quod non curem pertransire.  
O pulcherrima vita cordis mei, quam  
sevas procellas excitavit mihi! ò paca-  
tissime portus animæ meæ, quoties in-  
constantia concupiscentiæ transuerte-  
re tentavit sensum meum! Profectò,  
nisi quia tu citò adiuuisti me, habitas-  
set in inferno anima mea. Hęc mihi  
prælia oriuntur ex carne mea, quam  
ad te nitor erudire. Si enim capit  
eam pulchritudo, certè tu pulcherri-  
mus es, & ad delicias comparatus: Si  
formam elegantem cupit vehementer,  
cur te non affectet, ò speciose formâ  
præ filiis hominum? Propter hoc ni-  
mis affligitur cor meum, quod cum  
ex te, non solum anima, sed & caro  
possit haurire purissimam voluptatem,  
cui mundi contemptus, & obliuio per-  
miscetur; inter mundi pericula mœ-  
rentem repellis me, velut ablactatum  
super matre sua. Clamo ad te, nobi-  
lissima libertas mea, de hoc tenebri-

coſo carcere Adæ patris mei: Emitte  
manum tuam de alto, quæ tangat me,  
& reddat mihi cordis libertatem,  
quam ſanguine comparasti mihi: Cer-  
tè non ſum filius ancillæ, ſed liberæ,  
qua libertate donasti me. Nunquid  
mare ego ſum, aut cetus, quia cir-  
cundediſti me carcere? Carcer meus,  
corpus meum, cuius angustijs, quaſi la-  
pidibus quadris, ſepſiſti me: Redde  
nunc mihi lætitiã ſalutaris tui, veni  
velociter, & eripe me. Profectò, pu-  
riſſima ſerenitas mea, Tu in iudicio  
dicturus es: In carcere eram, & ve-  
niſti ad me, & in electorum laudibus,  
hanc inter potiſſimas recenſebis; vt  
gloria, & honore corones eos. Fac er-  
go, ſuauiſſima requies cordis mei,  
quod tibi tam iucundum, & amore  
tuo dignum eſt, vt me in carcere com-  
peditum, citò viſites, & ſoluas vincula  
colli mei: vincula, inquam, hæc pluſ-  
quàm ferrea, quæ dorfum meum ſem-

per

per incuruant, vt adhereat terre venter meus. Fecisti enim me rectum, vt aspicerem te, o super omnem pulchritudinem forma præstantissime, & prono vultu cogor terre deformitatem inspectare, quam odisse desidero. Sed tu gratia valde diues, sine iactura, vlla potes eripere me, vt sedeam cum Principibus, & solium glorie teneam: multò certè facilius, quàm Pharaon Iosephum, quando misit Rex, & soluit eum Princeps populorum, & dñmisi eum, & constituit eum dominum domus sue, & Principem omnis possessionis sue. Non hoc vltimum postulo à te, dulcissime Rex, qui amoris imperio corda regis. Non posco, vt constituas me Dominum domus tue; sed vt inter mancipia dilectionis recipias me, postquam ferrum pertransiit animam meam, & manus mee in cophino seruiuerunt. Nunquid enim semper seruiet, quem ad imperandum condidisti?

Quousque animam meam tollis, abscondite Deus cordis mei, pro quo laboro, usque ad vincula, quasi male operans in terra aliena? Sentio iterum efferuescentem sitim meam. Quis mihi propinet aquam de cisterna tua, que derivatur ex formosissima, & immortali iam carne tua? Etenim cum adhuc mortalis esses in terra nostra, ò desideratissima letitia mea, omnis turba querebat te tangere: quia virtus de te exibat, & sanabat omnes: tangat ergo nunc, & mollior, & formosior manus tua, ægrotantem me, & curet me ab ægitudine mea. O si mihi porrigeres eam non tam clavi, quam amoris vulnere fauciatam! Imprime ego illi labia mea, nec morte ipsa vellem inde diuelli. Vbi est, ò timentissime sponse animæ meæ, manus tua, hoc? Produci illam mihi languenti, etiam si velis illa interficere me. Bene noui ego, te, manus tuas niue candi-

dio-

diores cuidam dulcissime sponse tue,  
que ex tota anima sua dilexit te, osten-  
diffe, & illarum pulchritudine cor eius  
vulnerasse. O vulnus amoris tui! Con-  
fiteor tibi vita iucundissima cordis  
mei, optare me hoc iaculo tuo vulne-  
rari. Melius enim est mihi mori, quam  
hoc vulnere suavissimo carere. Ex-  
pono tibi cor meum vulnerandum;  
nec ultra obsecro, sanes me. Licet  
enim visus acumine parum valeam,  
te tamen utcumque contemplor vul-  
neribus eternis sauciaturum: Et propte-  
rea tecum opto vulnerari, iucundissi-  
me sponse anime mee. Certè vulne-  
rum corporis tui signa, & insignia vi-  
ctorie tue intulisti Cælo; ut me in car-  
nis tue volumine scriptum, amaret Pa-  
ter tuus: Epistola enim ad Patrem  
mea, tu es. At intima amoris erga  
me tui vulnera, quibus nunquam car-  
uisti, nequè cariturus es, præsertim  
impellunt me, ut cupiam, & conerim.



mortalia vulnera comparare. Et quidem, optatissime Deus, pro vulnere vno, dabo tibi diuitias vniuersas, honores, & vitam ipsam, qua donasti me, & bona omnia, quæ complecti valet latissima voluntas mea. Quia etiam, si adiuueris me, dabo tibi poculum, de vino condito amoris tui, & mustum malorum punicorum, effundens, si tibi placet, vim magnam sanguinis, expressi torculo passionis. Hæc omnia tibi dabo, quia tua sunt; sed nouo foenore lucraberis cor meum, quod ex voto suspendam coram te, nec ego, te inuito, audebo illud contrectare. Extende igitur manus tuas plenas hyacinthis, & formosas valde. Tange illis cor meum, & inter te, ac me solum, corripe me. Audiam quippe te libenter, & sic lucraberis fratrem tuum, & hærebunt tibi flammantia viscera mea, quorum motus importuni sedabuntur in te. Tu enim es eorum re-

quies

quies sempiterna . . Hæc omnia operabuntur tornatiles, & pulchræ nimis manus tuæ .

Verum, si vel solæ manus sic corda permulcent; quid fiet, ò prædo cordium, quando tibi placet ostendere manus, & latus, quod patefecit amor? Credo equidem tantam esse vim dulcedinis tuæ, ut paulominus exhalent animas amici tui in arctissimo complexu tuo. O, si mihi dares, ut semel saltē aspicerem te, ut imago pulchritudinis tuæ cordi meo imprimeretur! Certè multò magis exultarent viscera mea, quàm exultant victores capta præda, quando diducunt spolia. Tu enim, dilectissime frater, fili matris meæ, tu inquam es præda cordis mei auidè querentis te, cupientis nuenire, & capere te. O quàm ardēter adhæreret anima mea post te, si te illi manifestares. Oscularer sine fine vulnus ateris tui, & spiritum vitalem inde atraherem, & aure cordis perciperem.

motum vehementem cordis tui, vbi est promptuarium amoris, & salutis meæ. O cor tenerrimum amici mei, qui vsquè in finem dilexit me, & tradidit semetipsum pro me. Quis imprimet impetum animæ meæ, vt ebrietate sobria discat insanire; donec inueniat requiem suam, donec, amantissime sponse, sopiatur in te? Quis dabit capiti meo aquam, & oculis meis fontem lacrymarum, quia prior ego dereliqui te, & tu mater meæ salutis cupidissima, postea repulisti me. Opto saltem dulciter flere propter te, si fortè commoueantur viscera tua, super filio, quem genuisti, cui græue malum est tamdiù priuarite. Utinam percuteres siliem cordis mei, virgam indignationis, sed directionis tuæ, & fluereut aque cum impetu de Libano, adultum iam amoris tui. Certè aque arderent igni, vt notum fieret nomen tuum, & ego initio noctis flerem propter te, &



ota nocte, non taceret pupilla oculi  
 mei, in vigilia charitatis. Æternis de-  
 siderijs inflammarer, & somnos inter-  
 illos caperet amor meus. Nam &  
 sollicitudo cordis excitaret me; ut ex-  
 quirerem faciem tuam. Non sicut  
 negotiatores terre, & Theman, & sicut  
 Iij Agar, qui exquirunt prudentiam,  
 quæ de terra est, sed sicut suauissimam  
 dona cordis tui Magdalena; quæ ex-  
 quisivit cum fletu sapientiam, quæ de  
 Cælo est, quam inuenit manens eo,  
 quod vigilauerat ad te; sic ego, splen-  
 dor nobilissime, & purissime amor vi-  
 cerum meorum, opto inquirere te,  
 & flere, donec deficient lacrymæ.  
 Quis scit, si ad vesperum demorabitur  
 ætus, & ad matutinum lætitia? For-  
 tan inueniam te, & tollam, & tena-  
 cissime amplectar, & inter præcordia  
 recondam, & seruabo donec intro-  
 ucam te in domum supernæ Hieru-  
 salem matris meæ, & in cubiculum

eius-

eiusdem dulcissime genitricis mee. Propter hoc laborabo : & vram estu per diem, & gelu per noctem : & somnus recedet ab oculis meis. At nunc audire volo consilia cordis mei, dum quero te. Dicit mihi intus cor meum; Sustine illum, quia citò veniet salus tua, citò appropinquabit gaudium tuum : sed ego tactus dolore cordis intrinsecus, respondeo illi : Quale mihi gaudium esse potest, qui lumen cæli non video? Ideò spes, quæ differtur, affigit animam meam, quæ non habet consolatorem. Sedet illa sola sine te, sed plena populo passionum, plena motibus numerosis, velut arena, quæ est in littore maris.

Facta est certè, quasi vidua tuis or-  
bata voluptatibus : nescit, an recesseris  
ob culpam, vel recesseris ad coronam.

Recordare tu gaudium meum, & co-  
rona foelicitatis meæ, me non posse  
vivere sine te : Si peccaui, quid faciam

bi? Nunquid medici suscitabunt me?  
 hoc cognoscam, quoniam voluisti  
 te, si suscites animum meum, ut vi-  
 uens confiteatur tibi in consilio iusto-  
 rum, & congregatione, ad quam gratis  
 vocasti me. Olepidissime, & valde  
 stens in sermone, vno saltem verbo  
 lale me. Dic, obsecro, animæ meæ,  
 us tua ego sum. Lætabuntur enim  
 æcordia mea voce suauissima Dilecti  
 ei: Diffusa est quippe gratia in labijs  
 is, quibus inflammantur diligentes  
 . Certè propter verba labiorum  
 orum, ego curo custodire vias duras,  
 as detrectant sensus mei.  
 Sed heu mihi, o formose in stola  
 is, gradiens in multitudine pulchritu-  
 nis tuæ, cuius perpetuo desiderio  
 scunt ossa mea, dum tibi comme-  
 oro vias duras, imago iustitiæ tuæ  
 ret me. Nescio, an suspirijs meis  
 cauerim te, ut cesset iam indignatio  
 , quæ ebibit spiritum meum. Pro-

pter

pter hoc, ò mansuetissime, oro te, ne  
multa fortitudine contendas mecum,  
nec magnitudinis tuæ mole me pre-  
mas. Appare mihi lætus, ò vita plus-  
quam dulcissima animæ meæ. Illa-  
bere in intimas medullas meas, vt sen-  
tiens castam voluptatem præsentiae  
tuæ, remittam formidinem meam.  
Experiar ego nare magnum bonitatis  
tuæ, gustem misericordias David fide-  
les. Trahe me in funiculis Adam, in  
catenis charitatis. Utinam mitissime  
Deus, iam non ultra terreres me.  
Semper enim, quasi tumentes fluctu-  
te timui, & pondus tuum ferre non po-  
tui. Bonus mihi timor tuus, qui quas  
freno compescuit me, sed nimium af-  
flixit me. Nunc verò, amor melle  
dulcior, & vita ipsa mihi charior, cu-  
pio te magis amare, quàm timere.  
Desidero tibi reddere tributum grati-  
tudinis, quia tu prior dilexisti me.  
Et calor vehemens, quo flagrare soles

excitat tibi cibi appetentiam inexplicabilem. Cupis enim vehementer cor meum amore conditum apponi tibi, quo avidissimè vescaris. Esuries magna est. Et opto te reficere, si placet tibi, urgente fame comedere me; ut calore tuo percoctus in te muter, quod ardenter cupit anima mea.

Sed oro te, suauissima pulchritudo mea, cuius desiderio cali, ac terra liquescunt, ne fastidias insipidum cor, quod vellem condire, ac dulcorare tibi. Ne, obsecro, mihi dicas: si esuriro, non dicam tibi: meus enim est orbis terræ, & plenitudo eius. Scio anè, o diues valdè Deus cordis mei; scio tuum esse orbem terræ, ac plenitudinem eius: sed quantum capio, omnia hæc vnius hominis corde permixabis, pro quo sanguinem simul, ac vitam profudisti. Ecce ergo vnum cor, et pro victoria splendidè epuleris: vecere, oro te, citò, & velut ignis con-

sumens, depasce me, & mutatus in te, iucundissimam faciem tuam contem-  
plabor, nec à te, vel per momentum  
temporis, diuertam oculos meos, etiam  
ad Angelorum pulchritudinem in-  
tuendam: Ineffabilis enim est, ò ele-  
ctissime fili Dei, gratia vultus tui, quo  
vniuersa corda capiuntur. Non adæ-  
quabitur ei candor niuis, & serenitas  
celi non componetur ei. O quam  
libenter ego mortis pretio, illius intui-  
tum compararem, vt amore arderem  
sempiterno! ò quis mihi det, vt ex  
amoris vehementia moriar pro te,  
speciosissime fili Dei! ò si mihi com-  
modares cor tuum, & cor pulcherri-  
mæ matris tuæ, vt æuo sempiterno  
amarem te! benè mihi esset cum illis  
cordibus omnibus diebus vitæ meæ.  
Sed & fidelia corda omnium spiri-  
tuum beatorum, qui in terra viuen-  
tium pascuntur à te, & omnium anima-  
rum, quæ in vniuerso mundo ardentis.

finè



simè adhæserunt tibi, in tuò mihi dē-  
tur, oro te, & in æternum non red-  
dam illa. Tantummodò in ista voce,  
ò dilectissime, exaudi me, & innume-  
rabiles hostias sacrificabo tibi. Fac  
me, sicut ministros tuos, ignem vren-  
tem, & holocausta medullata reddam  
tibi. Non posco iam delicias, sed t r-  
turas vrentis amoris tui. Cur audis,  
& non exaudis tam diu clamantem  
me, ò dulcissime, & candidissime, ò  
speculum sine macula vultus mei?  
Quando intuebuntur te oculi mei, &  
aspiciet te anima mea, & affluet, & mi-  
rabitur, & dilatabitur cor meum,  
quod nunc laborat, & oneratum est?  
Nam ex quo peccaui, posuisti me con-  
trarium tibi, & factus sum mihi metipsi  
gravis. Propterea cor meum laborat,  
& oneratum est. Grande pondus, re-  
pulsæ tuæ, & auersæ manus tuæ, quæ te-  
tigit me. Manum hanc tuam, oro te,  
longè fac à me, & formido tua non.

me terreat, & respirabo in te paululum,  
ò aura tenuissima, & saluberrima ani-  
mæ meæ, quæ refrigeras fatigata præ-  
cordia mea. Sed tu in rigore tuo, quem  
non dedit natiuitas, sed culpa mea,  
confregisti me; repulisti, & despexisti,  
distulisti seruum tuum. Quid est hoc?  
Quid agit, dulcissime comes peregri-  
nationis meæ, quid agit benignissima  
anima tua, & cor tuum, in cuius tabu-  
la carnea scripsisti me? Tantum, in  
me vertis, & conuertis manum tuam,  
tota die. Utinam, si placeret tibi, vno  
vulnere, citò occideres me; vt ad ca-  
uernam maceræ tuæ, vbi est nidus  
eius, anima mea conuolaret. Certè  
illa ibi requiesceret cum principibus,  
qui ædificant sibi solitudines, qui re-  
plent domos suas argento, quod exa-  
minatur in te. Certè non placet mihi  
studium eorum, qui argentum thesau-  
rizant, & aurum, in quo confidunt ho-  
mines; sed illud studium valde cupio,

quo



quo paratur aurum sapientiæ, quam docere soles amicos tuos, qui ardentissimè adhærent tibi. Quando dum medium silentium tenent omnia, & nox in suo cursu medium agit iter; Tu, serenissima luce vultus tui, ante solem illis oriri soles vigilantibus, & hiantibus ad te.

Quis mihi der, o Præceptor humanissime, frequentare gymnasium hoc, ubi doces, & amore capis, & adstringis tenerrimo cordi tuo eos, qui didicerunt inuenire te: si admiseris me in scholam tuam, immolabo tibi multas victimas, & ludam, & saltabo coram te totis viribus, sicut fecit David seruus tuus, coram Arca testamenti præ lætitiæ magnitudine. Reddam tibi primitias affectuum ignitorum, & cantabo tibi canticum nouum, ritu sempiterno. Desiderijs æternitatis inflamabor, & mille modis curabo placere tibi. Opto, dulcissime Deus animæ

meæ, laudibus æternis bonitatem, & suauitatem tuam immensam celebrare, & tecum, donante te, dilectionis infinitæ fœdus inire. Pone, obsecro, te, vt signaculum super cor meum, vt tuo signo obfignata incedat anima mea, & quocunque ierit, signo dilectionis agnoscatur, & repudiet omnes alios amatores. Melius illi erit in te vnum, totam vim amoris effundere, & substantiam omnem domus suæ. Propter quod, oro te, fac me diuitem amore tuo, & optatissima visitatione tua, quæ deficientem alat me.

Da mihi, genitor meus, partem substantiæ, quæ me contingit, non vt prodigam illam cum filiabus hominum; sed vt pascatur anxius amor meus, ne, si dimittis eum sic ieiunum, deficiat lassus in via tua. Dimitte me, lux formosa valde cordis mei, vt scribam ad te, nō de te, querimonias meas, ad leniendum dolorem grandem, eō

quod

quòd dereliquisti me . Sæpè quæro , ô  
vita animæ meæ amabilis valde, mul-  
tum , nimis ; sæpè quæro requiem , nec  
inuenio , etiam in amabilibus creaturis  
tuis .

Et si enim partim in eis luceat mihi  
pulchritudo tua , quam licitè possem  
diligere propter te ; repentè tamen ad-  
hærescunt illi parùm casti sensus mei :  
& ideò contraho cor meum , ne fortè  
zelus tuus recedat à me ; sed hic dolor  
acerbus est , quòd subtraham cordi meo  
pastum creaturæ , & viuat , aut certè  
longa morte moriatur sine pastu tuo .  
Pasce igitur me , amantissimè Pastor , &  
amore nudum , vesti me : si enim dede-  
ris mihi panem ad vescendum , & ve-  
stimentum , quo operiar , ex omnibus  
certè , quæ dederis mihi , decimas , &  
hostias pacificas offeram tibi . Quin  
etiam commodabo tibi viscera mea ,  
quibus vtaris pro arbitrio tuo . Sic tibi  
fiant omnia corda tributaria . Iterum

precor, pascere me. Miror speciosissime Deus, miror amice fidelissime, quomodo saltem, propter improbitatem, non solaris me. Certè non peto nunc tres panes, sed modicum fragmentum panis tui, velsaltem micas melle dulciores, quæ cadunt de lautissima mensa tua. Si exaudieris votum serui tui, reddam tibi pro fœnore cor meum, quia valde rigidus es tu, cum petis amoris vsuram. O vsura, quam qui reddit, cupit reddere auctiorem, quando reddam te, & effundam fœneratori meo liquefacta viscera mea? O plusquam suauissime amoris exactor, cui debeo plusquam decem millia talentorum purissimæ dilectionis, quam reposcis, quid faciam, cum soluendo non sim? Etiam si mutuò danda petiero corda cunctarum creaturarum, & tradidero tibi omnem substantiam, domus meæ pro dilectione, ære alieno oppressus remanebo, quia te totum,



tradidisti mihi, ex magnitudine dul-  
cissimæ bonitatis tuæ. Propter quod  
coram te procido, veniam precaturus,  
& imitabor inimicos tuos, quando  
fiunt amici tui. Nam coram te proci-  
dunt Æthiopes, & inimici tui, terram  
lingunt. Opto tibi reddere grande  
pondus de auro Arabiæ, de diuino in-  
quam amore tuo. Sed neque sic tibi  
satisfaciam, nisi te ipsum reddidero  
tibi. Quapropter liceat mihi, o expe-  
ctatissima vita, & inæstimabilis opa-  
lencia mea, capere te, ac strictissime  
adhaerere cordi tuo; ut habeam unde  
satisfaciam creditori meo, quem cupio  
tam propitium experiri. Hæc est salus  
mea: Hoc est ardens desiderium  
meum: Huc feruntur gemitus mei,  
quos sine fine multiplicabo. Quis mi-  
hi det elatam, & subtilem vocem, qua  
celos penetrare, ac tua etiam præcor-  
dia, Rex cordium optatissime, traicere  
possim, ut tandem toleris me.

Verum, hei mihi, satis importunè clamo ad te, expectatissimum bonum meum, & vox rauca cordis mei, videtur vox clamantis in deserto; sed & cum suspicio cælum, sedem Maiestatis tuæ, quò feruntur desideria mea, tu nubibus obducis illud, & tonas terribiliter super me.

Immittis mihi hostes tuos, & meos, qui molestissimis tentationibus persequuntur me: Tu repellis, illi sæuiunt, cæli, & terra coniurant contra me. Nunquid fortitudo lapidum, fortitudo mea, aut caro mea ænea est? Mitesce ergo iam suauissime Fili Dei, & visita esurientem animam meam. Certe dulcissima mater tua dixit: Esurientem impleuit bonis. Si ergo ego esurio te; cur amoris tui præsentia, non imples me? O sapientia, quæ ex ore Altissimi prodijsti, veni ad docendum me viam prudentiæ. Didici profectò, vbi sit prudentia, vbi sit fortitudo, &

lon-



longiturnitas vitæ ; quia tu fide tua ,  
quæ lucet in caliginoso loco , docuisti  
me . Tu es canities , & prudentia mea ,  
constantia , & fortitudo mea , & æter-  
nitas vite meæ . Propter hoc esurio te :  
maior enim vitæ , quàm panis , fames  
est , sed in his gemitibus meis , non vi-  
deo me pasci à te . Potius enim iudi-  
cio contendis mecum , quasi ego essem  
inimicus tuus . Quid mihi , & tibi est ,  
placabilis valde Fili Dei ? Nunquid ob-  
liuiscetur misereri Deus , aut continebit  
in ira sua misericordias suas ? Veniant  
obsecro misericordiæ tuæ , multæ super  
me , quasi aquæ maris operientis . O  
dulcissimum desiderium meum , & spes  
mea ab infantia mea , quàm laborio-  
sum est enigma hoc , in quo non vide-  
muse te .

Quid enim iucundum videt , cui  
subtrahis aspectum tuum , aspectum  
scilicet illum , quo dulcescit omnis la-  
bor , quem patimur in exilio ? Nec cer-

te solantur me admodum verba illa, quæ sub discessum tuum protulisti; ut solita labiorum tuorum, & dulcissimi cordis tui suauitate, dolorem absentiae mitigares, aiens: Modicum non videbitis me, quasi modicum sit tempus, quo non videmus te. Quomodo enim, ô salus optatissima, & æterna requies animæ meæ, quomodo inquam, potest esse modicum tempus illud, quo non video te? Si enim bonum magnum est, quomodo eius priuatio parua esse potest? Si tu es salus, & vita suauissima cordis mei; quomodo, ô speciosissime sponse, modicum tempus esse potest, quo tu abes, si absente vita emoritur cor meum? Modicum appellas, ô dulcissime Deus, tempus absentiae tuæ? Certè mihi longum videtur supra omnem mundi longitudinem. Hei mihi valdè longum est, & non cesso numerare dies, patiens consolatores onerosos, expectans, donec

veniat immutatio mea, & appareat mihi vna, quam exquiro satis, læta dies. Certè, quamvis non gustavi, credo tamen, quia melior est dies vna in atrijs tuis, super millia. Proba ergo me Domine, & tenta me: vre iterum renes meos, & cor meum; ingrediatur etiam putredo in ossibus meis, & citò scateat subtrus me, vt ascendam ad populum accinctum nostrum, ad ciuitatem sanctam Hierusalem. Ibi enim videbo te, ibi satiabis me, ibi consolaberis me, & agglutinabitur tibi anima mea. Sed o anima animæ meæ, incipe nunc manifestare te, vt soles amicis tuis, ne amplius extenuetur corpus meum. In corde meo iam sic decretum est, si ledero somnum oculis meis, & palpebris meis dormitationem, donec inueniam locum Domino, tibi nempe, ibi consoleris me. At verò quia tu, omen oculorum meorum, differre is tempus aduentus tui, subintrant

sen-

---

## 44 *R. P. F. Io. à Iesu M.*

---

sensus mei precantes me, ut vel modicam illis permittam voluptatem; longum enim tempus est; sed absit hoc à me, Deus meus. Dicam potius: Discedite à me omnes, qui operamini iniquitatem: Viri sanguinem declinate à me. Tu enim es sola castissima voluptas mea, in quam feruntur gemitus mei. Malo, certè conari ad delicias tuas, quas, velut aquam recens panis hauriat anima mea, licet in agone longo non gustem te; quàm affluere mundi, & carnis voluptatibus, quæ vehementer sollicitant me. Sincero corde quod fides firmat, in ariditate mea, quæram te: aliquando enim duces me ad solitudinem, & vberum tuorum ac te lactabis me. Reposita est hæc spes mea in sinu meo, & certò credo, quod non confundar, quoniam speravi in te.

Sed dum his cogitationibus exerceo me, Deus meus, decor, & refrigerium



cordis mei, cum sperem futura, quæ  
non video, & quæ video & nimis sen-  
tio, torqueant me; factus in agonia,  
prolixius oro, si fortè clamoribus diur-  
nis, & nocturnis, possim aliquandò  
placare te: sed non propterea remit-  
titur anxietas mea, nec lux consolati-  
onis oritur mihi. Et certè mirum  
est hoc. Tuus enim est dies, & tua  
est nox, tu fabricatus es auroram, &  
solem; & tamen, nec solem hunc,  
quem exquiro intueor, nec ortum  
urgentis auroræ, quæ est pulcherrima  
mater tua. Iaceo languens, & ulceri-  
bus plenus ante fores dulcissimi cor-  
dis tui, & ante latus apertum, & tamen  
nemo mihi dare videtur modicum  
fragmentum panis. Sed & quod fa-  
cilius est, vel aquam ipsam videris sub-  
traxisse mihi; & tamen tu dirupisti fon-  
tes, & torrentes, ut biberet in deserto  
populus tuus. Quid ergo faciam tibi  
dilectissime? Quid faciam, dum co-

nor



nō fugere mel de petra, & oleum de saxo durissimo? Quo munere placabit te sitiens anima mea? Hæc inquam filia Sion, cuius viæ lugent, eo quod nō sit, qui veniat ad celebrandam sollemnitatem in lætitia cordis eius. Nam etsi mundus veniret vniuersus, absente te, semper illa versaretur in solitudine, & oculi eius languerent præ inopia. Effunditur in terra iecur meum, propter contritionem animæ meæ. Docce ergo me, o sponse speciosissime, quo sacrificio placandus sis, quemadmodum amicos serui tui. Iob docuisti, quibus parcere cupiebas. Ne patiaris, obsecro te, me tandiū lugere propter te, nec exaudiri.

Quæro, nec inuenio: peto, nec accipio: pulso, & non aperitur mihi. Certè confiteor tibi, formosissime sponse animæ meæ, remedium hoc expedire mihi: nec enim à dulcissimi corde tuo, quo diligis me, poena

vlla, nisi salutaris mihi prodibit.

Confiteor remedium esse, sed amarum est. Utinam, si placeret tibi, mitteres illi dulcedinem tuam, & saporem suavitatis tue, qua extenuaretur dolor meus: O dilectissime viscerum meorum, in quo posui felicitatem meam, ne irascatur Maiestas tua contra me, si loquatur audacter servus tuus. Magnitudo enim paupertatis, & desiderij mei, suggerit incomposita hæc verba mea. Quis mihi det poculum amatorium ad propinandum tibi, iunditas optatissima animæ meæ, ut te iam volentem, suaviter ducam, ad explenda desideria languentis amoris mei. Fruar tunc amplexibus tuis, & forsitan audebo osculari te, ut contraham amplexu puritatem, & osculo infinitam voluptatem. O cœlestes deciciæ, quæ manatis è perenni fonte Dilecti mei, intrate, sicut aqua in interiora mea, & sicut purissimum oleum

in-

influite in ossa mea. Mergatur in vobis dilectionis audum cor meum, moriatur in Oceano, cui præsides sponsus meus. Moriatur anima mea hac morte iustorum, & fiant nouissima mea horum similia. O. *zuzia toleb*

At usquequò rauce fient fauces mee clementissime Fili Dei? Nunquid donec aspiret dies æternitatis tuæ, & inclinentur umbræ mortalitatis meæ. Horreo certè martyrium hoc, valde enim prolixum est. Recordare potius fidelissime auctor salutis meæ, recordare testamenti tui sancti, iusiurandum, quod iurasti ad Abraham patrem nostrum, daturum te nobis. Etenim humano generi iam dedisti te cum peperit mater tua filium suum primogenitum; sed si ego velut Esau morior, quid mihi pro sunt primogenita? Quod si non velut Esau morior, Deus meus, misericordia mea, quia (vt spero) non sicut illum odisti me



nihilominus ingens calamitas est, quòd non visites animam meam. Video quòd omnia te expectent, vt des illis cibum in tempore, & non deferis vel pullos coruorum, qui didicerunt inuocare te. Ne igitur longius absis, sed quasi vnum ex illis pascere me. En, me denuò sacrifico tibi, & suspiria mea immolo coram te, si fortè iugi victima cordis mei inclinem viscera tua. Colo terram, quam dedisti mihi: vineam, quæ reddidit tibi labruscas: terram feracem spinarum, quibus laborare feci te. Araſti quasi colonus in vitula mea: ideò tam expertus intelligis propositionem meam, propositionem, inquam, laborum meorum, & clamorum, quibus aures tuas pulsare non cesso. Pulsabo semper aures cordis tui, subtilibus desiderijs penetrantibus vsquè ad interiora velaminis sancti tui; carnis, inquam, tuæ, qua Diuinitas velatur. Et spem incedentem

concipere conabor tecum viuendi,  
 sine fine contemplans magnitudinem  
 amoris tui, qui non habet finem: Et  
 suspirabo semper ad auram vitalcm,  
 refrigerij tui: O vita vitalissima, &  
 expectatissima cordis mei, quis mi-  
 hi det, vt pascar præsencia tua, in quam  
 desiderant Angeli prospicere!

Quis mihi det, vt cœlestibus ardeam  
 desiderijs, propter te, & producam  
 ignitum eloquium tuum vehementer!  
 Quis mihi detq, vt purissimo corde  
 operer ad lineam rectissimæ volunta-  
 tis tuæ, vt sic fiam potens in opere, &  
 sermone!

Hæc mihi optabilia sunt, clemen-  
 tissime, ac humani cordis audissime  
 fili Dei, vt multis modis conciliem  
 tibi corda multa, & animas innumeras,  
 quasi virgines castas, tibi despondeam!  
 Si enim hoc pastu refecero te, scio  
 me etiam à te recreandum, & dulcissi-  
 mis epulis saginandum in conuiuio,

quod



quod parauit amor tuus . Parauit enim non tauros, & atrilia : sed escam, & potum suauissimæ dilectionis, & ab ea genitæ voluptatis, qua laborantes deniquè refocillantur, qui beati sunt, & benè illis erit, labores manuum, suarum, quia manducabunt . O fortissime Samson, liga te funibus amoris mei, cuius anima defecit præ dilectione mea, & ad mortem usquè lassata est : refice me laborantem, melle victoriæ tuæ, quod ex ore leonis retulisti . Ostende mihi formosa nimis vbera tua, pignora fidelia charitatis tuæ, & ego sugam auidissimè dulcorem, cordis tui, ut laus tua perficiatur ex ore infantium, & lactentium . Recordare quia frater meus es, tentatus per omnia, pro similitudine absquè peccato . Recordare agonizæ, & sudoris tui, quando tibi è cœlo affuit consolator . Sic mundus vniuersus igne tui amoris liquefiat . Veni citò obsecro

52 *R.P.F. Io. à Iesu M.*

te, ad refocillandam animam meam :  
aperiam tibi portam cordis mei, & in  
eius centro abscondam te, vt ibi mihi  
viuas in æternum. Melior eris vnus tu  
animæ meæ, quàm decem filij, & si  
te capit illa, satis est. O satis, o satie-  
tas, o cælestis opulencia mea, quoties  
prostravi me tibi in Ecclesia tua, vt  
pane filiorum saturares me ! Duo cer-  
te rogavi te, ne deneges mihi ante-  
quam moriar & eris mihi dulcissima  
salus vitæ meæ : Amorem tui, supra  
omnia, & humilitatem cordis, infra  
omnia.

Quis mihi det has duas pennas co-  
lumbæ deargentatæ, sponse fidelissime  
animæ meæ ! Vtinam illas mihi dones  
tu, qui potenses, vt in diluuiο mundi  
columba hæc non inueniat vbi possit  
requiescere pes eius, vt fessa reuertat-  
ur ad te, & admittas illam in arcam  
sanctificationis tuæ ! Vtinam placita  
tibi esset anima mea, amabilis, & de-

core valde fili Dei, & properares educere illam de medio diluuii iniquitatum, ne fascinatio mundanæ nugacitatis obscuraret me! Video, quod accrescunt ignorantiae meae, & à vera sapientia longè fio; sed & si quid noui, quod placeat tibi, obduratur cor meum contra te. Timet enim opera virtutum, quasi essent tela inimici sui. Infoelix ego homo, quis me liberabit de corpore mortis huius, quæ interficit me? Interfice tu potius seruum tuum, & zelus amoris tui comedat me, si fortè ignis eius consumat tarditatem meam, & possim velociter currere post te. Bonum est currere post te, ut accipiam te brauium meum. Ventus vehemens spiritus tui impellat me, & desiderium collium æternorum. Conuertantur mihi timentes, sed magis amantes te, & qui nouerunt testimonia tua; ut æmulemur charismata meliora, & delicias dilecti mei.

Recedant longè fraudulenta oscula  
mundi odientis me, & multiplicentur  
super me, Dilecte mi, vulnera tua,  
desiderio enim desideravi mori in  
vulneribus charitatis. O iacula dul-  
cissima transfigite cor meum; sagittæ  
Potentis acutæ percutite me. Rece-  
dite à me carbones desolatorij, quia  
in vobis ignis iam non est. Non fit  
mihi pars in frigoribus nivis, & glacies  
non lædat me. In consilium eorum,  
non veniat anima mea, cuius vita ca-  
lor est.

Sed interea, dum hæc ipsa scribo ti-  
bi, desiderabilis valdè Deus cordis  
mei, sentio aliam legem in membris  
meis repugnantem legi mentis mee,  
propter tria mihi difficilia, quæ semper  
vexauerunt, & vexant me. Tria enim  
sunt mihi difficilia, & quartum peni-  
tus ignoro. Negare cordi meo, quod  
est mundo utile, quod honorificum,  
quod delectabile. Hic est funiculus



triplex filiorum Adam, quo pater meus alligauit me. Sed & ego longius recedens à te, qui es utilitas, honor, & purissima voluptas mea, tria illa mihi difficiliora feci. Propter quod, quantum penitus ignorat anima mea. Nescit enim amare te. Gigantes gemunt sub aquis, & illa, quam fecisti grandem, sub tantarum difficultatum fluctibus perenniter gemit ad te. Procellas has patior, dum passionum mearum mare turbatur à draconibus Inferni, qui persequuntur me. sed ad te leuaui animam meam de profundis aquarum, qui potes imperio tuo tranquillitatem atterre mihi, & inimicos meos detertere: Tu enim confirmasti in virtute tua mare, conturbulasti capita draconum in aquis, tu confregisti capita draconis, dedisti eum escam populis Æthiopum.

Esto igitur mihi propitius, ò potens in prælio Deus cordis mei, ne vnquam



viribus fractis succumbam hostibus  
 meis, & loquar victorias tuas in Ec-  
 clesia magna, & in populo graui lau-  
 dabo te. Incipiam tibi inter filios  
 tuos afferre filios arietum, ritu nouo  
 testamenti noui tui. Et placebit tibi  
 super vitulum nouellum cornua pro-  
 ducentem, & ungulas. Festina igitur  
 gementem adiuuare, quoniam intra-  
 nerunt aquæ usque ad animam meam.  
 Certè infixus sum in limo profundi,  
 & non est mihi substantia. Inuale-  
 scunt aquæ intumescences: accurre,  
 expectatissime Deus, & adiutor spe-  
 rantium in te, antequàm tempestas  
 valida demergat me. Eripe me, oro  
 te, de aquis multis, de tribus difficili-  
 bus erue me, & tunc discam quantum  
 optabile nimis, & hostiam laudis red-  
 dam pro misericordia in medio  
 templi sancti tui, & placebit tibi sa-  
 crificium meum, sicut dies sæculi, &  
 sicut anni antiqui. Sed cur non sta-

tim amo te, desideratissima coeli pulchritudo? Cur quasi de futuro loquor amore tuo? Que pars felicitatis mihi est nunc, si modo non diligo te? Certè velle adiacet mihi, sed perficere non inuenio. Scio, qualecunque desiderium hoc amoris, te illud inspirasse mihi: sed valde molestum est sub umbra desiderati non sedere. Dicit mihi cor: clama, ne cesses, quasi tuba exalta vocem tuam. Quis scit si conuertatur Dominus, & donet benedictionem? Nunquid surdus es Domine, & non potius desiderium egenorum audit auris tua? Quid est hoc, elementissime Rex Hierusalem, & ad miserendum velocissime? Certè Diuina Maiestas tua præsens mihi est spiranti ad te, & taces, & te audire quasi dissimulas. Et ex hoc augetur nimium dolor meus. Nam, si ad absentem sic clamarem, dicerem, forsitan non audiuit me: Nunc verò, que

con-

consolatio superest mihi, si audiens  
 respondere non vis. Profectò, sponse  
 dilectissime, qui amaritudine absen-  
 tiæ tuæ probas me: si ego debilis ho-  
 mo diligerem amicum meum inuo-  
 cantem me, non possem diu latere,  
 sed ad illius amplexus festinarem.  
 Sed dilectio tua maior est: Propter  
 hoc, longo silentio, & repulsa exerces  
 me. Si ergo sic tibi placeo, ò merces  
 magna nimis laboris mei, visita me  
 diu in virga filiorum, & misericordiam  
 tuam grandem non dispergas à me.  
 Tantummodò præcordia mea, cor  
 meum, & caro mea, & quæ latent in  
 abscondito, ossa mea igne tui amoris  
 liquefiant, & transfundantur in te,  
 & vexillum super me sit charitas tua.  
 Dilectio sit potus, & esca mea; & tu  
 panis ad vescendum suauissime, sis  
 nutrimentum cordis mei. Fames pa-  
 nis huius vrget me, cuius abundantia  
 vt audiui, est in Sion, & Hierusalem.

vbi est magna multitudo dulcedinis  
 tuæ, Domine, quam abscondisti ma-  
 gis amantibus, quam timentibus te.  
 Et ita ego propter Sion non tacebo,  
 & propter Hierusalem non quiescam,  
 donec egrediaris mihi, vt splendor tu  
 iustus eius, & in corde meo quasi  
 lampas accendaris. Hæc pars mea,  
 & portio mea, sit adhuc in hac terra  
 morientium, vt semper cogitem, lo-  
 quar, & quæram te mitissime Rex: &  
 quotidie proponam Ciuitatem san-  
 ctam tuam Hierusalem in principio  
 lætitiæ meæ. Confla me, obsecro,  
 quasi argentum, & velut aurum cola  
 me, specie tua, & pulchritudine tua  
 inhabita centrum cordis mei. Exhi-  
 beo tibi, desiderio tui, flagrantia visce-  
 ra mea, in quibus, velut in molli lecto,  
 requiescas.

Curabo stratum, quem paro tibi,  
 lacrymarum vi rigare, sicut fecit pater  
 tuus Dauid, quem ad proportionem

cordis tui conformasti. Conspergam, scilicet, locum habitationis tuæ dilectione lacrymas producente: & in noctis silentio flere propter te, cæleste putabo refrigerium, quasi à te impensam benedictionem de rore cœli. Quid enim mihi superest, ò dulcissime cordum Imperator, qui domuisti orbem, non ferro, sed ligno: Quid, inquam, superest mihi consolationis, dum versor in exilio; nisi tecum mente conuersari, & animam deficientem, propinquantis regni tui memoria, stabilire, ac flendo meos labores extenuare? Imprimere propterea cordi meo, & saltem in imagine tua morare mecum interea, dum in imagine pertransit homo. Abscondere in latebris cordis mei, & depositum custodiam diligenter. In abscondito luctabor tecum, & in agone contendam sine fine; vt flammis amoris tui exuras me, donec totus liquefiam.

Sol-



Soluatur iam, sponse formosissime, glacies, quæ constringit me flatibus Aquilonis : vt veniat Auster expectatus, cui patent præcordia mea : & sacrificabo tibi vitulos labiorum meorum, oblationes, & holocausta cordis mei. Non deficiet hostia laudis in Sion, quam amanter odoraris.

Propter Sion, quam dilexi, pepigi foedus cum oculis meis ; vt ne cogitem quidem de foelicitate mundi, ne fortè velut laqueo capiat me. Ibo desiderijs, quasi pedibus, in dulcissimam mihi Hierusalem, propter Regem eius speciosissimum, à quo trahitur anima mea. Quis mihi det pedes, quasi ceruicorum, & super excelsa statuatur me ; vt inueniam ibi fratrem meum sugentem vbera matris mee !

Mergar in abyſſo deliciarum optabilissimi Dei mei, ò spes, ò pax, ò requies, quam exquiro. O decore nimis fili Dei, cur opportunè, & impor-

tu-

tunè gemens non inuenio gratiam  
coram te. Breue fac tempus exilij ; vt  
citò videant oculi mei salutare suum.  
Liga me fortiter catenis amoris tui,  
ne intereà species decipiat me. Multi  
enim canes obsederunt animam  
meam ; cuius genas ornauit sanguis  
tuus.

Procul sit à me mundi nugacitas :  
Nolo hereditatem aliam, nisi te, quem  
desidero, ad quem clamo, quem in-  
quiro. Et si placet tibi, suauissime  
repulsor, & custos, & memoriale iu-  
cundissimum cordis mei, longo tem-  
pore præsentia tua priuare, & impor-  
tunis tentatoribus tradere me ; fiat vo-  
luntas tua, quæ mihi charior erit vita  
ipsa mea. Tantùm ex intimis visceri-  
bus precor te ; vt per ascensum pur-  
pureum sanguine, & labore plenum,  
ascendam ad reclinatorium aureum  
charitatis, in cuius gremio requiescas,  
tanquam sponsus in thalamo suo, à

quo

quo non recedas in æternum, pro dilectione, qua redemisti me. Recordor enim ego viam, quam sanguine conspersam ostendisti mihi, & sic non turbabor te ducem, ac pastorem sequens, licet videaris posuisse me, quasi vulneratos dormientes in sepulchris, quorum non es memor amplius, & ipsi de manu tua repulsi sunt. Te quippe dereliquit etiam pater tuus, ita ut mirum sit, quomodo cecidisti fortis in prælio, & in excelsis occisus es.

Propter quod doleo super te, dulcissime frater mi, fili matris meæ decore nimis, & amabilis super omnem pulchritudinem. Bonum est commori tibi. Illabere ergo in cor meum innictissima fortitudo, & constantia mea, & fac me sicut columnam ferream, & murum æreum, ad ferendos labores, & vulnera propter te. Desidero enim satiari suavissimo potu sanguinis tui amore ebullientis, quo nihil

est

est delectabilius. Moriamur simul fidelissime comes exilij mei, vt simul ad lætitiā sempiternā resurgamus. Vtere corde meo ad beneplacitum tuum, & imprime mihi motus amore capti cordis tui; vt muter, ac transformer in te, & alar spiritu vitali tuo.

Hæc requies mea in sæculum sæculi, benè consultus elegi eam. Elegi te, sponse super cælos splendidissime. Ne, obsecro, recedas a me.

Sacrifico demum animam, & corpus meum, cogitationes, verba, & opera mea tibi, sponse amabilissime animæ meæ, & repono illa inter vbera purissimæ matris tuæ; vt placeant cordi tuo propter eam, cuius pulchritudine captus es. Sic fatigatus in hac lacrymarum valle, scribere, licet non gemere, & anhelare, cesso. Quæsiui enim vultum tuum, o vita, o spes, & lætitia mea: Quæsiui vultum tuum: Vultum tuum sine, sine requiram.

IESVS



IESVS CHRISTVS

REX PACIFICVS

SVPERNÆ HIERVSALEM,

Homini exulanti salutem.



*Pistola hæc nihil aliud  
est, quàm multiplex  
inspiratio, vel in  
scripturis expressa,  
vel piarum mentium sensu passim  
deprehensa, Dei solantis hominem  
arentem, tentationibus, labori-  
busquè compressum.*



**A** Ccepi litteras tuas, optatissime fili, suspirijs ac gemitibus plenas, interpretes cordis tui in Ægypto laborantis, & ob duritiam eorum, qui præsumunt operibus, labori tanto ferè succumbentis: & lætatus sum, quia vexatio tibi dedit intellectum, quem amisit in prosperitate Adam pater tuus. Prudenter agis, fili dilectissime animæ meæ, dum precaris, pulsas, & requiris me; interea dum ex misericordiæ magnitudine, fingo laborem in dulcissimo præcepto meo.

Nec mirum tibi debet videri, fili dexteræ meæ, si non statim soles te; sed differam spem incedentem, quam in Oceano vastissimo, velut anchora, firmatur anima tua, quam exercere, opus est, sicut exercui, ac distuli Israel servum meum, semen Abraham amici mei, ut viderem, an diligeret me, quem amore fidelissimo prior ipse dilexeram.

Nouiego, dulcissime fili, cui thalamum paravi in cauerna cæsi lateris mei, carni non placere disciplinam, licet à tenerrimo corde meo profectam. Sed recordare, fili iucundissime, foelicitatis meæ, quam inquiris, & pacis, qua gaudebis in æternum. Omnis enim disciplina, in præfenti quidem, non videtur esse gaudij, sed mœroris: postea verò fructum pacatissimum exercitatis per eam, reddet iustitiæ. Propter quod, remissas manus, & soluta genua erigere debes, & ad inestimabilem requiem meam, sine requie festinare.

Pulsa, ò desideratissime fili, perseveranter fores cordis mei, quod tibi patebit ingressuro. Non enim obduratur in pauperes anima mea, nec buccellam meam solus vnquam ipse comedi. Non patior, ò fili viscerum meorum, viduarum, & orphanorum, oculos expectare diu: quippe qui

non anem struthionis viscera crudelia. Certè nunquam dixerunt viri tabernaculi mei: quis det nobis de carnibus eius, vt saturemur, nisi fortè semel saturati, cum me avidissimè gustassent, ac esurire didicissent.

Si enim super inimicos meos, quos eram prostraturus in deserto, plui, sicut puluerem, carnes, & sicut arenam, maris, volatilia pennata, nec fraudati sunt à desiderio suo: quomodo non explebò pia desideria filij mei, quem non in deserto prostrare, sed in coelestem promissionis terram, exaltare, ac dulcissimo cordis mei pastu alere decreui?

An putas me simulasse, cum claram: Venite ad me omnes, qui laboratis, & onerati estis, & ego reficiam vos? Profectò fili mi, cui patuere viscera mea; non simulaui; sed corde sincerissimo, seriò vocavi te. Daboquè tibi, suauissime, fructus laborum

meo-

meorum, quod repescis; si iugiter exarsers, & in vigilia matutina clamaueris ad me. Si enim vos, cum sitis mali, nostis bona dare filiis vestris, quanto magis qui natura bonus est, dabit spiritum bonum petentibus se?

Profectò David seruus meus factus ad proportionem cordis mei, pro filio reprobò, quem dilexit ardentè, mori concupiuit, cum vociferabatur: Quis mihi det, vt ego moriar pro te, fili mi Absalon. Et ego, qui sum multò clementior illo, non solabor filium meum, quem saluare defidero? Nunquid non ego formauì cor illius, secundum exemplar cordis mei? Aut nunquid non vincam illum, mari magno dulcissimæ misericordiæ meæ?

Nec te frangat humilis conditio (quasi filius Agar cum Saræ filio nequeat hæres meus esse) nam & Ismaelis fletum exaudiui; cum deseruisset illum



nater sua, ne puerum vagientem, ob-  
beuntemquè videret: Et prospexi ei,  
propter me, & propter Abraham ele-  
ctum meum.

Nec demum præterita peccata, quæ  
non placent, deiciant te: nam & si  
fuerint nigra, vt coccinum; quasi nix  
dealbabuntur: & quamuis fuerint ru-  
bra, vt vermiculus; quasi lana alba  
erunt: nec repellam te propterea à  
dulcissima familiaritate mea.

Nihil est, quod pertimescas; si pa-  
tienter agas, & non cesses implorare  
me, qui te legitimè certantem corona-  
bo, & pelago dulcoris immergam in  
arctissimo complexu meo.

Noli timere, hæreditas mea, si tran-  
sieris per ignem, flamma non nocebit  
tibi, & odor ignis non erit in te. Tan-  
tummodo memento mei, ac dilige  
me; donec veniam cum Patre meo te-  
cum lautissimè coenaturus. Certè ex  
magnitudine amoris erga te, dabo tibi



edere de ligno vitæ, quod est in paradiso Patris mei.

At verò, quia multis rationibus urges me, longumquè responsum impensius optat, multis obseſſa malis anima tua, quæ mecum agere cupit ardentè; fusiùs tibi respondebo, & consolabor te: eò quòd me tenet tui desiderium, ac tecum agere, quemadmodum & cum cæteris filiis hominum, deliciosissimum mihi, & gratissimum est.

Vnum præsertim in Epistola tota prosequeris, fili mi, multipliciter pingens vexationem tuam à sensibus, & carne tua, à dæmonibus, à repulla mea. Auribus ergo cordis audi me.

Principio, genus Adæ proſers, à quo errare cœpisti, & mundi iugum nimis graue portare, stirpem fortitus inſcelicetam. Quam in re doleo vicem tuam, & ſeruitutem duram: quia velut Ephraim filius mihi honorabilis, & puer delicatus es: nec tamen teneritudo tua,

pondera tam grauiā detrectauit. Vbi mirum est, filij cordis mei, quā grauius peccent filij Adam, qui declinantes suauissimum, & vnicū iugum meum, sub quo possent requiem inuenire; emunt sibi quinque iuga bouum, & pretio magno, labores immensos comparare festinant.

Obstupeſcunt cæli super hoc, & eius portæ desolantur vehementer; dum filij populi mei derelinquunt me fontem aquæ viuæ, ac fodiunt sibi in sili-  
cibus cisternas dissipatas, quæ non valent aquas continere. Quantò equius, & dilectabilius esset, requirere me, ac satiari ab vberibus meis, quibus potare soleo amicos meos, qui non egrediuntur à facie mea, sicut Cain: nec post vestigia gregum suorum abeunt; quia non amant solatia peregrina? Certè si scirent donum Dei, & quis est, qui vocat illos, forsitan à me poscerent aquam viuam, & in æternum non sitirent.

Tu ergo, fili dilectionis meæ, quem  
impresi cordi meo, in mecum foedus  
meum, ac tolle iugum suauitatis meæ:  
& pro modico labore, aura leni recrea-  
bo te, eroque protector tuus ego, &  
merces tua magna nimis. Ostendam  
tibi omne bonum, & requiem expe-  
ctatissimam dabo tibi. Quasi mater  
filiolo, quem genuit, blandiar tibi, &  
fouebo te, ac recondam in sinu meo.  
Quod si mater oblita fuerit infantis,  
quem genuit, & lactauit; ego certè non  
obliuiscar tui.

Quod si spes, quæ differtur, aman-  
tissime fili, vexat te, dum animaduer-  
tis annos multos, sine rore cœli, præ-  
terire; ne cadas animo suauissime,  
quem insculpsi cordi meo: nec velis  
tempora, quæ sunt apud me condita,  
& signata in thesauris meis, præter  
meum placitum, propinquare. Ve-  
niet tandem optata dies, & aquæ di-  
luuij, quibus obrueris, cessabunt & ar-

ca requiescet, non certè super montes Armeniæ; sed super dulcissimam Sionem, quam dilexi, & feriam tecum pactum sempiternum, apparen- te in signum foederis, arcu meo.

Interea verò, dum versaris in dilu- vio aquarum multarum, & videris tibi in- fixus in limo profundi, vbi non inueni- tur substantia; ne mireris anxietatem, quam describis, animæ tuæ satagentis, & vagantis per vniuersas orbis creatu- ras. Sensus enim hominis proni sunt ad malum ab adolescentia sua, & pro transgressione, abducti sunt in capti- nitatem, quasi paruuli rationis exper- tes, ante faciem tribulantis. Hæc cer- tè conditio contracta est à patre tuo, ab eo tempore, quo sub arbore violata fuit Eua genitrix tua.

Ceterum hæc anxietas, iam non vt culpa, sed vt lucta tibi prodest, ex quo, sub arbore malo, suscitavi te, quia monte seruis legi anæ, licet

carne seruías legi peccati.

An non, & fidelissimi amici mei, quibus nota feci quæcunque accepi à Patre meo, eiusmodi conflictus pertulere, redemptionem corporum suorum expectantes, supra modum grauati; ita vt toederet eos viuere, & optarent liberari de corpore mortis huius, quam describis? Duos homines confingentes in vno velut vtero geris, & minor seruiet maiori; licet maior videatur in hac pressura minori seruire.

At verò, seruituti succedet vera libertas, & inter filios Sion inclytos amictos auro primo suscipiam, & vindicabo te: & ero memor filiorum Edom in die afflictæ nimis Hierusalem, ubi posui delicias meas.

Modò tamen, placet mihi, filium, & pretiosa valde præda mea, vt transeas per ignem, & aquam educendus in refrigerium, & feras tabernacula.



Cedar, propter pelles Salomonis .

Potuissem sanè , dulcissime fili , passionum flammâs extinguere , ne te vexarent , ac minùs te amare : verùm , hoc prouidentix genus , cordi meo consonantius , & tibi salubrius est ; vt laboribus eruditus , perenniter me requiras , & effundas in conspectu meo cor tuum , cuius liquefactione delector . Cor quippe saxeum hæreditasti , à præuaricatore patre tuo : & immisso labore , per virgam correctionis , non vno , vel duobus ictibus ; vt silem . Moyses seruus meus : sed ictibus iteratis pulso te : ac respicis , & vocas me , & effundis aquas salutare .

Hoc certè balneo aquarum calidarum , patefiunt pori cordis tui : & laxatur , quæ stringebatur gelu , sponsa , & amica mea anima tua . Sic festinus ilabor in thalamum , quem præparasti mihi : ac te etiam inscio , sicut adipe , & pinguedine , replentur viscera tua .

*Hæc*

Hæc est requies mea: Hoc reclinatorium meum, quod exquiro: Hic fructus laboris mei.

Propter hoc sudavi, & lassatus sum: Et recessit somnus ab oculis meis; dum pernoctarem in oratione Dei. Propter hoc, fui colonus in terra vestra, & pro mercede, infixit clauos manibus meis. Responde ergo fili amabilissime, desiderio meo, & vtere vexatione; vt per eam mihi paret hospitium meum, quod construitur in medio corde tuo. Si enim, mecum permanseris in tribulationibus meis; ego disponam tibi, sicut disposuit mihi Pater meus regnum; vt comedas, & bibas super mensam meam, de torrente voluptatis meæ.

Sæpè, vehementerquè conquereris, quòd anima tua pascat ventum, & aranearum telas texat; dum mundi bonis eleganter pictis allicitur, quasi columba seducta, non habens cor. Op-

tas

tas quippe, charissime fili, me solum  
amare, & videris tibi, rebus alijs vni-  
uersis, præter me perpetim adherere:  
Sed ne ob id langueas, electæ animæ  
meæ. Resinosa namque, ac viscosa,  
nimis mundi substantia est, & facile  
cor humanum, omnibus, quæ frequen-  
tat, adheret.

Tu verò, dum anniteris à visco mun-  
di, multis conatibus reuellere animam  
tuam, & propter me pangis foedus  
cum oculistuis, vt ne cogites quidem  
de virgine; verius certè, o dulcissime  
fili amas me, quam si multis consola-  
tionibus afflueret, ac dilataretur cor  
tuum, & per eam voluptatem mihi iu-  
giter inhaereres.

Cum enim duco animam in solitu-  
dinem, & loquor ad eam, & libat  
magnam illam dulcedinis multitudi-  
nem, quam abscondi timentibus me;  
non vsquè adeo sincerè diligit me:  
nam & permixtam suam quærit vo-

luptatem, quam non horrent sensus eius.

Amor certè ille delicatus, & paruulus est, & lacte nutritus, & plerumque sermonis iustitiæ expers est. Omnis enim, qui lactis est particeps, expers est sermonis iustitiæ, paruulus enim est. Perfectorum autem est solidus cibus, eorum scilicet, qui exercitatos habent sensus ad discretionem boni, & mali, qui semper altiora quærunt, & æmulantur charismata meliora in domo clementissimi Patris mei.

Exerce igitur, fili gratissime, cuius desiderio flagrat anima mea, te ipsum: & boni consule eruditionem meam, qua fiet; ut super senes intelligas, & recensearis inter maiores natu populi acquisitionis meæ. Nec aberrabis inter Babylonios, vel Assyrios, qui subegerunt Urbem sanctam Hierusalem; eò quòd principes eius nescierunt, & sicut principes Taphneos, non acqui-

fie-

fierunt bonitatem, & disciplinam,  
& scientiam Gymnasij mei.

Propterea enim ductus est captivus  
populus meus; quia non habuit scien-  
tiam veram, & nobiles eius interie-  
runt fame, & multitudo eius siti exar-  
sit. Propterea, electissime fili visce-  
rum meorum, dilatauit infernus ani-  
mam suam, & aperuit os suum absque  
ullo termino: & descendent fortes  
eius, & populus eius, & sublimis, glo-  
riosique eius ad eum.

Et quod præsertim lugendum est,  
ij, qui videntur amici mei, prudentiæ  
colore seducti, perhorrescunt discipli-  
nam, & refugiunt vias duras, per quas  
ad meam sapientiam pervenirent;  
quasi verbum crucis stultitia esset, vel  
sub cælo datum fuisset hominibus  
aliud nomen, præter meum, in quo pos-  
sent salvi fieri.

Doleo super eis, o fili cordis mei,  
quia quos genui filios, deniquè patior

ini-



inimicos: currebant enim benè, cum spiritu caperunt, & crucis iugum detestantes, carne demum consumuntur: & tandem obduratos projicio à facie mea; sicut quando curavi Babylonem, & non fuit sanata, & reliqui sub hostibus eam.

Illi certè scientiam meam repulerunt: propterea repuli, ac vomui eos ab ore meo, ne sacerdotio fungerentur ad altare meum.

Mirum est profectò, fili dilectissime, cui patent penetralia animæ meæ, quàm paucos fuerim lucratus amicos: amicos, inquam, arboris illius, è qua pependi, quando, quæ non rapui, affluenter exolvebam. Gratis certè vundati sunt, & sine argento redimuntur: & tamen pretium meum cogitauerunt repellere, quasi nihil eis profuisssem.

Oporteret, fili optatissime, illos meminisse, me virum fuisse dolorum,

ac scientem infirmitatem ; ita vt à planta pedis, vsquè ad verticem capitis, non esset in me sanitas : & quod, ad commouenda corda efficacissimum est, purissimam, & innocentissimam virginem, ac matrem meam culpæ prorsus expertem, vias duras percurrisse, & insontem carnem macerasse.

Duri sunt mihi valdè filij Adam, cordibus incircuncisis, surdisquè auribus, longè fiunt à salute mea. Nescierunt, neque intellexerunt mundi amatores sapientiam meam, quæ regnat à ligno. Etenim, quia mundus non cognouit in sapientia Deum, placuit mihi, per stultitiam prædicationis, saluos facere credentes. Propter quod amici mei, qui cognouerunt vias meas, malunt crucis sapientiam edoceri, quàm ante tempus regnare, non ausi comedere viam acerbam, ne fortè dentes eorum obstupescerent.

Cer-

Certè si gustarent delicias crucis, quas gustauit Andreas Apostolus, & amicus meus; placeret eis crucis mysterium; plusquam omnis mundi voluptas, opulentia, & pulchritudo: & timerent ab illa separari, propter immensum decorem eius: Ibi libarent sapientiam meam, & inuenirent thesaurum cordis mei.

Ego certè, ne quid desideretur, foris prædico, & in plateis emitto vocem meam: Usquequò paruuli diligitis infantiam, & imprudentes odio habebitis scientiam? Venite ad me, & comedite bonum, & delectabitur in celsitudine anima vestra.

Tu ergo, fili cordis mei, aperi aures cordis, & percipe, quæ dico, Non enim omnes capiunt verbum crucis: sed imitantur multi filios Ephrem intendentes, ac mittentes arcum, qui conuersi sunt in die belli. Modicum patere, ac patientem comitare me,

& amabo te super exquisitores prudentiæ carnis, & extinctores spiritus mei: Ero tecum in tribulatione, eripiam, & glorificabo te.

Si verò, præter labores tuos, qui oriuntur à culpa, & à carne tua, ego quoque, ò fili suauissime, & hæres Abraham fidelissimi in tentatione serui mei, in virga directionis visito te, vt probeam an ambules coram me corde sincero; amor salutis, ac progressus tui vrget me. Crede mihi, co-hæres ditissimi Patris mei, multo gloriosior apparebis, & splendidius epulaberis, postquam fueris à me probatus; dum sedeo confians, & emundans argentum septuplum coronandæ animæ tuæ.

Quapropter ne patiaris, ò tenerrime fili viscerum meorum, deijci animam tuam, dulcissimam sponsam cordis mei, eò quod sterilis interdum videatur; cum tamen sit auida filiorum, &

sicut

sicut Rachel sponsa Iacob amici mei,  
mihi sæpe dicat: da mihi liberos, alio-  
quin moriar. Nunquid enim non  
melior ego ei sum, quam decem filij?  
Quod si adhuc propter liberos flet, ac  
affligitur cor eius, ego ero ei filius, &  
ipsa mater mea erit. Omnis enim  
qui facit voluntatem Patris mei, qui  
in cœlis est, non solum meus frater, &  
soror, verum etiam mater est.

Benedicam aliquando coronæ anni  
benignitatis meæ, & erunt plures filij  
desertæ, quàm eius, quæ videtur habe-  
re virum, & lætabitur deserta, & inuia, &  
exultabit solitudo.

O quàm pulchra, per plateam Hie-  
rusalem, quàm candida, quàm suavis  
incedet! Sine, o fili, patienter age, vt  
adornet thalamum suum filia Sion,  
amica mea, speciosa mea, & noua  
creatura, melle dulcioris amoris mei,  
inter illius vbera, more fasciculi myrrhæ,  
commorantis.



Propter momentaneum hoc, & leue tribulationis, qua exerceo te, æternam gloriæ pondus reddam tibi, & immensis delicijs absorbebo te. Exiguus, & vnius horæ labor est in terra, morientium: sed in regione viuorum bona mea sine fine durabunt.

Partus est probatio tua, dulcissime fili, at citò dolor euanesceat, fructu quæ gaudebis. Nam & mulier cum parit, tristitiam habet, quia venit hora eius: postquam verò peperit filium, iam non meminit pressuræ, propter gaudium, quia natus est homo in mundum. Quanto ergo magis exultabis tu, natus coelo post modicum dolorem vitæ tuæ.

Quod si multiplex sensus tuus, quasi inuenculus indomitus, suggerit tibi de me, quasi de se uero Domino, querimonias, dum in virga, & verberibus visitatur, vt castigatus, & eruditus fiat filius subiugalis: ne concidat cor tuum

electæ animæ meæ: Gens enim sine consilio est, & sine prudentia: Vtinam scaperent, & intelligerent, ac nouissima prouiderent sensus tui.

Profectò si nossent cogitare diem, qua de coelo audient vocem dicentem sibi, ut requiescant à laboribus suis; multa fortitudine subderent colla iugo meo, & saltem sicut mercenarij præstolarentur finem operis sui, & hiant ad æternam mercedem suam. Propter hoc, ò fili, & gaudium meum, & corona victoriæ meæ, non susciperent à labore præsentis redemptionem; ut meliorem inuenirent resurrectionem, in superuenturo regno meo.

Tu verò, fili mi, assequi curà institutionem, & doctrinam meam: labora ut bonus miles in castris meis, & indefesso corde legitimè certa. Si enim vulnero te; percussit me quoque Pater meus, propter scelus populi mei: & ego diligo te, sicut dilexit me Pater.

præterquam, quod planum est, meliora esse vulnera diligentis, quàm fraudulenta oscula odientium te.

Vtinam, ò fili dilectissime, quem sanguine multo redemi, alta mente ponderares immensitatem amoris mei, cum corripio te; ut postquam biberis de torrente, possis respicere, & exaltare caput tuum, appropinquante plena redemptione tua.

Quale enim gaudium, dulcissime fili, erit postquam viceris, & probatus fueris, accipere pretiosioremauro coronam vitæ, quam repromisi diligentibus me? Quando dabo tibi calculum candidum, & in calculo suauissimum quoddam nomen scriptum, quod nemo nouit, nisi qui accipit. Quando dabo tibi victori sedere mecum in regno meo; sicut ego vici, & sedeo cum Patre meo.

Confidera fili optatissime, cuius amor incendit me, cum te corripio,

nol-

nolle me tecum bellum gerere; sed pacem conciliare cordi tuo. Ego enim cogito cogitationes pacis, & non afflictionis.

Inuocabis me nutritium tuum, & ego amantissime exaudiam te, & reducam captiuitatem tuam satis duram de cunctis locis, ac in sinu meo portabo te. Affligam affligentes te, & corripiam pro te reges; sicut corripui Pharaonem pro Israel primogenito meo, & populo sanctificationis meae. Increpabo pro te aquas rubri maris, & per arentem alueum deducam te, & in vigilia matutina tuos demergam in inimicos, & in littore collocabo te. Pauebunt monstra filiorum Enac, & corda regum Chanaan dissoluentur, cum cepero exaltare te; sicut exaltaui Iosue seruum meum participem fortitudinis meae.

Etenim, electe mi, cuius dilectio,



ut mors ipsa, fortis est, oculus non vidit, nec auris audiuit, nec in cor hominis ascendit bonum illud, quod præparavi tibi. Et quia per tribulationes multas oportet in tantum regnum introire; (quemadmodum, & me pati oportuit, ac ita intrare in gloriam meam) tentare te, & tanquam aurum in fornace probare decreui. Quapropter inter vexationes multas, & ipsi dæmoni tentandum permisi te, ut nihil esset in quo non fieres similis mei, Pontificis nempe tui, tentati per omnia pro similitudine, sed absque ullo peccato meo.

Cæterum ego ero, ò fili mi, cuius desiderio advena fui in terra aliena; fortitudo tua, & armatura fortium. Israel armabo te, & mecum ad bellum doctissimus eris. Quia ego Dominus Deus tuus, apprehendens parum exercitatum manum tuam, dicensque tibi: Noli timere vermis Iacob, quia ego



auxiliatus sum tibi: Ecce confundentur omnes, qui pugnant aduersum te. Ventilabis hostes tuos, ac turbo disperdet eos.

Certè dum mecum es, si consistent aduersum te castra, cor tuum minime timebit. Dabo in conspectu tuo gentes, & reges mecum obtinebis. Dabo quasi puluerem gladio tuo, & sicut stilicula vento raptam arcui tuo: quia inter filios excussorum, consors mea fortitudinis es.

Suggeram tibi nouas vires, & scuto dei, quæ per dilectionem operatur, aleaque salutis protegeris, & in ancipiti gladio sermonis mei viuam, & efficacis præliaberis. Et in clarissimæ victoriæ signum, super furentem aspidem, basiliscum ambulabis, & conculcabis euissimam leonem, & draconem.

Huius ergo promissionis erectus ueritate, incipe filii mi, in me firmissimè perare: & mutabis fortitudinem, a mu-

mes pennas, vt aquilæ : volabis, & non deficies . Omnia poteris in me, qui confortabo te , & exaltabitur sicut vnicornis cornu tuum , quemadmodum, & cornu inuictissimi olim populi mei, cuius fortitudo fuit sicut rhinocerotis ; quia ego ipse præsidebam ei.

Quod si ego pariter ducote te, & doceo manus tuas ad prælium, ac digitos quoque singulos ad bellum ; quid tibi vel mundus, vel totus nocebit infernus ? Exardescat, & fremat Sathan inimicus meus ; ego pro te pugnabo, & compescam eum, & eris in tutela mea : & qui tetigerit te, tanget pupillam oculi mei . Ecce enim gentes quasi stilla situlæ, & quasi momentum stateræ in conspectu meo : & quem dederit mihi dulcissimus Pater meus, non rapiet quisquam de manu mea .

Si vero interdum lupo ille, hostis meus videtur, fortè præualere ; ne ce-

das,

as, vel credas ei, ò fili dexteræ meæ.  
 Non enim quasi crudelis suscitabo  
 am, vel animæ dominium permit-  
 tim ei. In brachio enim meo con-  
 tegabo agnos, & in sinu meo leuabo  
 os; nec obsister quisquam potentia,  
 & imperio amoris mei. Ego quippe  
 sum solus Deus, & non est alius præter  
 me: Ego occidam, & ego viuere faciam,  
 iuxta placitum cordis mei.

Sic igitur, tenerrime fili, in quo sibi  
 complacuit anima mea, tot verberis  
 us castigatus, redde vicem cordi meo:  
 & amabo te plusquam alienigenas, &  
 yrum, ac populum Æthiopum, & ac-  
 cipiam holocausta pinguißima de ma-  
 nu tua: Cor afflictum, ac fidele, quasi  
 iustitiæ sacrificium acceptabo super  
 altare meum, & velut thymiamatis  
 suauissimi suffitum odorabor. Am-  
 lectar, & coronabo te amplexu meo,  
 & sedebis cum principibus in amplis-  
 simo palatio meo: Candidissimâ bys-

so,

so, & purpura Regis ornabo te, & coronam auream, signo sanctitatis expressam, imponam capiti tuo. Iudicabis nationes; ac dominaberis populis, & regnabis mecum sine fine, in amoris fœdere sempiterno.

Hæc ergo, electissime fili mi, & suavissime consors calicis mei, vel in scripturis meis expressa, vel tibi à me amantissime inspirata, recale, ac meditare: & sedabitur anxietas tua, quam tot modis in Epistola describere cogitasti.

Verum, quia præter laborum tuorum descriptionem, ad mala depellenda, & paranda bona, à me inter alia instantissimè flagitas visitationem, seu consolationem meam, humilitatem cordis, & flammam immensas mellitissimam amoris mei; aperi. sinus penitissimos animæ tuæ, ut quasi pluuiam temporaneam, excipiat mollitos, velut oleum, sermones meos: quibus etiam

disces, quid erga cætera, quæ postulas, agere proposuerim.

Quod attinet ad res ipsas, quas postulas, fili charissime animæ meæ, scias tibi summopere placere, quia solam sapientiam exposcis. Et quia postulaveram hoc, & non petisti tibi dies multos, nec diuitias, aut animas inuicorum tuorum; sed vnā, verā, iuināquē sapientiam, quæ in amore tuo, & cordisquē humilitate consistit, ecce dabo tibi, si fideliter pulsaueris, ut sapiens, & intelligens iuxta votum cordis tui. Quin & multa, quæ non eris, tibi dabo propter amorem, quo persequor te. Et eris (si permanseris dilectione mea) similis Dauid amico meo, cuius cornu erexi in domo mea.

Et quidem, quod ad modum instantis, & flagitandi spectat, fili cordis mei, cuius amore exarsit anima mea, per omnem suauissimam harmo-

niam,



niam, petitio vehemens, & ignita placet auribus, ac præcordijs meis; ut mirum non sit, me tempus faciendi prorogare, ne prius modis musicis concentus tui, & ardentissimæ precationis tuæ.

Quamobrem, quia in psalterio decachordo psallis mihi, libentissimè audio, & exaudiam te, & educam de lacu miseriæ, ac de luto fecisti animam tuam. Et non erit tecum misericordia mea, quasi nubes matutina, & quasi ros manè pertransiens, sed sicut dixit decora valde, & super coelos formosa mater mea: erit tibi à progenie, in progenies, tanquam vni de numero timentium me. In momento quippe apparentis indignationis, abscondi faciem meam parumper à te, & in misericordia sempiterna misertus sum tui. Quia ab infantia mea crevit mecum miseratio, & de purissimo utero matris meæ mecum egressa est. Ecce in ma-

nibus

nibus meis descripsi te, nec obliuiscar  
tui usque in finem. Consolabor Sion,  
& ponam desertum eius, quasi delicias,  
& solitudinem eius, quasi hortum  
Domini.

Expecta me, fili mi, quia venio cito,  
& merces mea mecum est, & dicam  
animæ tuæ: Excute de pulvere,  
consurge, sede Hierusalem, solve vincu-  
la colli tui, captiua filia Sion. Egre-  
dieris diues de captiuitate dura, & ti-  
mebunt te, ac lætabuntur egressu tuo  
inimici tui; sicut quando lætata fuit  
Ægyptus in processione Israel, quia  
incubuit timore eius super eam.

Et quidem cum ad cælestes nuptias,  
post obitum tuum, sit introducenda  
amica mea, anima tua, tametsi dif-  
ferre vellem consolationem, usque ad  
finem vitæ; nihil illa mali pateretur:  
quia reciperet tandem duplicia de ma-  
nu mea, pro transactis laboribus suis:  
vel certe satis ei esse deberet, si semel

in vita loquerer ad cor eius, sicut soleo ad amicos meos dicens: Nolite timere pusillus grex, quia complacuit Patri vestro dare vobis regnum. Tam pretiosa siquidem, & inæstimabilis est consolatio mea; (ut fatentur, qui gustarunt amici mei) ut anni viginti dolorum, & ariditatis, horæ vnus solatio compensetur. Quantum, ô fili cordis mei, putas, lætitiæ pondus esse, cui succumbit anima in visitatione mea, cum blandiorei, & in aura leni dico: Pauperula, tempestate conuulsa, absque vlla consolatione: Ecce ego sternam per ordinem lapides tuos, & fundabo te in sapphiris, & ponam iaspidem propugnacula tua, & portas tuas in lapides sculptos, & omnes terminos tuos in lapides desiderabiles.

Dilatatur cor, ô fili, cuius animam fitiui moriturus, & super vniuersa mundi gaudia distenditur, ac renouatur, amplectens me, & hauriens ab ore

meo

meo halitum meum; velut cum per sapientiam meam plumescit accipiter, expandens alas suas ad austrum, ubi decidentibus vetustis pennis, novæ pennæ succrescunt. Loquor ibi in thalamo, & solor in desponsationis fide, permanentem sponsam meam: Abstergo lacrymas ab oculis eius, & in umbra manus meæ protego eam.

Certè, fili cordis mei, quomodo descendit imber, & nix de cœlo, ac inebriat terram, & infundit eam, & germinare eam facit; sic dulcissimum consolationis alloquium, quod egredietur ad te de ore meo, perfundet, ac fecundabit viscera tua, & iustitiam germinabunt, ac latissimo gaudebunt sabbatismo. Sed quia sic expedit tibi; ne mihi præfigas quinque dies, intra quos, nisi Bethuliam visitauero, fiat Holoferni tributaria. Iacta potius, fili, cuius vitam affectat anima mea, super me curam tuam, & ego te amanter

enutriam, & citabo te cibo grandium,  
vt crescas ad mensuram meam.

Quod ad humilitatem cordis attinet,  
fili suauissime, opto vehementer te  
tantæ virtutis decorem indui; vt re-  
quiescam in corde tuo, tractus vno  
crine colli tui, quo traxit me speciosis-  
sima mater mea. Descendi cupidissi-  
mus tanti decoris, è solio gloriosissimi  
Patris mei, & humilitatem cœpi pro-  
fiteri à cathedra præsepis, vbireclina-  
uit me tenerrima virgo, & parens mea.  
Propter hoc dedi genas meas vellenti-  
bus, & non auerti faciem meam à con-  
spuentibus me, & opprobria expro-  
brantium Patri meo, ceciderunt super  
me. Propter hoc obtexi caligine glo-  
riam meam, & ascendi sicut radix de  
terra sitienti, in graui valde pressata  
mea. Propter hoc inimici mei deri-  
serunt me, quasi leprosum, & percussim  
à Deo, ac humiliatum, & vnanimiter  
spreuerunt, ac repulerunt sabbatha mea.



Tu verò altam sapientiam addisce, fili cordis mei: Ania nesciri, ac pro nihilo reputari: Quære latebras, ubi gustabis me; sicut & gustarunt lugentes, angustati, afflicti, abditæ in speluncis, & cauernis terræ, dum à consortio mundi repellerentur amici mei. Disce à me fili animæ meæ, quia mitis sum, & humilis corde, & inuenies dulcissimam requiem; quam inquis. Fer patienter dedecora, & contemptum; & exaltaberis in regno Patris mei: & pro eo, quod causa tua tanquam impij iudicata est, causam, iudicium, què recipies.

Quid tua interest, amabilissime fili, si tantillum vilescas, dum præterito figura ianendi; cum ex decreto meo, sis necum fessuras ad faciendam vindictam in nationibus, increpationes in populis, qui contempserunt te? Bibe quasi aquam improperia, & coram Patre meo confitebor te: & interea

dum vilescis, imbuam te subtilissima,  
& suauissima voluptate mea.

Fer mihi contempnum, dulcissime  
filii mi, & paupertatem sponsam  
meam: nam & ego quoque tuli eam,  
versatus in laboribus a iuuentute mea:  
Vade & experientia misericors factus  
iudicabo te inter pauperes populi,  
quando saluos faciam dilectissimos  
mihi filios pauperum, quando ex vsu-  
ris, & iniquitate redimam pretiosas  
valde, & acceptas mihi animas eorum,  
dum venero iudicare terram, & dum  
confregero capita draconis, & secta-  
torum eius, qui super vulnere tuorum  
dolorem addiderunt.

Lana mea erit sub capite tuo, &  
dextera mea amplexabitur te: niue-  
que candidior anima tua, cuius poste-  
riora erunt in pallore auris, quasi co-  
lumba de argentea volabit ad nidum  
cordis mei, vbi gustabit absconditas,  
& seruatias ei ab initio mundi, delica-

tissimas, & castissimas delectationes  
dexteræ meæ.

Habeo fidem Dei, fili mi desideratissime, & nihil hæsitans deprecare me, & exquire formosissimam faciem meam, & ego de cœlo exaudiam te, per ignem amoris mei. Oculi quoque mei erunt aperti, & aures meæ erectæ, ad affectus exultantes ab ara cordis tui. Elegi enim, & sanctificaui locum istum, ut sit nomen meum ibi in sempiternum, & permaneant oculi mei, & cor meum ibi cunctis diebus.

Tu enim, dulcissime fili, es pars mea, & sicut Iacob, funiculus hæreditatis meæ. Et licet modo verferis in terra deserta, in loco horroris, & vastæ solitudinis; ego circumducam, & docebo te, & custodiam quasi pupillam oculi mei: Et sicut aquila prouocans ad volandum pullos suos, expendam alas meas, & assumam te, atque portabo in humeris meis.

Ego solus dux ero tuus, nec erit tecum Deus alienus, & peragrato deserto constituam te super excelsum terram, ut comedas fructus agrorum, & ut fugas mel tam expectatum de petra, oleumque de saxo durissimo. Memor enim ero testamenti mei, quod disposui ad Abraham, & iuramenti mei ad Isaac: Quod staeui Iacob in praeceptum, & Israel in testamentum aeternum. Ex his quippe tribus composui nomen meum, & memoriale cordis mei in generatione, & generationem; ut nihil tibi negare possim, propter foedus electissimi populi mei.

Quod verò spectat ad dulcissimum amorem meum, quem poscis ardentius, & quo vno, inter omnes reges terrae, valde dives eris; certum est, te rem magnam postulasse; pro qua æquum est, te vendere vniuersa, quæ habes, ac sequi me. Tam pretiosa quippe res est, ut, pro minima illius

par-

particula, cœlum: ac terra, libentissimè vendi deberent. Quapropter, vel ex hoc capite, probandus esses, ut bonum tantum, laboribus immensis comparares.

Do tibi significationem, fili amore pregnantis animæ meæ, ut iugias a facie arcis, quem tetendi, & in quo paravi vasa mortis, contra proteruos inimicos nobilissimi amoris mei. Percipe notas infiniti ardoris mei: Non enim est, qui se abscondat à calore meo; nisi qui terga vertit, & sequitur filias Principum Madian, quas vitus est Princeps fidelissimus sacerdos meus, & custos dulcissimi testamenti mei.

Imitare me, fili suavissime, in diademate quo coronavit me pulcherrima, & mansuetissima mater mea, in die desponsationis meæ, ac in die lætitiæ penetralium cordis mei: & tangam digito meo viscera tua, & instillabo eis sensum amoris mei, qui teneat



sceptrum ex auro mundo in illustrissimo regno meo.

Pasce, fili dulcissime, lætissimas herbas paradisi mei, & lætaberis adipe agnorum pinguium, quos introduco in vberissima pascua mea. Ne polluaris de mensa Regis Babylonis, more Danielis inuictissimi pueri mei; & apparebit vultus tuus formosissimus, in præsentia potentissimi, & excelsissimi Patris mei.

Contemplantur, fili dulcissimæ Hierusalem sponsæ meæ, dignitatem meam, & infinitam pulchritudinem meam; & traham te post me, & curres in odorem vnguentorum meorum: suauissimum quippe nomen meum, oleum effusum est. Si Diuinitatem meam consideres; candor sum lucis æternæ, ac speculum sine macula excelsissimi Patris mei. Si humanitatem aspicias; sum filius vnigenitus speciosissimæ, ac super cœlos serenissimæ

simæ

simæ matris meæ. Nihil in me deprel-  
hendes, quod non sit amore dignissi-  
mum; cum sim ipsa absolutissima, &  
perfectissima vniuersorum cordium  
domina, pulchritudo.

Sum Rex dulcissimæ Sion, & aspe-  
ctu placidissimo, amplexuquæ strictis-  
simo excipio venientes ad solennita-  
tem meam, & corda rego, non tam  
imperio, quam ineffabili dulcore, ac  
suauitate meâ.

Sum corde mitissimus super omnes,  
qui morantur in terra, nec nisi iniustus  
irascor: Sponte autem meâ mitescô,  
& reconcilior: Et quemuis inimicum  
meum quantumuis obduratum, vel  
semel ad me suspirantem amplector.  
Quin etiam, si populus ille interfector  
meus, semel clamaasset ad me; non ele-  
uassem lanceam meam super eum:  
Nanquam enim nocui viro, qui vellet  
seruire Patri nrô.

Sum eloquio suauissimus, & eucharis-

lingua suspendo cōfugientes ad asyllum meum, quos inflammo æternis desiderij, secretissimæ eruditionis meæ.

Sum ad benefaciendum propensissimus, & expleo desideria quærentium me. Ego solus cepi leonæ prædam, & satiabo animam catulorum eius, nec unquam conquiescet cor humanum, donec perferatur ad me. Ego enim sum, qui sum, omne scilicet bonum, ultra quod nihil desiderandum est.

Si ergo amare cupis, dilectissime fili, tanquam in agone contendens ab omnibus te abstine, & pro tanto bono viriliter age. Suspirijs, ac gemitibus pulsa fores cordis mei. Si enim perseveraueris pulsans, amen dico tibi, esto non darem tibi, eo quod filius, & amicus meus sis: saltem propter improbitatem tuam, dabo tibi panes, quotquot habes necessarios. Quin etiam, o fili dilectionis meæ, dabo ti-

bi meipsum, ut nunquam tibi desit panis viuus, qui de cœlo descendit.

Dabo tibi non partem substantiæ, quasi filio prodigo peregrè profecturo: sed totam substantiam domus meæ, quasi maiori natu fidelissimo filio meo, posselluro cuncta, quæ mea sunt. Etenim, si ignem veni mittere in terram, & opto vehementer, ut accendatur, & ardeat; quo pacto negare poterò, quod ardentissime largiri desidero?

Dilata dulcissime fili, cuius desiderio ardet anima mea, dilata os tuum, & implebo illud, suauissimo pascu amoris mei.

Pande mihi penetratiam cordis tui, & flammis sempiternis uram illud, & erit iuge holocaustum sacratissimi altaris mei.

Offer mihi amoris iaculo vulneranda viscera tua, & sauciabo illa delectabilissimo illapsu meo.

Sinc,



RIO R. P. F. Io. d. Iesu M.

Sine vescaſ præcordijs tuis, & mu-  
taberis in me, à facie efficaciffimi ca-  
loris mei.

Redde mihi tributum animæ tuæ, &  
illuſtrabo illam clariffimo lumine vul-  
tus mei.

Exhibe mihi pectus molle, & pene-  
trabo illud ſubtiliffimo gladio viui ſer-  
monis mei.

Trahe ſuſpiria ignita è medullis tuis,  
& alligabor tibi arctiffimo vinculo cha-  
ritatis meæ.

Celeriter curre ad amplexus meos,  
& intimè agglutinabitur tibi anima  
mea.

Quære me ſolum totis viribus, cla-  
ma, & require vultum meum, & eris  
compoſ ardentiffimi, & viuaciffimi, ac  
mihi iucundiffimi voti tui.

Sic ſcriptura ceſſat. Cæterum non  
ceſſabit creberrima inſpiratio, & eru-  
ditio mea, o fili amabiliſſime, ac ſuper  
mundi opulentiam pretioſiſſime cor-

oniz

dis



---

## Epistola II.

III

dis mei. Non te deferam, ò fructus  
suauissime, acerbæ nimis passionis  
meæ. Extensis brachijs, ò expectatissi-  
ma præda mea, expectabo te, donec  
veniat transmigratio tua. Per cancel-  
los prospiciam te, duleissime comes  
peregrinationis meæ. Agam apud cle-  
mentissimum Patrem meum, causam  
optatissimæ salutis tuæ. Et licet cor-  
pore absim, corde tamen tibi præsentis-  
simus tuebor te, & deducam  
te per vias rectas, ad re-  
gnum, quod efflagitas  
sempiterni amo-  
ris mei.



---

IESV

IESV CHRISTO  
PAVLO POST  
MORITVRO,

Quidam eius seruus S.



*Pistola hæc nihil aliud  
est, quam medita-  
tio Christi crucifi-  
xi statim morituri.*

**D** Vlcissime Fili Dei, ac mansue-  
tissime Regum Rex, qui regnas,  
& pendes a ligno, dum intueor vitam  
meam pendentem antè me, ac ruptis  
fontibus abyssi magnæ, deletò chiro-  
grapho decreti, abluentem multis

dolo-

doloribus culpas meas ; tactus dolore  
cordis intrinsecus, dico tibi linguam,  
& manum meam, velibo calamum,  
scribere velociter scribentis, & moestissi-  
mum funus tuum, antequam in ma-  
nus patris commendes spiritum, præ-  
currentis.

Audio sermonem tuum viuum,  
& efficacem, penetrabiliorem omni  
gladio ancipiti, & usque ad diuisionem  
animæ, ac spiritus pertingentem,  
doloris, inquam, plenas querimonias  
tuas, quibus durissima saxa, nedum  
corda mouentur: & doleo super te  
amantissime Deus, & spes firmissima  
cordis mei.

Cuius enim vel ferreum cor non  
emolliat derelictio illa, qua clementis-  
simus Pater tuus, propter scelus po-  
puli sui, percussit te, quasi non  
esses vnctus oleo, præ confortibus  
tuis, & quasi perpetrasses verba  
delictorum tuorum, quæ pertulisti

H

in

in formosissimo corpore tuo; super li-  
gnum.

Circa indodderunt te dolores mortis,  
o vni genice Fili. Dei, & optati filia  
salus mea, omnes amici tui derelique-  
runt te, & hereditas tua facta est, quasi  
leo in filia, & dedit contra te vocem  
suam; quomodo ergo potero in hac  
tua solitudine non flere, ac discerpere  
crudelia viscera mea?

Miror valde, suauissime Deus cordis  
mei, ad amantem duriorum animam  
meam, ante cuius oculos proscriptus  
es, & crucifixus, quomodo ferre potest  
suspicia tua & ignitum eloquium tuum  
vehementer?

Clamas ad Patrem, & non exaudit  
te: stas, & non respicit te: videtur tibi  
mutatus in crudelem, & in duritia ma-  
nus suae aduersari tibi.

Vtinam, o tenerrime fili virginis, &  
lumen splendidissimum vultus mei,  
appenderentur peccata mea, & calami-

tas, quam pateris in statera: quasi arena maris hæc grauior apparet: unde non sine causa, verba tua dolore sunt plena, quia sagittæ Domini in te sunt, & terrores eius militant contra te.

O niue candidior Nazaræ, & serenissimo calo serenior, quomodo pulcherrima facies tua denigrata est super carbones desolatorios, & oculi tui languent præ inopia? Hæc cine est facies perfecti decoris, gaudium vniuersæ terræ? Quomodo obscuratum est aurum, & pretium eius cogitauerunt repellere filij alieni hæreditatis Dei?

Obstupesco, atque perturbor, ò pax tranquillissima cordis mei, & suauissime potus sitientis animæ meæ, quomodo primogenitus tuus Israel dereliquit aquam cisternæ Bethleem, & fodit sibi cisternas dissipatas, quasi requiem inuenire posset extra te.

Migravit à te portans secum affli-



etionem, ac multitudinem seruitutis: habitavit inter gentes ignaras tui, nec inuenit requiem. Qualis enim requies, vel gaudium esse possit homini, qui te lumen cæli non videt, & regem Sion montis sancti tui, sæuissimo Pharaone permutat?

At cur memoro necem infandam populi fugientis te, & non potius comitor morientem, & post tergum monentem inimicos tuos, & pacem offerentem ijs, qui oderunt te? Mihi certe adherere tibi bonum est, & ponere in corde fidelissimo tuo spem meam, & timere, velut mortem, separari a salutari umbra vitalissimæ huius arboris tuæ.

Negotiatores Madianitæ, atque Sabæi, exquirant diuitias, & prudentiam, quæ de terra est: ego autem in Domino gaudebo, & exultabo in Deo Iesu meo. Licet enim, o inuictissime vir dolorum, & sciens infirmitatem,,

solitudo tua satrapis non placeat; ego  
tamen sum vir pauper, & dolens, & cu-  
pio, ut salus tua suscipiat me. *cupio*  
Cupio, & fortitudo, & vita mea; ro-  
borari, ac vivere de te: & ut audiri,  
hic abscondita est, in infirmitate, fort-  
itudo tua, & ante faciem tuam ibit  
mors. Pateat mihi p[er] te, recta via,  
ligni vitæ, purissimum speculum, ocu-  
lorum meorum, & saluberrimo col-  
lyrio sanguinis tui medere pupillis  
meis. *Si detergis nebulas meas, attentissi-*  
Si detergis nebulas meas, attentissi-  
mè intuebor te, & formosior mihi vi-  
deberis, in patibulo, quàm fallax omnis  
mundi gratia, & vanissima carnis pul-  
chritudo.

O sublimissima virtus Dei, & perfe-  
ctissime decor animæ requirentis te,  
quàm fortiter, ac suaviter corda trahis  
exaltatus è terra? *Mihi absit gloriari, nisi in cruce tua;*  
Mihi absit gloriari, nisi in cruce tua;  
ubi latet, magna multitudo dulcedinis

tæ; quam abscondisti imitantibus te.  
Ibi, & inde regnum mitissimi filij Da-  
uid, quem fidelia corda requirunt, &  
cui spontanea dilectionis tributa red-  
dunt, non solum reges Tharsis, & Ara-  
biæ, sed etiam reges magni vniuersæ  
terræ.

Dulcescat mihi, oro te, summe Sa-  
cerdos, & Rex Salem, hostia hæc, sine  
qua non fit remissio, & imprimatur  
cordi meo cupienti te, & sacrificabo  
tecum vitulum nouellum feruescere  
fatagentis amoris meo. Vtinam, o  
sponsus sanguinum tecum crucifigari,  
& suauissima stigmata tua in corpore  
meo portem; ne dum calcas torculari,  
derelinquam te, sed inebrier, dulcissi-  
mo, & calidissimo musto tuo.

Quare, o speciosissime, ac seren-  
issime Deus, & illustrissime splen-  
dor cordis mei, primogenita ciui-  
tas tua Hierusalem projecit te, qui  
filias eius cocco bis tincto, & can-

didissima bysso vestiebas?

Quare instat, & insultat morienti, & ponit te, velut signum ad sagittam?

Quare properat vitam interficere, & eradere te de terra viventium, qui non possunt vivere sine te?

O spectaculum certe funestissimum! O hæres domus Iacob sem-piternæ, cui comparabo te? Utinam præ doloris magnitudine dirumperentur præcordia mea, & usque ad fines orbis terræ vox erumperet, ac personaret è penetralibus cordis mei, & ceruæ parerent spiritum salutis, commotæ vehementissimo rugitû meo. Utinam ostenderem elephantibus sanguinem vultus, quo lauas pretiosissimam stolam tuam, ad acuendos eos ad prælium.

Sed heu mihi, quia vir pollutus labijs ego sum, & expedie mihi magis mundari, quam mundare: quapropter precor te, qui fordes abluis filia-

rum Sion, asperge me hyssopo, & mundabor, laua me recenti hoc balneo tuo, & super niuem dealbabor: Et apparebit vultus meus formosior coram te, quam vultus nobilium puerorum, qui bibunt de calicibus regis Babylonis.

Anima mea cupit te, dulcissima, requies mea, & more columbæ auolans, nec inueniens in diluuium aquarum multarum, vbi possit requiescere pes eius, nidum quærit in foraminibus petrae, ac in desideratissima cauerna maceriae. O dilectio, o aula delitiosissima, & humanitas amabilissima, Filij Dei, quæ multis portis amoris patet, sicut mare magnum, & spatiosum manibus, miserere mei, secundum magnam misericordiam tuam, & pastu cordis nutri me. Abscondar in te à vultu irati Dei, & eris mihi arcus positus in foedus pacis, cum clementissimo Deo, & amico meo.

Sed



Sed quid quero delicias in vulne-  
ribus tuis, sponse formosissime animæ  
meæ, & non potius saucior & excrucior  
doloribus tuis, & ardoribus æternis amo-  
re? An possit non adhærere tibi, & im-  
mensæ dilectionis brachijs amplecti  
te, qui te videt à durissimis inimicis  
odio habitum, & crucifixum, & dul-  
cissimo, ac mitissimo corde, veniam  
illis à Patre tuo deprecantem?

Vsquequò mitesces amantissime  
custos hominum? Quid tua interest,  
tam seriò parcere peccatoribus, & solis  
citare corda virorum? Quorsum vi-  
uant flagitiosissimi prædones, qui ode-  
runt te?

Viue tu mihi, cœlestis consolatio  
mea, quia tu sine illis mihi satis es.

Verùm ego tibi, divissime Deus  
cordis mei, satis non sum, & plura lu-  
cta conquiris: & quasi legeres socie-  
tate inimicorum Regis, nec sine illis  
vivere possis, in hoc extremo agone.

tuo, postulas instantissime à Patre,  
gentes hereditatem tuam, & possessionem  
tuam, terminos terræ. O charis-  
sime, o pulcherrime, o nobilissime, &  
gratia præstantissime fili Ancillæ tuæ,  
quam misericors, & suavis es! Quis  
mihi det, ut in dulcissimo silentio cu-  
rarum, & cogitationum vniuersarum,  
contempler incendium cordis tui; ut  
cantem in æternum, inuictissimas mi-  
sericordias tuas.

Non sine consilio pendes inter la-  
trones, potentissime cordium impe-  
rator: ad prædam quippè ascendisti, ut  
catulus leonis Iudæ.

Quamobrem multis gemitibus fla-  
gito, ut acceleres, ac præderis mihi;  
ut fruam expectatissima captiuitate  
tua.

Pone te ut signaculum in corde  
meo, & dominare visceribus meis, &  
crucis trophæum erige super caput  
meum: Quid enim mihi proderit, o

dul-

dulcissima vita cordis mei; filiorum  
Adam sollicitudo, si tecum non suspen-  
dari, & ostentui habear, ut memineris  
mei, dum veneris in Regnum tuum?

At dum considero te mori festinan-  
tem, & eloquia casta velut argentum,  
igne examinatum proferentem; cupio,  
purissime candor lucis æternæ, cordis  
auribus audire te, & concipere peni-  
tissimos sensus tuos. Verba sunt amo-  
re prægnantia, quæ flammis immen-  
sis corda consumunt. Quis enim, o  
amantissime frater mi, adeo ferus sit,  
qui cum audit te rauca, & intermo-  
riente voce dicentem: Sitio; non mi-  
tescat, & liquefiat, ut totus conuerta-  
tur in potum, & leniat sitim amore cap-  
tæ animæ tuæ?

Quis mihi det, o vnicum solatium  
animæ meæ, ut dirumpas fontes, & tor-  
rentes in medio pectore meo; ut de  
torrente in via bibas, antequam viam  
morte claudas: nec videam propinari

tibi

tibi fel draconum, & venenum aspidum insanabile. Torqueor enim, dum ē vinea, quam plantauit dextera tua, video reddi tibi vnam fellis, & botros amarissimos.

Bibe domine, obsecro te, bibe, cor meum liquefactum, quod cupit infundi cordi tuo, & misceri amore liquefcentibus visceribus tuis. Bibe cito, precor te, & absorbe vota mea, & innumera libamenta, quæ profero tibi de præcordijs meis: & celebrabo conuiuium Regis mei, conuiuium, cui præsidet sollicitus amor, qui poculis alternis certare solet.

Verum quid loquor, suauissime Deus cordis mei? quale refrigerium tibi paro cordis vnus eliquatione, qua velut aquæ gutta, magis irritabitur inexplēbilis sitis tua? Utinam liceret mihi, tenerrime sponse animæ meæ, vniuersa generis humani corda liquare, vt hoc potu dulcissimo, sitis



tua sedaretur? sed, ut video, cum  
tantus non suppetat potus, præ siti mo-  
riturus es. O sitis, o sempiternæ ardor,  
vre me, ut satier à fonte viuo, qui sur-  
git in amoenissimo paradiso delicia-  
rum, & irrigat ciuitatem Dei.

Nimis festinas, honestissime fili vir-  
ginis: baptismo quippe habes bapti-  
zari, & coarctaris admodum, usque  
dum perficiatur.

Video, heu mihi, arentia labia, è  
quibus melle dulcior fluebat oratio:  
& animaduerto, vix superesse mihi  
tempus impetrandi verba labiorum  
tuorum, quibus inflammer ad custo-  
diendas vias duras. Propter quod,  
cum tibi morienti minùs laboriosum  
videatur aspicere, quàm loqui; oro te,  
amabilissime Rex Salomon, aspice  
in me, & miserere mei, secundum iu-  
diciu diligentiũ nomen tuu;:  
& pro intuitu saltem vno, reddam tibi,  
pro fœnore, præcordia mea, & im-



ponam vitulos multos, super altare tuum.

Ne tibi molestum sit, afflictissime fili hominis, in hac hora tua semel intueri me, ac imprimere cordi meo imaginem acerbissimæ mortis tuæ, ut flectam, & doleam super te, sicut doli solet in morte primogeniti.

Suspirabo, & lamentabor te, ac demisso capite ambulabo: translata est enim gloria de Israel, & arca Dei capta est. Quis dabit capiti meo aquam, & oculis meis fontem lacrymarum, ut lugere possim mortem tuam, & obsecratam lucem candidissimam, & plusquam dulcissimam pulchritudinem tuam? Quicquid enim extra te, amice, quam suavisime cordis mei, inter filios Adam videre possum, torquet me, & multis accessionibus augebit sensum absentię tuæ. Quam obrem, si tibi placet, formose nimis Fili Dei, interfice me, & mori tecum erit

mihi lucrum. Morietur certe anima mea morte iustorum, sub salutari valde umbra tua.

Non possum non mirari, pretiosissima hereditas, & salus mea, quomodo terra sanguine tuo perfusa non clamat, ferre non valens vim efficacissimæ charitatis tuæ, qua Seraphica corda liquefcunt. Sol certe obtenebrescit, & petra scindi parant: sed quam parum est hoc; dilectissima vita, & libertas mea, si cum excelsissimi Dei morientis, excessu comparetur? Quomodo mundus non dissolvitur, o firmamentum cordis mei? Quomodo & ego non intereo, dum de morte tua, vel cribo, vel cogito?

Iam oculi defunguntur, & mortem, quam non fecisti, pati festinas.

Quare dulcissime frater mi, derelinquis me? cur non invenio gratiam oram te, dum mortis consortium te requiro? Quorsum dimittis me

vagum, & profugum in terra aliena, vbi fame perenni laboratur? Auges priuatione desiderium, & non vis ponere me iuxta te: Vade solitudine tabescam, faccum consuam super cutem meam, facies mea intumebit à fletu, & palpebræ meæ caligabunt.

Cur faciem tuam abscondis, speciosissime præ filiis hominum & arbitraris me inimicum tuum, si tecum non vix morior? amicorum quippè omnia sunt communia, & tamen moreris sine me. Potius certè mori deberem ego, qui peccavi: & tu cum sis innocens, a morte liberandus esses.

Verè innocens, & iustus es, ô limpidissime innocentiae fons, & inculpatis-  
sima iustitia mea, & nihil morte dignum admisisti: quapropter cor meum exprobat, & loco motum est, eo quod tacet. Deus conculcante impio iustior me se. Oculi fuisti cæco, & pes claudus, nudi de velleribus quium,

tua-

tuarum calefacti sunt, ostium cordis tui viatori patuit, orphano, & pupillo fuisti adiutor, contriivisti molas iniqui, ac de illius dentibus abstulisti prædam: & propter viscera misericordiae tuae, populi te laudant, & omnis turba quaesivit tangere te.

Nunc autem, o æterna maiestas, derident te iuniores tempore filij stultorum, & ignobilium, qui vita putantur indigni, multis subfannationibus execrantur te, & exultant interitu tuo. Quare ergo vivo in terra inimicorum, formosissime Deus cordis mei? Melius est mihi semel mori, quam tot audire maledicta, & impropria infantis populi, qui crucifixit te.

Profecto, fortissime Regum Rex, & expectatissima redemptio mea, licet flagitiosissimus latro, & vir sanguinum crudelissimus fuisses, tamen in tanta, dire mortis angustia, corda etiam dura mollires: quare ergo, dum iam iam

exhalas animam, hostes tui, pro quibus moreris, tibi ab insultatione non parcant; sed petunt, vt si filius Deus es, liberet te nunc, si vult? O altissime, qui non rapinam arbitratus es, esse te æqualem Deo, & vsque ad lignum exinanisti te, qui ponis animam tuam, quam à te nemo tollere potest, cur diligis populum obstinatum, & redimere pergis illum, sanguine, quem fundit?

O Hierusalem ciuitas sancti, quam cito sedebis sola, & viduata Deo tuo, & infanient principes tui, ambulantes in tenebris: quia splendidissimus sol eis occidit in meridie. O luctuosa desolatio, o infelix solitudo!

Veni mihi dilectissime Iesu Christe, vir potens in opere, & sermone, quam celeriter curris, exhausto iam sanguine, & consumpto humore vitali tuo: friget corpus, à cuius calore non est, qui se abscondat: rauescit spiritus incita-



tas, & inclinas caput confestim moriturus.

Annus morti, o validissime pugnator, ne trepideri ruere in te, & ictum eius postremum expectas. Quid dicam tibi, cuius misericordia melior est super vitas? Quid sentiam de ultima superfauum dulciore voluntate tua, qua disponis testamentum electis tuis?

Das, o homo, qui natus es in Sien, quam fundasti, donas certè pro dilectione omniem substantiam domus tuæ, & quasi nihil despicias eam, præ magnitudine immensi cordis tui. O liberalissime, usquequo non parcis tibi, nec dimittis te, ut glutias saluam tuam?

Cur non auertis mortem iam tibi proximam; sicut auertisti ab Isaac seruo tuo? cur tensa non laxas viscera, & rigor lentescit ille, quem genuit zelus domus tuæ, qui comedit te? O dulcissime amor, qui usque in finem

diligis amicos tuos . Maiorem dilectionem nemo habet ; quàm vt animam suam ponat quis pro amicis suis : & ideo , vt animaduerto , libenter moreris , ne dilectio maior possit inueniri .

Demittis caput , Imperator semperiternæ , & gloriosissime humanæ gloriæ contemptor , & inscripto tibi regis titulo hæere non vis : sed in obedientiæ amplexu , obedientis habitu , quem ex ijs , quæ passus es , didicisti , purissimam , & pulcherrimam , fortissimam , & suauissimam , & humanæ salutis auidissimam animam , inclinato capite , cupis efflare .

Morere igitur , creatrix vita , languentis mortis tua cordis mei : morere , perennis consolatio mea : morere , quia sic placitum fuit ante Patrem tuum benignissimum , & te : expedit quippè ; vt vnus moriatur homo pro populo .

Heu,

Heu, quàm breues dies hominis sunt, hominis etiam eius, qui nescit occasum! Quàm breui transeunt omnia sub sole! Dicis, ô charissime amice cordis mei, dicis consummatum esse opus tuum, & inclinato capite, mortis vulnus expectas. Benè omnia fecisti: & surdos fecisti audire, & mutos loqui: pacificans per sanguinem crucis tuæ, siue que in terris, siue que in cœlis sunt, & perfectissima gratia, & decore tuo, litem filiorum Adæ dilexisti.

Iam cor Patris æterni tui placatum est, & ascendit suavis valde odor medullati sacrificij tui: reddidisti solemnia vota tua in atrijs domus domini, & in monte à seculo expectatæ visionis suæ. Dinumerata sunt omnia ossa tua: pedes, qui confecerunt viam redemptionis Iudæ, in altum sublati sunt: manus, quæ libertatem captiuis reddere, retendisti. Pelli tuæ consumptis carnibus adhæsit os tuum, & derelicta

sunt tantummodo labia circa dentes tuos; ut pro intersectoribus tuis, Patrem missimum exorares: aures opprobrijs, & contumelijs apertas exhibuisti, & corpus totum obtinere linores: Quid amplius à te requiram?

Certè consummatum est: & impletæ sunt scripturæ. Consumptus es tu, pulcherrime sponse animæ meæ, & dum verba prophetica consummas; consumor ego discessu tuo, & moestissimo spectaculo defunctionis tuæ. Quare misero mihi data est lux, & vitæ, qui in amaritudine animæ sunt? Vellem, ò vitalissime Iesu cordis mei, delicatissima, & acerrima voce penetrare coelos tuos, opera digitorum tuorum, quæ tu fundasti, & mundum lamentationibus implere, præ sensu recessus tui: Quò me vertam sine te magistro meo, & speculo purissimo vultus mei?

Vtinam commendares me humanissimæ matri tuæ, quæ sermonis iustitiæ expertem lactaret me, & vteretur quasi mancipio cœlestis pulchritudinis suæ. Hac enim hereditate ditares me, dono pretiosissimo cordis tui, & te citò rediturum patientius præstolaber.

Ceterum totius consolationis expertus suspiro ad te, amantissime Fili Dei, qui nunc expiras: & suspendo in aræ crucis viscera mea, quæ iam dudum immolaui tibi. Admitte saltem in hoc extremo spiritu, cupidissimum amicitiae tuæ cor meum, & fer tecum illud, in manus clementissimi Patris tui, & menor ero tui de terra Iordanis, & Hermonij, & in cubilibus leonum, & montibus pardorum, memorabor iustitiæ tuæ solius.

Absit à me, ut ob absentiam obliuiscar tui, ò gratia præstantissime Deus animæ meæ, & magna valde merces mea: quinimmo, ò immortalis gloria,



& corona mea, hic vltimus agonus sollicitabit, & vrgebit me, & celebrabo multis gemitibus funus tuum, in stratu meo, & organa letitię suspendam è salicibus meis.

Tu verò, fidelissime amice, cuius amor fecit, ac refecit me, admitte (iterum peto) ardentissimum hoc votum meum; vt liceat commori tibi, morte saltem dulcissime dilectionis: traheme post te, & obsequio sempiterno adhærebo tibi.

Sic dum expiras, defungor, & feror ad te volatu quodam cordis sat agentis agglutinari animę tuę, & sepeliri tecum, suauissima similitudine mortis tuę. Sic tecum, quoad possum, morior, desideratissima & pretiosissima vita mea. Nec verò quiescam; sed donec in me resurgas, requiram innumeris suspirijs optatissimam, & iucundissimam, & super cēlos serenissimam pręsentiam tuam. Vale.


SERENISSIMO

DEI FILIO

SVB EVCHARISTICO

VELAMENTO LATENTIS

Quidam eius seruus S.



*Pistola hæc nihil aliud  
est, quam Eucha-  
ristiæ sacramenti  
meditatio.*

**T**anta est dulcissime Fili Dei, vis  
immediati amoris tui, à quo mon-  
tes sicut cera fluunt; ut aquæ multæ  
non potuerint extinguere charitatem,

nec

nec flumina possint obruere exultantem flammam cordis tui.

Propter quod, ut erigeres super me vexillum suavissimæ charitatis tuæ, postquam factum est cor tuum tanquam cæra liquefens, te in amplum animæ meæ vas, commercio dilectionis transfusus, paras mihi lautissimam amoris mensam, quæ saxeæ corda posset emollire.

Licet enim tuæ sint, amantissime Deus cordis mei, omnes feræ silvarum, iumenta in montibus, & boues; non mihi tauros, & altilia, quævis præparasti, sed agnum tenerissimum, & candidissimum, qui sui appetentiam irritaret: & licet pulchritudo agri tecum sit, & tibi plantæ omnes iussu tuo virescant; non me ad lactucas agrestes, aut fructus hortorum acerbos. sed ad vitæ iucundissimæ arborem inuisti, sub cuius umbra sederem, & caperem vitale pomum, quo nutirentur viscera mea.

Fecisti memoriam mirabilium tuorum, speciosissime Deus animæ meæ: & in escam vnā omnes amoris vires contraxisti, vt mulceres voluptatis auidiſſimum pectus meum.

Miror valdè ingenioſum amorem tuum, qui tam efficaciter ſe inſinuat in penetralia mea cupidiffima decoris tui. Quis vnquam, o pulcherrime virginis fili, credere potuiſſet, in amandi arte, tot ſubtilitates tuas, quibus exerces auida formæ tuæ præcordia mea? Ergone nouorum prodigiorum inuentor ſemper oris? Audiui certe amicos, fratres, ſponſos ab amore creari: at nutrimentum amoris amantem ipſum fieri, nequē cogitare, nequē, niſi prius feciſſes, ſuſpicari potuiſſem.

Q ſuauiſſima dilectio, o amabiliſſime Deus, & potentiffime præcordis mei, vſquequo cum viſceribus meis bellum geres; vt emollias lapideum



pectus meum? Satis pugnatum est, amice fortissime, & pretiosissima hereditas mea, satis pugnatum est: non possum repugnare sempiternis ardoribus amoris tui. Ago iam triumphum de capta praelijs tuis anima mea, & in ara dulcissimæ Sion, odorare holocaustum medullarum cordis mei.

Quid quæris amabilissime Fili Dei, dum te condis intra corpus meum, ut te quasi argentem foueam calore meo, & digeram velamen, quo tegeris in cœlesti pane anime mee? An ego trahor, & artificioso cibo captus mutor in te, secretis viribus tuis?

Quare formosissime amice, sollicitas me; & pro conuiuio requiris viscera mea? Nonne gratis ad conuiuium vocor, & coenæ magnæ consors fio? Cur ergo ligor in compedibus, & funiculis. Adhuc retineor, ne tam liber, quàm accessi, recedere queam? Cur tam rapidè trahis me post te,



*Epistola IV.* 141

ò purissima voluptas mea ?

Delectabile est, ò amantissime Deus, fugere mel de petra, oleumquè de saxo durissimo, & manna de coelo lapsum omni sapore suauitatis plenum esse, certum est. Medulla tritici tui, & sanguis tuus meracissimus cor exhilarat, & calix tuus inebrians, quàm præclarus est ! Regales epulæ tuæ, ò gratia præstantissime, sapore trahunt, & astricta dolore vîlcera dilatant, & fecundant: sicut matutinus ros Hermon, qui descendit in montem Sion, vbi regnat amor.

Propter hoc, adolescentulæ dilexerunt te memores vberum tuorum super vinum, quo corda calescunt: & anima mea dulcissimi cordis tui cupidissima desiderat te, & patet sicut terra sine aqua tibi.

Non placent mihi, ò fons vitæ purissime, fluij Damasci, nec Assyriæ, qui coeno turbantur: sed aqua spontè fluens

è cisterna optatissime Bethleem, quam  
in vinum generosum conuertit amor.

Vtinam, dum alij villam emunt, iu-  
ga bouum parant, & vxorem ducunt; in-  
ter charissimos amicos tuos regio ci-  
bo vescar: & appareat vultus meus ni-  
tidior, quàm illorum, qui terreno con-  
uiuio vescuntur voluptuosè, & nutriun-  
tur in croceis, donec amplexentur ster-  
cora, quę sequuntur.

Pando tibi, ò potus, & esca mea, &  
pingue nutrimentum cordis mei, pan-  
do tibi latentia, sed tibi satis nota su-  
spira mea, & appetentiam saporis tui.  
Filix Regum concupiere: te allecte  
lauta valde mensa tua, vbi abscondisti  
diligentibus te, infinitam multitudi-  
nem dulcedinis tuę.

Abiuro certè Regis Chaldei profanas  
epulas; vt castius viuam, & ad frumen-  
tum electorum, ac vinum germinans  
virgines, inter filios Sion inelytros ad-  
mittar, & inebrier ab vbertate tua.

O suauissima dilectio mea, cui com-  
parabo te? ò panis vitalissime, vbi po-  
fuit amor castissimas delicias meas,  
esurio te. Hei mihi, sponse speciosissi-  
me, quam acri amoris stimulo, vrgea-  
me? Quàm multis, & secretis vulneri-  
bus faticias me?

Veni amice fortissime, amplectar te,  
festina, vt deficientem nutrias, & ro-  
bores; vt curram quasi ceruorum hin-  
nulus ad montem pinguem, & coagu-  
latum fruitionis tue, vbi reuelata facie,  
contempler pulchritudinem tuam, &  
pascar suauitate amoris tui.

O Deus abscondite, cui sine cibo  
suspirant viscera mea, quare speciem  
tuam subtrahis oculis meis, dum re-  
conderis sub imagine panis, in pe-  
ctore meo, & alis senescentem vitam  
meam?

Intus gero secreta, quæ non noui,  
& renouatur me in scio, sicut aquila  
iuuentus mea, & suggeritur fomentum

amori meo. O artificiosa nimis dilectio, quam tu solus excogitare potuisti, fortissime victor cordis mei, cui ferrea pectora cedunt, & amore soluta liquefcunt.

— Utinam rarefceret sollicita valdè anima mea, & penitus conciperet halitum oris tui, ac viueret de pane dulcissimo, quem composuit dilectio tua.

— Firmet cor meum noua conspersio hæc, ut Egyptias ollas obliuioni tradam, nec pomia visu pulchra, & ad vescendum suauia heres Heuæ requiram. Satis est mihi, o pinguisime pastus cordis mei, panis hic à filiabus Tyri multis precibus expetitus, ut sicut adipe, & pinguedine repleatur anima mea, & labijs exultationis relaudet os meum.

— Si dederis mihi panem hunc nunc candidiorem ad vescendum, & vestimentum charitatis tuæ, qua operiar;

eris mihi in Deum animæ meæ, & in purissimum speculum vultus mei: Et in voce exultationis, & confessionis cantabo tibi canticum novum, quod senescere non sinet fervorem meum.

O pulcherrime Rex in canalibus ligate, ac purpura vestite, quàm cupidè tibi patent ossa mea; vt illabaris in latibula mea, & augeas nutrimento tuo tabescentes medullas meas. Adhæreat, oro te, cœlestis esca visceribus meis, & transformer in te, vt iam non viam ego; sed viuat splendor illæsus amici mei, & in me sit verum fœdus illud: Amicus est alter ego.

Gustavi semel, & vidi, quia bona est, in pane tuo, negotiatio mea, & propterea non exstinguetur in nocte lucerna mea: sed vigil ob stimulum famis, in lecto meo supplicabo tibi, & vrgebo te gemitibus amoris mei fatigentis appropinquare mensæ tuæ, ac saturari pane dulcoris tui.



Quis mihi det, vt sim os ex ossibus  
tuis, & caro de purissima carne tua,  
cui diuinitas inserta est; vt crescam  
ad mensuram ætatis plenitudinis tuę,  
quam corda generosa requirunt?

Vtinam permiscear tibi, ò formosis-  
sime Fili Dei, & liquidus transfundar  
in te; vt nulla me teneat diuisionis  
imago, quam velut mortem perhorre-  
sco. Exerceat, oro te, vim suam sub-  
tilem, & efficacem; ardor sempiternus  
hoc pane conclusus: erumpat, & con-  
sumat me; meoque funere triumphet  
amor.

Reddo tibi, ò cordium Imperator,  
tributum primogenitum cordis mei,  
pro esca vna, qua nihil dulcius inue-  
niri potest, quę cum voluptate multa,  
spiritum rectum creet in visceribus  
meis, & eneruet indomitam carnem  
meam, quam allicias, precor te, stilli-  
cidio quodam suauitatis, qua plena est  
dextera tua.

*O con-*

O conuiuium pinguium medullatorum, vindemiarum defœcata, desidero te, & vniuersos mundi honores, diuitias, & voluptates propter te, citò despicio; ne fortè filiorum panem, seruorum panem permitem. Hæc sit omnis laetitiam mea, & hæreditas totæ cordis mei.

O dulcissime seductor, quid de pane tuo dicam? Seducis me comedentem, quasi in me vertendus esses, & emollis præcordia mea, ac liquecere facis viscera mea, donec transformer in te. Verum, bene est, o amice fidelissime, vt ista simulatione me decipias; vt crescam cibo grandium, & ascendam in palman collecturus fructus eius.

Sed rogo te, sapientissime, quid cogitas, dum lates in Sacramenti velamento, & paras visitare domum meam, vbi cupit abscondi pulchritudo tua? licet enim ad liberandum susce-

pturus hominem, non horrueris formosæ valdè virginis uterum; deberes tamen horrere hospitium meum, vbi nihil est, quod deceat excelsissimam maiestatem tuam. Cur non recedis à me, ò clementissime, cum grauissimus peccator sim, & ferre non possim infinitam dignationem, & mansuetudinem tuam? Recordare, obsecro te, quod olim dicebatur amicis tuis: Quare cum publicanis, & peccatoribus manducat magister vester? Nihil habeo, speciosissime Deus cordis mei, quod tibi congruat; ne precor opprimas me immensitate gloriæ tuæ.

Sed, me miserum, cupio non persuadere, quod hortor. sis precor, ò victor animæ meæ, fortior precibus meis, & illabere penitus in centrum cordis mei, vbi requiem tibi parare festino: & imprime non solum animæ, sed carni quoque meæ, elegantissimam formam tuam, cuius desi-

derio cœli, terraquæ tabescunt.

Inebrier ab vberibus consolationis  
tuæ, ò serenissime decor animæ meæ,  
& vegeter viribus tuis, quas suggerit  
mellitissimum nutrimentum meum,  
quod parauit amor tuus.

Non posco, vt famem expleam, pluas  
sicut puluerem carnes, & sicut arenam  
maris volatilia pennata, quemadmo-  
dum petierunt, qui nescierunt te: Sed  
firmamentum panis suauissimi, qui  
cor hominis confirmat, ne labore de-  
ficiat. Hæc sit, oro, portio mea in  
terra aliena; donec amoto velamento,  
succedat noua portio in terra viuen-  
tium, quam inquirō.

Hac esca roboratus, per itinera eter-  
nitatis velox ferar, & fugiam sicut hin-  
nulus ceruorum ad montes aroma-  
tum, vbi splendent astra lucidissima  
matutina, & iubilant omnes filij  
Dei.

Penetra, obsecro te, ò dulcissima,

refectio mea, penetra citissimè omnia  
ossa mea, illapsu secretæ nutritionis  
tuæ, que firmet leuitatem, ac roboret  
imbecillitatem meam deliciosissima  
operatione tua. Si enim hoc pane  
coelesti priver, exhalabo languentem  
animam meam cupidissimam dulce-  
dinis tuæ, è Libano cum impetu fluen-  
tis.

Cogitavi dies antiquos, & annos  
æternos in mente habui, & simile  
amoris inuentum, non inuenis, licet  
enim, ò tota dilectio mea, homines  
amore capti amatoria pocula propina-  
re consueverint, vt in sua vota dilectos  
allicerent; nemo tamen vnquam,  
se alterius visceribus indidit, vt cor  
solicitarèt, nequè id fieri posse in men-  
tem alicui amatori venit. O certè im-  
mensum Dei viuentis incendium, ò  
Charitas Regina cordis mei, ò victo-  
ria dilectionis sempiternæ, quare tanto  
pondere premis me?



Constituor, hei mihi, super excelsam  
terram, vt comedam fructus agrorum,  
& è malo inter ligna siluarum mite  
pomum carpam: & consumor esca-  
mea, quæ immittit voraces flammæ  
visceribus meis. Utinam eliquarentur  
ossa mea, & fierem similis cœlesti nu-  
trimento meo, quod est ignitum vehe-  
menter.

Anima mea liquefcit, præ desiderio  
pastus mei, quem reges, & prophetae  
cupierunt, nec sumptuerunt, tametsi  
non obscuris notis æternum sacerdo-  
tem indicarunt, secundum ordinem  
Melchisedech. At non fecisti taliter  
omni nationi, & formose valde Fili Dei,  
nequè ad epulas tuas omnes homines  
admisisti, sicut inuitasti me. Quapro-  
pter sacrifico tibi præcordia mea, &  
cupio te ad singulos halitus meos, si  
fortè sic vescar te; vt vertar in amabi-  
lissimam formam tuam, cuius deside-  
rium tenet ad vrit me.

Placeant alijs septuaginta palmæ,  
 & duo fontes aquarum erumpentium  
 in Elim: mihi certè placebit potus, &  
 esca tua, serenissime Deus cordis mei,  
 & recreabor à lassitudine peregrina-  
 tionis meæ; vt de montibus leonum,  
 & cubilibus pardorum, pertingam ad  
 verticem Sion montis sancti tui.

Nunc dormio inter medios cleros  
 columbæ deargentatæ, cuius postero-  
 ra bona splendent in pallore auri, quæ  
 à te nutrita, volatu celeri, fertur ad fa-  
 stigia sublimitatis tuæ. Precor ergo  
 te, succrescant mihi pennæ, dum nu-  
 tritor pane tuo, vt volem, & requie-  
 scam in cauerna immortalis consolati-  
 onis, quæ fluit à propinquo corde  
 tuo.

Verùm quid loquor? quare te præ-  
 sentem, sed latentem, ac silentem non  
 interpello validissimis gemitibus meis?  
 Quomodo obrexiisti velamento dul-  
 cissimam pulchritudinem tuam, Rex

Hie-

Hierusalem, cui supplicant Reges vniuersæ terræ? Quomodo non lugebo, quasi abesses; cum sciens, ac prudens occultaueris mihi infinitum decorem tuum? Penè tango, sed non intueor te, velut cæcitate percussus. Certè dolendum est, ò speciosissime Fili Dei, me per singulos dies tecum ad mensam lautissimam vesci, nec te de facie cognoscere.

Vtinam dirumperetur velum à summo vsquè deorsum; vt auidissimè spectarem te amicum meum, qui pro dilectione dedisti omnem substantiam domus tuæ, vt æternæ dilectionis alimentum ministrares. Lauasti in vino stolam tuam, & in sanguine vix palium tuum; vt conuiuium deliciarum Dei mihi præparares.

Propter hoc desidero te, vitalis calor cordis mei, & pro coena vna omnia mundi oblectamenta contemno. Quippe odore cibi condito trahor, qui est

sicut

sicut odor agri pleni, cui benedixit clementissimus, & liberalissimus amoris Deus. Melior est certè misericordia, hæc tua super vitas: & propterea labia mea laudabunt te, & dilatabuntur præcordia mea, conceptura suauitatem nuptialis mensæ tuæ.

Nescio certè, ò pinguiissimum nutrimentum amoris mei, quomodo te presente, ac hominum voluntati tam libenter exposito, siccantur speciosa, deserti, & exultatione colles non accinguntur, neque valles abundant frumento.

Pauci sunt, vix mihi, in quibus superextollitur super Libanum fructus tuus: & ego non sum de numero electissimo paucorum, qui omnia possunt, & hostes vincunt: quos, & ego vincere possem armaturâ mensæ, quam parasti in conspectu meo aduersus omnes, qui tribulant me.

Non sine culpa, pauper sum ego, &

in

in laboribus à iuventute mea, ò amantissime Deus animæ meæ: potuiffem enim à fructu frumenti, vini, & olei tui multiplicari, & rore coeli, ac pinguedine terræ crescere: & ab humerò, & sursum, populo multo altior essem, & sicut gigas ad currendam viam exultarem.

Nunc verò pinguis panis tuus, ò princeps serenissime cordis mei, animos inuictos creat, & præbet delicias regibus, qui accumbunt mensæ sapientia: miscentis vinum: sed videor præ defectione, ex illis esse, qui cum possint absque argento, & absque vili commutatione emere, vinum, & lac, quo simplicitas nutritur, egestate, & fame consumuntur.

Verum absit à me consilium hoc filio: Adæ, qui camini sudore vultus vescantur panis doloris sui, meliorem panem gratis oblatum recusant.

Venio festinus ad te, formosissime



Fili Dei, ut comedam bonum, & delectetur in crassitudine anima mea, quam explere valet sola pulchritudo tua.

Frustra expenderent argentum, non in panibus, & laborem meum, non in saturitate, licet omnes Ægypti cepas, allia, & ollas plenas carnum compararem.

Te quippe solum, o panis candidissime, credo esse victum meum, & innumeris suspirijs expetitam saturitatem meam. Pone igitur, amice, fines meos pacem, & adipe frumenti satia me.

Sed in saturitate hac, o sponse deliciosissime, viget fames; quia suauiter palato cordis sapis, & puras delectationes ingeris amicis tuis requirentibus formosam valde faciem tuam. Illaberis blandè in corda tacta desiderio tui, & excitas incendium omnipotentis amoris tui.

Gustatur in fonte dulcedo tua, quæ  
sitim creat reuelandæ formæ tuæ: pro  
qua certant in agone animosi milites,  
& populus electus acquisitionis tuæ.  
Vtinam soleris me, optatissime decor  
animæ meæ, quæ montem visionis  
iamdudum petit; vt hac esca roborata  
quadraginta dierum longam viam  
conficiat, & satietur, apparente illu-  
strissima gloria, & dulcissima pulchri-  
tudine tua.

Quid enim mihi profunt Ægypti  
horrea in annos septem sterilitatis re-  
seruata; si post septennium esurien-  
dum est, æterna fame succedente?  
quantò mihi salubrius est, pane viuo  
victitare, qui famem æternam vitæ  
pastu depellit.

Pugnat cum morte panis tuus, o fi-  
delissima custos cordis mei, & senesce-  
re non sinit vitam meam, quam  
multis accessionibus auget calor tuus.

Verum quid loquor? Calor panis

---

hu-

huius consumit me, ac depascit interiora mea, quæ amore resoluta defluunt, præ magnitudine pulchritudinis tuæ, & tamen, ò lux purissima, vultus mei resolutus amore, viuo, & infuso in thalamum cordis tui, ubi latent solatia mea.

Propter hoc, in silentio noctis suspirabo, nec somno releuabor in lecto meo; quia sollicitabunt me crudelissimi viscera mea, quæ torquebuntur egestate panis. Propterea præuenient te oculi mei diluculo, & surgam velox inter alios, quos paupertas fecit expeditos, ut quærerent te.

Pauperes enim edent, & saturabuntur, & saturati laudabunt te; quia tu das illis escam melle dulciorem in tempore opportuno; sed si non fuerint saturati, fortasse murmure fidei murmurabunt auidissimè dicentes: Quis det nobis de carnibus eius, ut saturemur, & fatigata corda nostra recreemus?

O potens in opere, & sermone, quot corda pane tuo domuisti? Verè cognitus fractione panis, quem coxit amoris calor.

At si ita est, quomodo viæ Sion lugent, eò quod non sint, qui veniant ad solennitatem conuiuij tui? Quomodo paruuli, qui diligunt infantiam, exhalant animas suas in plateis Hierusalem, in sinu matrum suarum, quasi non esset triticum, & vinum? Ergo ne credendum est, vllum Adæ filium esse, qui scientiam à parente suo affectatam sic depellat, & nolit esse sicut Deus? In consilium eorum non veniat anima mea, & in coetum eorum non sit gloria mea. Certè ego requiram epulas tuas, & adhærebunt viscera mea visceribus tuis, si fortè concorporeus, & consanguineus tibi fiam, & gloriari possim nobilitate generis tui.

Præcingam certè renes meos vstis igne tuo, & sine vetustis ceremonijs

comedam festinanter : quia propera-  
unt attrahere te singula membra  
mea: Et ego velociter deuorabo te  
purissimam voluptatem meam.

Ineamus ergo amoris foedus in ala-  
i tuo, amice fidelissime cordis mei:  
go vescarte, & tu vescere me: misce  
calori tuo calorem meum, & sua-  
uissima pulchritudo tua pe-  
netret medullas  
meas.





SVPERNÆ  
HIERVSALEM  
REGINÆ  
CLEMENTISSIMÆ MARIE

Exul homo salutem.



*Pistola hæc nihil aliud  
est, quam frequens  
aspiratio ad purissi-  
mam Virginem, pro  
eius amore, & consolatione, ac  
intercessione erga filium.*

**D** Vlcissima Salomonis mater, cum qua creuit ab infantia miseratio, fama tenerrimi cordis tui, quo vniuersos Adæ filios, ad immortalem Regem, quem genuisti, quasi mater introducis, vrget me, vt non verbo tantum, & perenni gemitu, verum & scripto te salutem. Expedi enim mihi, humanissima, & decora valde Regina cœli, scripto etiã excitare ad te præcordia mea: & ardentia desideria pulchritudinis tuæ, casto corde concipere. Cupio enim ô speciosissima Virgo, & purissima voluptas animæ meæ, te medullitus amare, & in tuis optatissimis amplexibus à labore mundi requiescere, vt filius tuus, quem exorare desidero, te mihi propitiam esse cognoscens, oculis illis, quibus corda vulnerat, me leniter aspiciat, & ad vitam meliorem, amoris sui vulneribus interficiat. Tu certè, ô formosissima, illum vulnerasti, & tam arcte adstrinxisti tibi; vt paulominus non possit

non

non implere petitiones cordis tui.  
Propter hoc anima mea trahitur à te,  
& cupit vehementer adhærere tibi,  
sciens etiam in corde Dei te regnare,  
specie tua, & pulchritudine tui. Pro-  
pter castissimas cordis tuas delicias,  
optavit ille esse cum filiis hominum:  
Sauciaueras quippe illum in vno ocu-  
lorum tuorum, & in vno crine colli  
tui. Et quidem Hierusalem tota, que  
ædificatur vt ciuitas, Regem imitata,  
suum, mirificè capta est latissimo in-  
tuitu Reginae suæ forma præstantissime,  
& suauissimo crinis vnus laqueo in-  
nexa est. Nec enim, ò lux mea natu-  
rina, tenebrarum mearum expultrix,  
æquum erat, dum Rex ligatus est in  
canalibus, peregrinam vrbi placere  
libertatem. Cepisti certè, ò cordium  
victrix pulchritudo, cepisti, & traxisti  
ad te omnia corda nobilia, quorum  
preda gloriatur filius tuus, non ferro,  
vel metu, sed placidissimo aspectu

uo, in vno scilicet oculorum tuorum,  
& in vno crine colli tui. Utinam, o  
pulchra nimis, cuius desiderio vruntur  
viscera mea, crine vno illo me ligares,  
quo vinciri potuit filius tuus, & quo  
reges alligare soles in compedibus;  
Vnumquam desiderarem libertatem,  
& in eternum nollem solui vincula  
colli tui. Bene pro captiuitate hac ven-  
leretur libertas mea, capta decore  
multo cordis tui. Certè inestimabilis  
odor, quem effundis nimis à vestimen-  
tis tuis, me semper ligatum recrearet,  
& somno valde dulci consopiret.

Propterea, pulcherrima virgo, & ex-  
spectatissimum refrigerium seruitutis  
neque, in quam me coniecit Heu ma-  
er mea, amoris tui vinculo astringe  
ne; vt in veram reuertar libertatem;  
sed & vno saltem oculorum tuorum,  
intuere me, & illo citò prædare animam  
meam. Pertinge vsquè ad diuisionem  
nimæ, ac spiritus, compagum quoquè,

ac medullarum. Eligabis intuitu  
vno arentia ossa mea, & reddes mihi  
lētitiā salutaris tui. Propter hunc  
intuitum ingerentem delicias Dei,  
vultum tuum deprecabuntur omnes  
diuites plebis, & per singulos dies tibi  
reddent vota, atque tributa. Quin  
etiam mundus vniuersus deprecatur  
te, vt lēto vultu, semel saltem velis il-  
lum intueri. Quam enim partem  
haberet in illo Deus; si tu, spes lētissi-  
ma laborum eius, illum aspicere recu-  
sares? Sic ego, velut alij filij Adam,  
habitans in terra, quę versa est in sal-  
uginem, à malicia inhabitantium  
eam, in sudore vultus mei vescens pa-  
ne meo, grandi pondere laborum  
oneratus, ardentissimo oculorum  
tuorum teneor desiderio.

Reddam certē tibi pro fœnore, o  
nobilissima pręda cordis mei, in quam  
feruntur importuna vota mea, vitam  
ipsam, qua vivo, cō quòd sine pręsen-



tie tue suauitate, sit mihi molestissima.  
Et quidem si tibi placet abesse, o vita  
iucundissima deiecte nimis anime  
mee, longam mortem tolerabo, quam  
consumetur caro mea.

Profecto, lenis aura, quę perflas, &  
suscitas diligenter te, omnes morimur,  
& quasi aque dilabimur super terram;  
quia peccatores sumus; sed mors vali-  
dior fit contra me, auertente te faciem  
tuam, faciem inquam tuam illam de-  
coram, & dulcissima pulchritudine,  
coelo, ac terrę dominantem.

Quapropter spiritus meus attenua-  
tur, dies mei breuiores fient, & so-  
lum mihi videtur superesse sepul-  
chrum; si absentia tua pergis confice-  
re me. Moriar sine te: sed, interdum  
suscitabor; si illos tuos misericordes  
oculos, quos desiderat Ecclesia tua,  
conuertis ad me.

Quasi sagittis amoris, multis delecta-  
tionibus penetrabor, si me dignaris

aspicere, & letitia viscerum meorum, &  
lux serenissima vultus mei. Utinam  
sagittę oculorum tuorum caderent in  
omnia corda inimicorum Regis: ci-  
tò enim mutarentur in amicos, & em-  
ptitios seruos eius. O quam facile  
tibi est in oculis tuis, ad vulnerandum  
velocissimis, subito honestare paupe-  
rem, & animam deficientem recrea-  
re! O si iam placeret tibi, Virgo venu-  
stissima, sic honestare me, & elisum  
celeriter erigere! Profectò imprime-  
reris centro cordis mei, & elegans val-  
de forma tua, esset speculum lucidissi-  
mum oculorum meorum, omnibus  
diebus vitę meę.

O speculum certe purissimum supra  
omnem cœli serenitatem, quod nulla  
unquam nebula obduxit, in quo lucet  
candor lucis eterne, dum in te formos-  
sissimus representatur Filius Dei, quis  
mihi det, vt fruatur te, ac suspendar gra-  
tia vultus tui? Quis tam cœlestem,

c pulchram honestatem, cordi meo  
ociabit foedere sempiterno? ò puri-  
tas, ò candor, ò serenitas, ò decor plus-  
quàm dulcissime cordis mei, trabe-  
ne post te, ne momento quidem re-  
cessurum.

Ostende mihi, obsecro, faciem,  
tuam, aurora multo pulchriorem, &  
ruidissime intuebor illam, quia castis-  
simis delicijs afficiet me. Excitabitur  
ad te incendium vehemens amoris  
mei, quem modò torques absentia-  
tua.

Hei mihi decor anime mee, spes, &  
firmamentum meum in terra mo-  
rientium, quibus flagro desiderijs te-  
nendi te, & condendi in secreto tha-  
lamo cordis mei. Ibi certe, solo teste  
filio tuo, quem dilexi, & cui patere,  
volo secreta mea, orarem te, ne forte  
exhalarem animam meam in sinu ma-  
tris mee, vt exhiberes mihi ineffabili-  
ter formosa vbera tua, que sugerem.

ego reuerenter quidem ; sed magis  
amanter, quàm reuerenter.

Dulcissima Regina sustine patienter ; ne , obsecro , tam sitientem abla-  
ctes me : Ne velis audentem animum  
repulse doloribus extinguere . Noui  
enim ego filium tuum primogenitum,  
qui fecit te , permittere desiderantibus  
vulnera sua , è quibus bibant amici  
eius, & charissimi inebrientur.

Propter hoc, ò mater suauissima ,  
permitte mihi vbera tua formosissi-  
ma , quę simul lacte, & amore tu ment-  
& eris mihi fesso requies mea, & nu-  
trimentum amoris mei . O vbera ,  
quę funditis salutis riuos, ò pignora  
fidelia foelicitatis meę . Quis mihi  
det, vt etiam morte intercedente, hau-  
riam ex vobis vitam, quam inqui-  
ro?

O amoenitas paradisi , ex qua pe-  
pendit multis diebus infans Deus, de-  
siderijs fatigatum suspende me . Cer-



tè speciosissima Virgo, cuius delectationes concupiui, suspendium hoc elegit anima mea. Monstra igitur mihi te esse matrem, & saltem vna stilla lactis confirma me: & pro dulcore lactis, quod gustabo, despiciam omnes mundi voluptates. Meliora sunt enim vbera tua vino, & in eis valde potens est pulchritudo tua. Sepè certè illa desideravi, sicut desiderat ceruus aquarum fontes, & visa mihi sunt cœlo pulchriora, & desiderabilia super aurum, & lapidem pretiosum multum, & dulciora super mel, & fauum. Trahitur enim cum lacte tuo sapientia de occultis, & palato cordis dulcissimè sapit. Ibi latet thesaurus saporis Dei, cui obliuio mundi permiscetur.

O si quis mihi daret potum aque de cisterna, quæ est in Bethleem, purissima Virgo! Certè non effunderem eam, nec abstinerem, sicut fecit David pater tuus, quando libauit eam. Do-



mino. Nec enim abstinuisset ille, si  
 dulcissimum potum, quem exposco  
 nactus esset. *Redordare Nutrix amantissima,*  
 filio tuo dilectissimo opus esse, ut per-  
 ficiatur laus diuinae eius ex ore infan-  
 tium, & lactentium. Quomodo enim,  
 Regina coeli, implebuntur scripture,  
 quasi dictauit filius tuus. Pascar igi-  
 tur, o Mater suauissima, riuo lactis tui,  
 quod exquiro; ut ex Aegypto semel  
 egressus, feracissimam promissionis  
 terram inhabitem. Terram certe non  
 vomere proscissam; sed coelesti rore  
 valde pinguem, ac fecundam, dul-  
 cissimoque melle, & lacte manantem.  
 Hec sit pars mea, & potus suauissimus,  
 quem preparasti diligentibus te.  
 Sed anima mea vberum tuorum  
 cupidissima, dum solo desiderio fugit  
 illa, recordata est, se valde appropin-  
 quare cordi tuo, quo post filium tuum  
 nihil est iamabilius, & animaduertens

quantum ibi, & quam vrentem ignem abscondit, charitate diues filius dilectionis tue; igne tuo incendi concupivit. Bonum esset illi, & Virgo dilectissima, quę habitas cum ardoribus eternis, igne tuo liquefieri, & ibi, vt tecum viuat, expurgari.

Si vis, o pulchra nimis, annuere voto meo; ingrediar in sacrarium cordis tui, & eius motus explorabo. Ibi erit requies mea in seculum seculi, & habitabo ibi, quoniam elegi cani. Utinam semel illuc introirem, & exitus in æternum non pateret. Biberem ex abyssu voluptatis, & sedaretur mare meum. Anima mea teneret portum, quò fertur ardens eius desiderium. O portus, & tranquillitas diu desiderata; quando requiescam in te? Quando tandem sedebo in pacis huius pulchritudine? Cur o speciositas dulcissima cœlesti delectatione priuas me? Benè mihi esset, purissime candor oculorum,

meorum; acerba morte citò mori, vt  
ad nidum cordis tui raperetur anima  
mea, & ibi amoris esca pasceretur.

Certò speraui, Regina desideratissi-  
ma, quòd regnatura sis in corde meo;  
eò quòd sis formosa nimis super vni-  
uersas creaturas: sed nunc posco mihi  
nidum in corde tuo; vt viuam dum  
fouetur calor meus.

Duo certè desiderauì, quæ, oro te,  
mihi dones, antequàm moriar. Vul-  
nera dulcissima filij tui, quibus pascar:  
& vbera tua amoris plena, quibus la-  
cter.

Nunc tertium expedit mihi postu-  
lare, cor scilicet vnum tuum, & filij tui.  
Certè enim illi, & tibi est cor vnum,  
& anima vna. Porro hoc vnum mihi  
necessarium est, sine quò frustra labo-  
rare, & anni mei cum mœrore dedu-  
cerentur ad inferos.

Quis mihi det, Virgo prudentissima,  
vt pro hoc vno vendam vniuersa, quæ

ha-

habere possum, & eman illud. Ne-  
 sciunt insipientes filij Adam pretium  
 eius, nec inuenitur in terra suauiter Vi-  
 uentium. Non dabitur aurum obri-  
 zum pro eo, nec appendetur argen-  
 tum in commutatione eius. Non  
 conferetur tinctis Indiæ coloribus, qui  
 corda stulta seducunt. Hoc ego vnica  
 exquiram interea, dum à dulcissima  
 Hierusalem exulare cogor, & suspensis è  
 salice organis, iuxta flumina Babylonis  
 multa lacrymarum vi, captiuus ab herro.  
 Certè satis hoc vno diues essem, & pu-  
 rissimis delectationibus affluēs, nec Im-  
 peratorum audis inuiderem. Profecto  
 non timerem domui meæ à frigoribus  
 niuis, byssus enim, & purpura esset indu-  
 mentum meum. Comederem butyrū,  
 & mel, & medullam tritici purissimam.  
 Precor ergo te, suauissima Regina  
 mea, vt adhereat anima mea cordi tuo,  
 quod exquiris, & vniatur illi strictissi-  
 mo complexui.

Optabilis profectò amplexus tantæ pulchritudinis; sed optabilior mihi penetratio, qua cor tuum amarissimum, à meo, velut à spongia traheretur. Tunc explerentur omnes pori mei; & sicut adipe, & pinguedine repleretur anima mea, ac exultationis labijs te laudaret os meum. Sed intereà, dum non exaudis votum serui tui, quem absentia torques, quasi stellas cœli, multiplicabo tibi desideria, conabor saltem cogitando, tecum esse, & absentis imagine recreabor. Enumerabo tibi annos, & dies vacuos meos in amaritudine animæ mee. Exponam iam tibi notos dolores meos, quos & filij tui formosissimi, & tua pariter absentia: Sed nunquid propterea recoillabor? Nunquid si febris vexat me, sola recordatione, fontis recreabor. Multi dicunt: Recreaberis. At, ò candidissima sponsa, & vera serenitas animæ querentis te, quale refrigerium

est



est hoc? Quàm exiguum? Quàm sæpe evanescit, nec sisti potest hæc iucunda, sed inconstans cogitatio.

Certè optatissima vita cordis mei, nequè hoc mihi superest refrigerium, ut de te quantum cupio possim cogitare. Propter quod, ardeo desiderio, imaginem tui vultus constantem concipiendi, quam respiciant suspiria mea.

Vtinam, prudentissima Virgo, quæ delicijs affinis, non in horrore, sed in lætitijs visionis nocturnæ, quando solet sopor occupare homines, me præsentè transires, & subsisteres, antequàm pertransires, ò filia Principis, cuius gressus pulchri sunt; sed pulchrior quieta præsentia subsisteatis. Vtinam, inquam læta subsisteres, & arrideres mihi, & voce submissa loquereris mecum, & ego vocem, quasi auribus audirem. Certè auris mea furtivè susciperet verbas susurri tui, & dilata-

rentur penetralia viscerum meorum, ad purissimam voluptatem hauriendam. Nollem tunc, ut mihi oriretur sol, ne me à lucis tuæ claritate diuerneret. Thesaurizarem tunc, non ignorans cui diuitias congregarem. Sed nunc huius boni recordatione, & absentia tabescere facio, sicut araneam, animam meam, eò quòd apud te sit expectatio mea, & substantia mea tecum sit.

Quapropter, ò animæ meæ vita optabilissima, exaudi anxiam deprecationem meam, & auribus percipe, amore tui fluentes lacrymas meas. Ne fileas, quoniam aduena ego sum, & in terra aliena non multi intelligunt hos gemitus meos: sed tu, ò cœlestis eloquentiæ Parens, è cuius ore melle dulcior fuit oratio, quæ linguam disertam adeptas, & desideriorum verba capis, remitte mihi, ut refrigerer responso tuo, cui tota patet anima

M

mea.

mea. Et anima mea inter filias Tyri, supplicabit tibi in numeribus suauissimæ dilectionis, tacta ardentissimo desiderio formæ tuæ. Docebis me secreta cordis tui, quod est gazophylacium filij tui, & ego intelligam super senes, cum didicero prudentiam tuam, ò secretum, ò prudentia, ò sublimis gratia Regina Hierusalem. Doce obsecro, Regina sapientissima, postquam adducuntur Regi electarum virginum multa millia, doce amanter, & suauiter animam meam cupidam eruditionis tuæ. Constituit enim te sapientia dives filius tuus, magistratam suauissimam domus, ac Regni sui; vt melius, quàm Ioseph erudies Principes eius, sicut temetipsam, & senes eius prudentiam doceres.

Propter hoc diu optaui, & rogaui te, vt saltem dormientem, quasi transiens erudies: ita scilicet, vt dormirem ego, & cor meum vigilaret tibi, ò ge-

nerosissima, & ad fundendas delectationes castas propensissima virgo. Quousque suspendis animam meam, auidam sapientiæ tuæ, quam amaui, & exquisiui à iuuentute mea? Quæsiui sponsam mihi eam assumere, factus amator formæ illius. Tu vides, inconstantes cogitationes meas vagantes, eò quòd non habeant cibos, & auolantes præ tortura famis, ad escas diripiendas. Et tu, dulcissima genitrix, potes illas in tuum, & filij tui thalamum congregare: sicut & cum filio tuo potes congregare aquas maris, & ponere in thesauris abyssos. At si tu, sponsa venustissima, nec per somnium, & in transitu vis solari me; dies mihi vertetur in noctem, quam tenebrosus turbo possidebit: Et egredientur catuli leonis rugientes, vt rapiant, & quærant à Deo escam sibi. Forsitan enim quasi violentes prædones, in compositis sensus mei, prædabuntur mundi apparentem



figuram, & prætereuntem apprehendere, ac tenere conabuntur, sed frustrabitur anima mea, quæ vera bona satagit inuenire: veruntamen vera bona non dabunt mihi, nisi amici mei, non fraudulentis, & onerosi consolatores, qui verbis inanibus me subuertere nituntur.

Propter quod, in toto corde meo exquisiuite, dulcissima amica mea, & virgo super astra matutina splendidissima, & precor adsis mihi læta, in noctis silentio, vt fruor bonis, quæ sunt, non tanquàm in iuuentute celeriter, sed tanquàm in canorum sensuum senectute, quæ nunquam patiatur virium detrimentum. Tu enim, cum locuplete valdè filio tuo, implebis substantia sapientiæ domum meam, & firmabis fortitudine cor meum, in quod se insinuabit pulchritudo tua. Insinuabit se pulchritudo tua, & candor gratissimæ præsentie tuæ in cor

fer-



serui tui ad te iugiter suspirantis, & vigiliis noctis custodientis: & erit hæc nox illuminatio mea in delicijs meis, siue potius tuis, aut certè vtriusquè: quia ex tenero valde corde tuo influent in cor meum, & exhilarabunt amore pulsata, & pingua iam præcordia mea. Sed ubi est hæc nox? Ubi est tranquilla visitatio tua? Ubi est, quam posco, requies mea? Certè apud te est bonum meum, sine quo incassum compono sermones meos, quorum memoria cum sonitu peribit. Veni igitur speciosissima, & halitu tuo super omnia aromata odoratissimo recrea me, quem creauit filius tuus: & attrahent medullæ meæ spiritum suauitatis tuæ, qua cœli exhilarantur.

Quòd si, & hoc tibi non vsquè adeò placet, o electa inter Reginas præparatas thalamo filij tui; intinge saltem extremum digiti in aquam limpidissimam fontis viui, quem genuisti, &

in quiete noctis veniens, refrigera linguam meam: quia crucior in hac mundi flamma, interno propinquissima. Non enim magnum chaos firmatum est inter te, & me filium tuum cupidum amoris tui; cum pertineam ego ad imperium tuum: ad imperium, inquam, pulchritudinis tuæ, quam corda casta requirunt. Hæc omnia præstabit mihi modica pars noctis vnius, si tu, ô lux mea serenissima, vis replere me iucunditate cum vultu tuo, à quo egreditur fluvius voluptatis, ad irrigandum paradisum. O voluptas, qua perficitur castitas, & amor suavissimus nutritur! O serenitas pulcherri-  
mi vultus, quæ omnia cordis nubila dispellis! O Virgo, quæ decore tuo corda rapis, & quasi mancipia trahis, ostende mihi, si placet, semel in visu faciem tuam, etiamsi oporteat me in posterum oculis captum supervivere. Agam enim reliquos dies vitæ

mee

meę in iu- b- lo , memor vultus tui gra-  
tia præstantissimi , & omnem mundi  
gratiam inopinus præteribo : veniat ,  
oro te , dulcissima sponsa cordis mei ,  
visum hoc expectatissimum . Forsitan  
hoc modo lenietur dolor meus : nam ,  
in aliena pulchritudine reuult consola-  
ri anima mea . Sic vniuersa corda  
filiorum Adam , filio tuo dona dile-  
ctionis ferant : effigies vultus tui sole  
pulchrioris , & candidioris niue , absen-  
tem consoletur me .

Duo hæc , ò mater , audiui , quia po-  
testas Dei est , & tibi grandis miseri-  
cordia , & quod sis valde suavis , & mi-  
tis , & multę miserationis omnibus in-  
uocantibus te . Porrige ergo mihi can-  
didam , & formosam manum tuam ,  
quæ pingat decorem tuum , quem  
dilexi : & ex voto , ad altare tuum pen-  
debunt præcordia mea , & quærent sine  
sine speciem tuam . O si placeret tibi ,  
Princeps serenissima , manu saltem

altera tam molli attrectare fatigata viscera mea: Profectò quasi cera liquefcerent præ magnitudine amoris, & castissimæ voluptatis: Et velut magnetes tacta semper aspirarent, & mouerentur ad te, & vilefceret illis mundus, & fallax gratia eius. Tange, obsecro, me, & optatam salutem affer cordi meo.

Quòd si supplicans pro tactu, non exaudior;ingere saltem odorem vestimentorum tuorum naribus meis, & solaberis me: Scio enim, quod assis-  
tis filio tuo, pro nobis in vestitu deaurato circumdata varietate, & vestimentorum tuorum fragrantia est, sicut odor agri pleni, cui benedixit Deus. Utinam mihi liceat odore isto tuo, filia Sion, & prudentissima virgo, roborari: Illo enim percepto, quasi de graui somno euigilans reuiuiscam, & eris mihi in æstu mundi temperies, & gratissimum in fletu solacium, & exultabo su-

per

per agro pleno tuo , sicut exultare  
solent agni ouium . O fragrantia  
toto coelo profusa, quomodo non sen-  
tit anima mea vim tuæ suauitatis,  
quam odoratur, & placatur Deus, &  
quiescit à vindicta ? O filia Hierusa-  
lem ornata monilibus, quam adama-  
uit Dominus, quæ pignoribus amoris  
tui exhilaras corda deprecantium te,  
imbue me odore tuo, & super omnia  
desiderabilia mundi desiderabo te .  
Deficiet in te præ desiderio anima  
mea . Ne igitur voluntate labiorum  
meorum fraudes me . O quoties de-  
precatus sum faciem tuam in toto cor-  
de meo, licet minus ardentem, quam  
optarem : & quasi aërem verberarem,  
inania dimisisti suspiria mea : sed non  
propter hoc, silebo Regina mansue-  
tissima super omnes, qui morantur in  
terra .

Non enim usquè in finem miseri-  
cordiam tuam abscindes : & tamen si



me occidas: in te sperabo: immò, precor, occide me impetu vehementi amoris tui: & tunc mihi maior fiducia salutis erit. O vita amabilissima cordis mei, quantò mihi melius est à te interfici, quàm ab alijs suscitari! Veniat hæc mors super me, & mihi dominetur in æternum. Quòd si morte repentina non vis corripere me, sed in prolixam mortem reservare, incipe saltem ad mortem vulnerare me: ut gaudeam optata morte moriturus. Vellem enim subtili dilectione, magnæ pulchritudinis tuæ corpus, & animam meam ita penetrari, ut nulla mihi spes evadendi superesset. O dulcedo cœlestis, ò purissime fons aquarum, quæ fluunt cum impetu de Libano filij tui, ò formosa valdè filia Sion, cuius gratiam expetiuit anima mea, iaculare citò spicula amoris tui in mortis auida viscera mea, & confige, non timore, sed amore tuo carnes meas,

quæ

que didicerunt desiderare te. O splendidissima stella cordis mei, quis mihi det, ut affulgeat mihi candida lux tua, dum nauigo hoc mare magnum, & patiosum manibus, ubi sunt reptilia, quorum non est numerus? O gratia, longè suauissima, qua duriora saxa liquefiunt, allice me, ac leni feritatem cordis mei, quod sola voluptate nouit leniulceri: Et reddam tibi multiplices amoris motus, & lacrymas dulcissime fluentes; donec aspiret mihi dies ilij tui, & videam lætus ortum surgentis auroræ. Sic tibi, o speciosa, cut columba, expono debiles, & rudes gemitus meos, factus amoris, & visitationis tuę postulator importunus: Propterea vniuersa diligentium te corda irari; ut satisfaciam desiderio adheſcendi tibi. Magna enim foelicitas est, ordini tuo dulcissimo placere.

Sed nunc rem vnā intimè desideratam peto à te: Ne, obsecro, con-

fun-

fundar repulsa tua. Loquere pro me bona ad filium tuum, vt suscitet me iacentem in vmbra mortis, vbi non lucet amor eius. Tam ardentem enim diligit te propter eximiam gratiam, & decorem tuum; vt nihil sit tibi negaturus, etiam si petas dimidium Regni eius. Ipse velut abortiuum repulit me, & subtrahit se mihi, quasi non essem vnctus oleo; & maledictionem montium Gelboe videtur intulisse mihi; vt nec ros, nec pluuia cadant super me. Vnde aruit tanquàm testa virtus mea, & lingua mea adhæsit faucibus meis: adeò, vt in puluerem terraræ, vnde me formauit, videatur reduxisse me, ac si poeniteret eum, quòd me hominem fecisset. Credo equidem propter graua peccata mea. Sed nunquid vanè constituit omnes homines? Non enim est homo mundus à sorde, nec infans quidem, cuius est vnus diei vita super terram: sec

ego

---

*Epistola V.*

189

ego grauius deliqui. At quid faciam ei? Certè vnum superest, vt plus diligam eum, quia plus mihi donauit. Hoc ergò cupio vehementer, ò dulcissima Virgo, & super omnes mitis mater mea, vt per te, quę portam aperire tales, introducar in thalamum filijui, nuptiali veste dilectionis ornatus. Per cor illius, charius tibi vita ipsa tua, obsecro te, vt moneas illum de hac molesta ægitudine mea, qua laboro. De cœlo mittat ignem, & exurat viscera mea, quę clamant ad eum lanuentia sine cibo. Cibus meus, amorus est. Vtinam Regina clementissima, & plusquàm lepidissima sermone cuius labijs est gratia diffusa, semel pro me, filio tuo supplicares. Fieri interuentu tuo in animam viuentem, inciperem noua sacrificare desideria, quibus dulcoris tui sapor misceretur. Hoc votum meum. Hęc satis frequentia suspiria mea; vt te interce-

den-

dente, erga filium tuum, & te, inextinguibili amoris igne consumar.

Et ut voti compos fiam, ò sapientissima Virgo, diuinam posco visitationem; ut illustres formosissima luce filij tui, & in secreto cellario sapientiæ, contempler infinitam eius pulchritudinem. Hæc sit hereditas mea, quam interdum in exilio reficiat; ut inualescant amoris flammæ, quibus in hac vita nihil delectabilius. Veniat, orate, mater generatione casta foecundissima, Dilectus tuus, & adimplebit me lætitia cum vultu suo: Lætabiturque anima mea deserta, & inuia, & exultabit solitudo. Pane cœli saturabor, & sanguinem vixæ bibam meracissimum. De lauta eius mensa pinguis fiam, dabit enim mihi latitudinem cordi velut arenam maris.

Pac ergo, speciosa valde, ut festine ille, sicut hinnulus velocissimus, v castis eius fruatur amplexibus. Certè



vt audiui, tanta est in eius contactu  
suauitas; vt inducat mundi obliuio-  
nem, & intolerabilis fiat carnis obſcœ-  
na delectatio coram eo, ac si esset in-  
ferni cruciatus. Vnde merito, pro  
tām incredibili consolatione pugnare  
debeo; sed vt fortis in prælio fiam,  
memor vberum filij tui, Virgo pulchri-  
tudine coronata, fac vnā saltem obla-  
tione cordis tui, quo capitur filius  
tuus; vt sedata procella cogitationum,  
& passionum, quibus premor, tran-  
quillo corde illi vniatur anima mea.  
his diebus, quibus milito, donec ve-  
iat immutatio mea: timeo enim,  
e sensus mei quærentes creaturas, ve-  
ut arietes non inuenientes pascua,  
ſaniant & subuertant cor meum.  
Quapropter adhærere filio tuo, mihi  
vnum est, & in eo pascua cordis inue-  
re.

Quod si tu, suauissima Virgo, & cœ-  
lestis decor domus Dei, simul cum

eo veniens, cordis mei penetralia, præsentia tua, & candore purissimo velis exhilarare, & pascere; non incipiet anima mea vagari post greges sodalium filij tui, quo nihil est amabilius. Certè, Regina misericordissima, si annuis desiderio meo; dabis mihi sexum virilem amoris, quem consecrabo Domino, per omne tempus vitæ meæ. Vigilabo, & propter amorem vehementem, somnus recedet ab oculis meis, & sicut passer solitarius in recto. Vitabo consortia hominum, & effundam cor meum in solitudine, ubi tecum adsit mihi formosissimus filius tuus. O dulcissima cœli læticia, & impetus deliciarum exhilarans ciuitatem Dei, concilia cordi meo cor filij tui; vt cœnet mecum, semel in domo mea, & adipe frumenti satiet me. Profectò incrassatus, impinguatus, dilatatus, non recalcitrarem amplius illi; ne fortè

pa-

pastu meo priuaret me. Et viscera mea post pastum, semper illum esurirent dicentia: Quis nobis det de carnibus eius, vt saturemur?

Et si tu gloria Hierusalem, & lux clarissima sperantium in te, assistens in decore tuo filio, quem genuisti ingrederis, vt habites in præcordijs meis; cor meum lapideum vertetur in carneum, & liquecet à facie pulchritudinis tuæ. Hanc vnā inter fortia, fortissimā credo. Omnia enim domat, & suauissimo prælio capit pulchritudo, & omnis creatura cupit adhærere illi, & timet ab ea repelli. Magna enim est gratia formæ.

Propter hoc statui, ô Regina, quæ specie tua mundo toti dominaris, quærere te, & perennibus desiderijs hærere tibi. Et timeo à te separari sicut mors timeri solet. Utinam placerem tibi, vt appropinquans tenacissime te apprehenderem. Valdè bonum

mihi esset hoc, & libenter, pro tanta pulchritudine, omnia detrimentum facerem. Tu enim forma tua, quam sol, & luna mirantur, ò dulcissima Virgo, efficeres me magnum, & diuitem, vt nihil mihi deesset, quia nihil aliud optarem coram te. Tecum, quippe esset diuina præsentia, & pulchritudo filij tui, qua simul impleretur anima mea. Nolo hæreditatem, aliam inter egenos filios Euxæ. Hoc votum meum. Hæc tranquillitas mea. De cetero, nemo mihi molestus sit, vt sequar Deos alienos, & consilia filiorum Adam, qui ab vtero errauerunt. Tui, ò purissima Virgo, hæres esse curabo. Et erit hæreditas mea dulcis, super mel, & fauum. Propter hanc hæreditatem suspirabo ad te, & memorero tui nocte in stratu meo. Innumerabilibus gemitibus meditabor, vt columba.

Bene mihi erit, ò dilectissima,

Vir-



Virgo, & lætissima serenitas cordis mei, si gemens perseuerauero, & exorauero te. Bonus luctus, quem expellet præsentia tua. Utinam sint semper lacrymæ meæ in maxillis meis; & non sit qui consoletur me; dum modo post longa suspiria, formosa manus tua abstergat omnem lacrymam ab oculis meis. Certè non est contemnenda tanta pulchritudo; ut non meritò pro ea pugnare debeam. Quis mihi det, ut magna sollicitudine cordis, curram post decorem tuum, donec mergar in abyssum eius.

Opto, suauissima Virgo, & nobilissima præda mea, penetrare cœlos, opera digitorum filij tui, & ambulans super pennas ventorum, volare usque ad sedem excelsæ nimis gloriæ tuæ; ut requiescat ibi cor meum cum ijs, qui exultant in gloria tua, & lætantur in cubilibus suis. Quis poterit, o Regina formosior cœlo, cogitare vim.



formæ tuæ? Quibus oculis intuetur te  
 Ciuitas sancta Hierusalem? Omnia  
 corda feruntur in te: trahit enim sua  
 quemquæ voluptas. Habitabit ibi ani-  
 ma mea suspensa desiderio, & cupiet  
 ardentius desiderare, & torquebit il-  
 lam dilatio satis dura. Hei mihi, quia  
 defectio tenuit me, defectio molesta,  
 & longa nimis. Adesto mihi Virgo su-  
 per omnes speciosa, sicut aurora valde  
 rutilans, & in hac nocte prolixa, fac  
 me videre lucem tuam. Infer motum  
 vehementem cordi meo, tactu manus  
 tuæ: & impera passionibus meis; vt  
 quiescant, & erit pax in anima mea,  
 loco habitationis tuæ. Omnia ossa  
 mea dicent: Domina, quis similis ti-  
 bi? Sentient præcordia mea suauita-  
 tem manus tuæ, & gaudebunt lenitate  
 tua, mansuefactis bestiis, quæ perse-  
 quuntur me. Computrescet mihi iu-  
 gum filij tui, à facie olei dulcissimæ mi-  
 sericordiæ tuæ, quæ certè melior est

super vitas : Sacrificabo tibi vitulos  
labiorum meorum : non enim potero  
non laudare magnitudinem dulcedinis  
tuæ, quæ, ut suspicor, inebriat omnes di-  
lectores tuos.

Sed & nunc absentem supplex ado-  
ro, & laudo te, castissima Virgo, &  
splendor illustrissime cordis mei, &  
reddo tibi tributum desiderij, quo te  
sequar in æternum. Festina, obsecro  
curare me à languore molesto, in tor-  
tura viscerum meorum : & fac, ut  
oriatur mihi sol, non tam iustitiæ, quàm  
misericordiæ, à cuius facie montes,  
sicut cera fluunt, & terra sterilis lacte,  
& melle manare solet. Fac, oro te,  
ut cor meum, impetu amoris erga  
filium tuum, & te dehiscat, & æterno  
vulnere torqueatur : & admisce tor-  
mentis delicias animæ tuæ ; ut glori-  
er in infirmitatibus meis. Sic fatigatus,  
licet non desperans, scribendi ; sed  
non ad te suspirandi finem facio, Re-

gina mitissima Hierusalem, & firmissima spes inuocantium, & quærentium te. Testor enim, quamdiu viuam, in exilio, quoties halitum emittam, ferè toties ad te, sicut & ad optatissimum filium tuum, dirigam desideria mea, quæ nunquam requiem inuenire possint sine te: sed inueniant eam in elegantissima forma, & vultu, in formosissimo tuo, in quem deficit anima mea.



DVLCISSIMO

REGINÆ

SVPERNÆ HIERVSALEM

S P O N S O I O S E P H ,

Exul homo salutem.



Æc Epistola nihil  
aliud est, quàm  
multiplex medica-  
tio diuinarum af-  
fectionum, quas passus est San-  
ctissimus Ioseph, & frequens  
excitatio cordis, & aspiratio ad

*eius amorem, ac petitio sua erga Christum, ac Beatissimam Virginem intercessionis, & visitationis.*

**P**ostquam tantæ Reginae consortium adeptus es, fili David nobilissime, ut non Ægypti panem citò pereuntem, sed panem cœli suavissimum custodires, quo aluntur corda, quærentium Deum, quærentium faciem formosissimam Dei Iacob, Ego parum foelix habitator terræ Chanaan, ubi exquisitores diuitiarum huius sæculi premuntur inopia panis, desiderio panis, quem asseruas magnopere incensus supplex, per literas, te veneraturus accedo. Fama enim latissimi nominis tui, & Principatus, in quo, non Pharaon, sed optabilissimus dilectionis Deus, constituit te in vniuer-



los fines terræ, perlata est: eò quòd ille, cuius sonus in omnem terram exiit, custodis quoquè sui nomen produxit à solis ortu vsque ad occasum; vt ab vniuersis cordibus laudareris, & populi omnes coram te genua flecterent, non metu potentia, sed tenerri- mi cordis tui amore purissimo: Sic quippe honorabitur, quemcunquè Rex æternus voluerit honorare.

Delaturus ergo tibi, vigilantissime, custos thesaurorum Dei, honorem, & amorem, quem purpura ardentissi- mæ charitatis tuæ suo iure deposcit; mitto tibi epistolam hanc, vultus tui iucundissimi desiderijs plenam, & fa- tigati cordis mei secretariam. Credo enim te, misericordia prægnantis spon- sæ tuæ mores didicisse; vt sicut illa, mater, ita tu sis pater misericordiæ fi- delissimæ, quam requirunt, & expe- ctant diligenter te. Mallem ego certè, ò purissime decor domus Dei, & fi-

dis-

diſſime promotor ſalutis mee, toti cœ-  
 lo gratiſſima præſentia tua, qua laſſi  
 recreantur, per horam ſaltem vnā,  
 in hac valle frui; quā ad abſentem  
 ſuſpiria deſtinare. Illa quippe hora,  
 expediretur lingua mea, ſicut calamus  
 ſcribæ velociter ſcribentis: & effunde-  
 rem coram te animam meam ſatagen-  
 tem, & à tauris pinguibus obſcſam:  
 & offerrem tibi, mitiſſime tutor cordis  
 mei, ſenſus meos abeuntes abſque  
 fortitudine ante faciem tribulantis: vt  
 reduceres illos ex Ægypto in terram  
 Iudæ, interfectis ijs, qui quærunt ani-  
 mam meam. Reuerterentur illi, te  
 dulciſſimo ductore ſuo, è Babylone  
 redempti à captiuitate ſua, & ingrede-  
 rentur hilares per patentis portas de-  
 ſideratæ Hieruſalem, quam futuram  
 inquirō.

E captiuitate igitur mea, innumeris  
 gemitibus, quos producit egeſtas, cla-  
 mo ad te, ò potentiſſime, qui ſedes

cum

cum Principibus, & folium gloriæ tenes; vt ex magnitudine amoris, quo tuum cor in fornace decoræ nimis sponsæ tuæ liquefactum est, eisdem oculis, quibus illa intuetur afflictos, aspicias me: & feras patienter, mollia valde præcordia tua clamoribus meis elatis commoueri.

Hanc enim spem reposui in sinu meo: ne tria corda super omnem opulentiam, voluptatem, & honorem amabilia, ad meum desiderium flectere possent, si te semel sincero affectu cordi meo conciliauero. Suauissima enim, simulquæ fortissima dilectionis catena, sponsæ tuæ speciosissimæ, ac filio eius supra cœlos splendidissimo, anima tua colligata est, & ex tribus effectum est cor vnum, & anima vna; vt necesse sit, qui furatur te, spontanea amoris rapina, tria sole pulchriora, niue candidiora, & rubicundiora ebore antiquo, simul corda furari. Hoc vno

potissimum trahor desiderio; ut recte mihi dictum videatur, quod sapientes etiam huius sæculi, licet minus sapienter crediderunt (Tria sunt omnia:) omnia enim bona honesta, utilia, & delectabilia, tribus his cordibus inclusa contemplor: & quam arte illa mihi mutuo dari possint, conor meditari.

Propter hoc diu optavi inuenire gratiam coram te, o diues valde Præposite familie Dei, cui commissum esse videtur, ut des in tempore tritici mensuram, mensuram inquam bonam, & confertam, & coagitatam: dignam certè, quæ in sinu cordis recondatur, ut pane cœli cor alatur, & viuat. Tecum ergo paratus sum pactum inire, & quicquid postulaueris, dummodo viscera tua sentiam mihi propitia, libenter dabo. Effundam tibi, o singulare nimis cordis mei refrigerium, omnes mundi diuitias, quas despicio, si excites in præcordijs meis amorem.

torius domus tuę, agente filio sponse  
tuę dilectissimo. Doce, obsecro, me  
tu, qui sub eodem tecto habitasti cum  
sapientia, & hausisti aquas in gaudio  
de fontibus Salvatoris: Qui dulcissi-  
ma salutis mee secreta apud filium  
sponse tuę condita, & in thesauris eius  
signata, cognouisti: doce me, motus,  
& bonitatem, & disciplinam, & scien-  
tiam cordis tui; vt attracta tibi adhe-  
rescat anima mea: & eris mihi clarissi-  
ma super stellas lux oculorum meo-  
rum, & grande fomentum amoris  
mei.

Liceat, precor, ò mansuetissime  
Rector, & Pastor amantissime gregis,  
in quo est niue candidior Agnus Dei,  
liceat interrogare te; vt discam secre-  
ta domus tuę. Nec mihi exprobrare  
velis curiositatem, velut alienę domus  
scrutatori; sed pascere amoris flam-  
mam vehementem, que ob decorem  
domus tuę vrget me: Si fortè, rerum

tua -



tuarum conscius, admittar in tuum  
famulatum, & igne sempiterno, quo  
flagrat tota domus, ego quoquē foelici-  
ter vrar.

Dic, oro te, sponse foelicissime  
Reginæ Hierusalem, cuius aspectu sol  
quoquē tenebrescit. Indica mihi,  
quibus moribus letitię, & quo sensu ca-  
stissimæ voluptatis cor tuum gestiebat,  
& affluebat; quando virgo illa dulcissi-  
ma, & tenerrima, tibi nutu diuino  
despondebatur. Etenim (vt credo)  
coeli distillauerunt à facie Dei Sinai, à  
facie Dei Israel, & pluuiam voluntariam  
segregauit Deus hæreditati suæ. O  
sponse desideratissime animæ meæ  
(cui parcat, obsecro, Regina coeli,  
quod cum illa sponsum velit habere  
communem) O dilectionis fornax ar-  
dentissima: Quis mihi det, vt experi-  
mento discam, & patiar, motus illos  
ineffabiles, & consumar illis flammis  
vehementibus? Quis mihi det con-

for-

fortium fœderis illius, quod stabilivit  
incendium charitatis?

O anima charitatis iaculo vulnerata,  
quibus affectibus commota es, quan-  
do vidisti verecundissimam, & mundi  
totius desiderijs expectatissimam  
Virginem illam, cuius præsentiam  
coëlicupiebant, & corde, & corpore  
tibi subiectam tradi, & amore castis-  
simo fociari tibi? Quomodo non ex-  
halasti animam in illo pacto nuptiali,  
virteius electissime, effectus possessor  
tantæ pulchritudinis? Nunquid, sicut  
adamantem posuit te Deus illius fœ-  
deris auctor, ne fortè præ lætitiæ ma-  
gnitudine corde dilatato morereris?  
Quid est hoc? Doce, precor, doce  
me, quomodo ferre potuisti vim sub-  
tilis charitatis, qua, velut gladio anci-  
piti, vulneravit te usque ad mortem,  
omni decore formosior sponfa tua.  
Quando scilicet tu, auro pretiosior pi-  
gnus æternæ hæreditatis meæ, sensisti

visceribus sponsæ arctissimè adstringi,  
 & diuinæ delectationis aquam, ossium  
 tuorum medullas penetrare. Altum  
 est valde secretum hoc, volucres quo-  
 què coeli latet. Ego existimabam,  
 vt aliqua ex parte cognoscerem hoc:  
 sed labor est ante me, donec intrem  
 in sanctuarium Dei, & intelligam in no-  
 uissimis eius.

At propter hanc cœlestem, ac igno-  
 tam mihi dignitatem charitatis tuæ su-  
 spiciam, & amabo te, & laqueo suauis-  
 simo amoris tui, suspensa pende-  
 bit à te anima mea: non sicut Absalon  
 è quercu; sed sicut Regina Saba, quæ  
 contemplata Salomonis domum, ob-  
 stupuit, & non remansit in ea halitus  
 propter rerum magnitudinem. Sed  
 quanta est hæc magnitudo, qua cor  
 Reginae sapientis suspensum est, o ex-  
 celsæ nimis Paterfamilias Regibus al-  
 tior, in cuius familia numeratur Deus,  
 quanta est hæc magnitudo, o lumen

illu-

illustrissimum cordis mei, si cum domus tuæ magnitudine comparetur? Quodd si perspicacibus oculis animæ tuæ, paradysum amenissimum Dei manu confectum, & ad delicias eius, ac matris eius comparatum, intueri mihi detur; suspendar ego proculdubio captus decore tuo, & incōposita videbitur mihi Salomonis aula, & omnis Regum, ac Imperatorum apparatus vilis apparebit. O pacatissima statio animæ meæ, quæ instar navis multis procellis agitur, introduce me ad sinus & latebras cordis tui; vt fructu pulchro visu, & ad vescendum suavi, nec prohibito vescar: & inueniet ibi amor meus arborem vitæ, ac scientiæ, quam requirit, nouum etiam Adam, & Heuæ instauratricem. Viror paradisi huius trahit me, & spem foelicitatis generat in corde meo. Sed hei mihi, quia mitissimus Deus viscerum meorum, vt erudiret me, collocavit ante para-

O

di-

disui Cherubim , & flammeum gladium , atque versatilem . Sed tu pacis conciliator amantissime , fac vt gladius confletur in vomerem , & aperfatur via ligni vitæ , cuius desiderio totus inflammor : & eris mihi quasi fereniffima coeli facies , postquam nubila tranfierunt , & quasi aquæ limpidiffimæ riuus niue frigidior , quando calor æftatis vexat me .

Sed exoritur mihi affectio , desiderium fcilicet , rogandi te , ad augendum amorem meum pafcu cordis tui , quo viuet increffatus , impinguatus , dilatatus , nec recalcitrabit ; fed obfequio finceriffimo fuccumbet tibi . Dic , obsecro , dulcedo vitæ meæ , quæ deles mundi amaritudinem , vt fapientia refponfi tui , ficut adipe , & pinguedine repleatur anima mea ; qualis fuit fenfus cordis tui , in agone illo , quando vidifti , & confiderafti fponfam tuam , prægnantem , & expertem confortij

tui?



tui? Quantus dolor, & quam vehemens inuasit te, & vulnere dirissimo sauciauit? Quò abiit illa pulchritudo pacis, in qua sedebas? Quis mihi det, vt repurgatis mentis oculis, aspiciam, anxium amorem erga sponsam tuam, & mille cogitationum telis vulneratum, quem dulcissimus Deus ad ostensionem iustitiæ tuæ, inebriauit absinthio? O si mihi licuisset, animam tuam strictissime amplecti, & animæ meæ vinculo amoris alligare, quando eum esses iustus, & nolles eam traducere, cogitabas occultè dimittere eam. O purissime candor, quid est hoc? Aded ne iustus eras, vt de columba illa tua, amica tua, formosa tua, & immaculata tua, ne suspicari quidem posses adukerium? Certè gratissimum solatium meum, illius innocentiam, quam Seraphim admirabantur, tam perfectè cognoueras, & amaueras, vt credibilius videretur

tibi , virginem sine viri consortio possi  
 concipere , quàm peccare Mariam .  
 O fidelissimum cor , ô sanctissima ani  
 ma , ô Ioseph salutare nimis medica  
 mentum , & firmamentum cordis  
 mei ! Propter hoc diligam te , & ape  
 riam tibi latebras animæ meæ : Et  
 hoc patrimonium , & thesaurum  
 meum seruabo per singulos dies vitæ  
 meæ , & similis ero ijs , qui purgatum  
 septuplum , & in amoris igne examina  
 tum argentum thesaurizant .

Sed si tantus amor innocentissimæ  
 sponsæ cepit te , clarissime splendor ,  
 qui depellis tenebras meas , quomodò  
 cogitabas occultè dimittere eam ?  
 Nonne melius erat occultè retinere  
 eam , cuius desiderio ipse suauissimus  
 amoris Deus conflagrauit ? Quale  
 consilium eligere cogitabas ? Quis ob  
 secro , qui possederit tam insignem  
 pulchritudinem , illam patietur abire ?  
 Miror planè hoc , & videre mihi videor

iustitiam cum amore certantem, & luctantem in fatigato corde tuo. O lucta difficilis valde, quæ dilanias viscera amabilissimi Tutoris mei, sub cuius umbra sedet, ac desiderat anima mea! O crudele spectaculum! ò inuictissime certator, cuius animam etsi persecutoris gladius non abstulit; martyrij tamen palmam, in hoc mortis agone, non amisit. Propter agonem hunc, ò firmissima spes mea; & exultatio cordis mei, trado tibi præcordia mea, tecum æuo sempiterno permansura. Imprime mihi, rogo te manu formosa filij sponsæ tuæ motum, & sensum agonis huius, & agnoscam diuitias cordis tui.

At interea, dum contemplor te in lucta lassum, & dormientem præ tristitia; succrescit mihi desiderium explorandi motus animæ tuæ, sub mœroris magnitudine iacentis, & repentino monitu Angeli, vires resumentis. Lux

coelestis, & valdè noua tibi orta est, quando de coniugis tuæ fidelissimæ innocentia, cœlo teste, certior factus es. Tunc aperti sunt oculi caligine obducti. Tunc lingua, quæ præ dolore obmutuerat, soluta est. Tunc salix sicut ceruus claudus: quia os Domini locutum est. Tunc anima gaudio magno valdè dilatata est. Tunc iustitia, & pax osculatae sunt, & veritas de intactæ Virginis terra orta est. Tunc relaxato corde, filius verè accrescens Ioseph, Tunc mellisui facti sunt cœlis ut descenderet ros lætitiæ super caput Ioseph, & super verticem Nazaræi. Sed quò fertur lingua mea præceps, ausa ingredi in sanctuarium, quod firmauerunt manus Dei? Quis cognouit sensum cordis tui, aut quis consiliarius, vel à secretis eius fuit?

Dum abyssum diuinæ voluptatis, qua perfusus es, considero, dulcissimæ consolator animæ meæ; non tam scri-



pturam, quàm silentium, & cordis expansionem concupisco. Ecce quasi malum punicum, dirupto cortice, tibi cor meum aperitur, vt capiat exundantis lætitiæ tuæ riuum aliquem, quo reficiat in hac exilij solitudine.

O gratia inter omnes orientales valdè diues, quàm læto vultu, quàm gratis oculis, innoxiam coniugem tuam aspexisti, & quàm fidenter amasti! Quàm dulces amoris lacrymas effudisti, recogitans te illam dimittere cogitasse! Quis mihi det amoris huius, vel vnā guttam, super purissimum balsamum pretiosam: & omnes mundi voluptates, ac diuitias aspernabor. Aperti sunt fontes abyssi magnæ, & cataractæ cœli ruptæ sunt, & præualuit amoris diluuium, quo foeliciter immersus es, vt nullum deinceps iam securus, faceres amandi modum; sed super omnes difficultatum, & laborum montes, aqua viua tolleretur. Pro-



pter hoc amabo te, & sydus meum, fulgentissimum: & vexata fiti, desiderabit te anima mea; ut bibat aquam, è paradiso voluptatis tuæ, quæ irrigat omnem terram.

At ulterius fertur desiderium meum, quod assumit pennas suas diluculo; ut velit ad nidum cordis tui, & videat, & lætetur, propter inuentum ibi bonum, sicut lætari solet, qui inuenit spolia multa. Rescribe mihi, oro te magister suauissime, qui prudentiam iustorum docere soles, qua sedulitate custodisti horreum tritici electi tui, prægnantem, scilicet sponsam tuam; postquam non ex virili semine, sed mystico spiramine grauidam agnouisti. Veinam liceret mihi penetrare in claustra animæ tuæ super gregem tuum excubantis, & vigilias noctis custodientis. O quot lampades ignis, atque flammarum urebant te; ne permitteres oculis tuis requiem, & palpebris tuis dormita-

tionem! Sollicitudo cordis excitabat te, & furtim capiebas somnos intercisos, quos auctus amoris gladius intersecabat. O si mihi dedisses, ut tecum sollicitus vigilarem super arca foederis Domini, & super Man, quod ibi latebat! Pro somnis intercisus despexissem molles Regum lectos, & pro vigilia, omnem mundi requiem abiurasissem.

Sed nunc, ne nimis langueat anima mea, fac me, o Princeps serenissime, participem sollicitudinis tuæ, quam producit amor. Infer mihi stimulos amoris, ut fortis emulatio pungat me, ad imaginem, & optatam valde similitudinem amantissimi cordis tui: Et eructabunt labia mea hymnum, ad proportionem dilectionis tuæ. In peritia, quam docueris me, requiram modos musicos, & in psalterio deca-chordo psallam filio sponsæ tuæ. Sed & in silentio noctis, tui memor ero, &

in-

inter negotiorum tumultus non obliuiscartui. Iura tua tibi reddet fidelis amor, quem beneficentia tua generabit.

Verum, rem vnam posco è secretis tuis; vt amore tuo cor meum vehementius accendatur: desidero enim, ardentissimè amare te, & inter clientes tuos numerari. Et quidem certo credo, te amandi artem ineffabiliter didicisse; ita vt possis rudes animas erudire, & ardoribus immensis inflammare.

Quibus, oro te, affectibus estuabat cor tuum amandi peritissimum, quando cum coniuge tua speciosissima, iam parui proxima, proficiscebais in dulcissimam Ciuitatem Bethlehem, vbi iustitię sol erat nasciturus? Qualis anxietas comprimebat te, ob temporis, & itineris incommoda, quę duo illa, coeli luminaria magna, filius, & mater eius patiebantur? Quot sagittis con-

fixa

fixa sunt viscera tua propter cruaeles  
repullas ab hospitij? Minum est val-  
de, quomodo tam acerbus dolor, qui  
creuit ad mensuram amoris, non su-  
stulit animam tuam, quam pertransi-  
uit gladius. Utinam, o dulcissimum  
refugium meum, imprimeretur sensus  
ille tuus precordijs meis: & ingrede-  
reris sic anxius in abditissimos recessus,  
& interiora mea, ut ebiberent spiritum  
tuum, cuius amaritudo melle dulcior  
mihi videretur. Expectarem ego in  
comitatu tuo, cito superuenturas deli-  
cias Dei, quales in ortu Regis Hieru-  
salem, ciuis Bethlehem, filij sponse tue  
percepisti. Imber abiit, & recessit,  
& ver nouum, in corde tuo amore  
vulnerato, apparuit, oriente sole ab  
sponsa tua.

Quis mihi deo, vultu gratissimo  
aspectu tuo, & voce, iuxta coeli con-  
centum suauissima, loquaris mecum,  
& fiam, consors illius exultationis, que

exundauit, & obruit viscera tua. Si dignaris visitare me, ad tui sensum immittere cordi meo; desiderij, & amoris brachijs adstringam te mihi: & orabo, & tenebo te, & habeo, donec larga benedictione soleris ossa mea. Et ero diues presentia tua, & victorias multas comparabo. Dabit mihi Dominus, te volente, regiones gentium, & labores populorum possidebo. Subiugabo rebelles mihi passiones, & hostes me persequentēs procul arcebo. Vnus ego persequar mille, & tecum fugabo decem millia. Et eris mihi virtus, & fortitudo mea. Tu vnus ex fortissimis Israel. Non timebo certē mala, nec bona quantumuis magna desperabo, si mecum es.

Noui enim quā sit magna celsitudo tua, & quā sis potēns, & gloriosus inter primos celestis curiæ Principes. Immo, quid obstupeſcunt Angelorum chori affectu dulcissimi amoris, ac re-



uerentia honorantes te, mihi inter  
mortales, & exules laboranti notum  
est: Te scilicet, tuum Principatum  
prouexisse usque ad suauissimum cor  
ipsum Dei; ut ibi iure singulari regnes  
inter uniuersas creaturas. Pater quip-  
pe æternus, te sui nominis consortem  
admisit: ut eius unigeniti Pater dice-  
reris. Filius tibi, quasi Patri obtem-  
perauit. Spiritus sanctus sponsæ tuæ  
sponsus, multas tibi coniugalis pacti  
functiones tribuens, unam fecundan-  
di sponsam tuam formosissimam  
sibi actionem assumpsit; ut eius esses  
consors, in utriusque desponsa Virgine  
purissima. Si in cœlorum fastigium  
ascendero, & uniuersorum beatorum  
sedes perlustrauero; quem inueniam  
vel hominum, vel Angelorum, cui  
honorem tantum detulerit Deus. Pro-  
pter hoc, Princeps excelsè nimis, & po-  
tentissime defensor quærentium te,  
fac ut cœli gaudia prælibem, & dulco-

re tuo imple me; vt ad æterna bona  
totus feras, quasi vehiculo adiutorij  
tui.

10 Porrige mihi manum dexteram  
tuam, & vre me igne illo, quo ardisti,  
erga decoram valde sponfam tuam,  
& amabilissimum filium meum. Facile  
quippe tibi erit corda etiam lapidea  
tuo tactu emollire, & captiuitatem  
Sionis ope tua conuertere; ita vt re-  
pleatur os meum gaudio, & lingua  
mea exultatione. Ecce tibi subijcio  
cor meum; vt amoris imperio regas  
illud, & pascas Regum epulis, quibus  
abundant cellaria tua.

Sed quò fertur anima mea, quæ co-  
epit recensere laudes tuas? Siue te re-  
gnantem aspiciat, siue in terris labo-  
rantem; cupit certè placere tibi, ob-  
eam, quam expectat à te, boni magni-  
tudinem. Sed reuertor ad te, dulcissi-  
me Comes peregrinationis Dei, qui  
in terra aduenas, & colonus factus est.

ut contempler actus, quos admiro,  
qui tanquam stellæ, lucent in firma-  
mento vitæ tuæ. Utinam, ò pingue  
nutrimentum spei meæ, dedisses mihi,  
ut quasi pedester famulus comitarer  
te, quando peregrinaberis in Ægy-  
ptum, ut tecum operaretur Deus ter-  
ribilia simul, & amabilia in terra  
Cham. O peregrinatio optabilissima,  
ò fuga super omnem patriæ requiem,  
& habitationem dilectissimam, ò ductor  
itineris fidelissime! Quis mihi det,  
ut sequar te desideriorum, quasi ceruo-  
rum pedibus, & impellar impulsibus  
cordis tui. Amor immensus, & more  
olei ebullientis projiciens se super se,  
pulsat te, super tenerrudine pulchræ  
nimis sponsæ tuæ, ac filij eius prius fu-  
gientis, quàm loquentis. Amor hic  
tuus urgeat me, & exurat mēdullas  
meas. Loquere, obsecro, & aperi mi-  
hi ignita præcordia tua, & emollies,  
ac vulnerabis me iaculis charitatis

tuæ.

tuę . Erunt certè molliti sermones tu  
super oleum, & ipsi erunt mihi iacula.

O quoties, fidelissime vir Regina  
Hierusalem ornatę vestitu deaurato  
quoties siue in itinere, siue in hospitio  
siue in natali domo sponse tuę, for-  
mosiorem cœlo filium eius accepisti  
in vlnas tuas, & adstringens illum  
pectori tuo fixienti, oscula multa im-  
pressisti ei ! Oscula certè labijs impri-  
mebas, & mille desiderijs estuabas, &  
spiritum vitalem hauriebas, quo nih  
delectabilius estimari poterat . De  
ore quippe prudentis procedebat mel  
& dulcedo mellis erat sub lingua eius  
fauus distillans labia eius . At, hei mi-  
hi, qui à dulcore tanto procul fio . D  
mihi oro te, vt semel saltem fruar dul-  
cedine filij sponse tuę, amore potiù  
ductus, quàm reuerentia . Et flagrans  
desiderijs diuinę pulchritudinis, quan-  
exquiro, & prædabor mihi prædam  
eius, qui appellabatur filius tuus, quan

custodiam in eternum. Tu certè, quantum capio, habes clauem Dauid, clauem scilicet cordis eius: & aperire vales, quando tibi placet, & introducere languidos, & elisos ad ardorem, sempiternum; vt erigantur, & conualescant in dulcissimis simul, & fortissimis flammis eius, à cuius facie montes, sicut cera fluxerunt.

Verum, vt inueniam, quam cupiui gratiam apud te, ò arx tutissima cordis mei, opto comitari te longis itineribus, quæ cogitauit amor. Opto certè, sed ingens labor est, hominem oneratum, qui emit, non vnum, sed quinque iuga bouum, sequi te, qui sine mundi onere, imitatus filium sponsæ tuæ, exultasti sicut gigas ad currendam viam. Si vis, ò magna pars charæ nimis libertatis meæ, ad quam grauatus ingemisco, depellere à cervicibus meis pondera mea grauissima, curram desiderio, & imitatione post te, cuius



amore trahitur anima mea. At cum  
 multas vias, quas pertransisti perle-  
 qui scribendo non valeam claudus  
 ex utero matris mee; vnam conabor  
 percurrere, in dulcoris plena, & anxia  
 societate tua, & purissime sponse dile-  
 ctionis tue. Quis mihi det, ut fia-  
 m particeps illius sensus, quem genuit  
 amor, quem cor tuum in triduo filij  
 amissi tulit? Vox certè deficiet me,  
 aquam ex alto puteo habere cupien-  
 tem, ac sine sensu loquentem. Elan-  
 guit anima tua, & magnitudine dolo-  
 ris, & amoris egrotans, quasi mole  
 magna oppressa est. Quis reuoluet mi-  
 hi molem hanc ab ostio cordis tui, ut  
 ingrediar, & videam; & pascatur, ac  
 delectetur in crassitudine anima mea.  
 Bonum erit mihi, pastum ibi reperire,  
 & comedere farinæ medullam, & san-  
 guinem vire hibernæ meracissimum.  
 Comedam id, pro quo non laboravi,  
 & alar ex transacto labore, ac presenti

Ieti-

letitia tua. Tu enim in hoc mihi etiam laborasti, triduo non videns dilectum tuum. Sed pro eo quod laboravit afflicta valde anima tua non videns, nunc videt, ac videbit semen longevum, quod regnabit in eternum, & ultra.

Non audeo tridui itinera scribendo percurrere: quia nescio amoris, ac doloris tui magnitudinem ponderare. Melius mihi est, itinera hec amare, quam intelligere. Melius mihi est ad illa toto corde perenniter aspirare, ut discam flere sine testibus absentiam pulcherrimi sponsi anime mee, cuius presentia nihil est pretiosius. Sed ut amem, fac obsecro, o misericordissime, ut sumat Dominus de spiritu tuo, & mihi conferat. Et eris fomes amoris mei, ac ex abundantia cordis annuntiabo in Sion nomen tuum, & laudem tuam in Hierusalem.

Sed ex itinere cupio reverti domum, & contemplari te, non labo-

rantem, sed quiescentem, ac silentem in medio domus tuę, vbi Deus amore diues propitia semper oracula reddebat: Si fortè respondeat mihi Dominus, & propitietur sanente mihi sponso matris suę, cuius vota semper fuerunt acceptissima ei, in medio dulcissime Ciuitatis Hierusalem. Rogo te, gratia potentissime, & diuinarum affectionum consultissime, quoties in medio domus tuę sedisti tacitus, admiratus sapientiam, & decorem filij intemeratę sponse tuę? Quoties amoris magnitudo, ab exercitio sensuum alienauit te; cum videres Verbum caro factum, tecum sub eodem tecto conuersari? Quoties in meditatione tua, exarsit ignis, & eleuasti te super te? Bonum esset mihi sedere tecum in angulo domus tuę, ad prudentiam addiscendam in silentio. O silentium cœli rore suauissimo fecundum, quando discam te? O silentium in quo lo-

qui-

quitur amantissimis Deus, & multis blandimentis corda solatur, quis mihi det, ut obseruem te, & contemnam omnem mundi eloquentiam, & linguas sine sensu mendacissimas. Doce me, oro te, Preceptor optatissime, quo pacto fiam mutus, & sedeam taciturnus in recessu meo, & fac me consortem silentij tui, ut sentiam castissimas cordis tui delicias, & suspensis audiam, quid loquatur in me Dominus Deus meus: loquetur enim sine dubio pacem, quam quesiui.

Pacem quero, & in omnibus requiem quesiui: hostes enim mei persequuntur me. Propter quod, rogo te, affer tranquillitatem sollicito cordi meo, & amabo te. Sed que est pax mea? Que est tranquillitas mea, nisi serenissimus, & pulcherrimus, & dulcissimus filius sponse tue, cui iam dudum consecraui precordia mea? Sed & mater eius splendidissima, & super

omnes creaturas speciosissima requies mea est, cui voui viscera mea. Non enim filium sine matre requisui. Non erat quippe mihi tam bonum, hominem esse solum, quam cum adiutorio simili sibi. Hec est portio mea. Hec est foelicitas mea. Hec est requies, tranquillitas, & pax amabilissima cordis mei. Sed hinc ducit originem labor meus; quod cum hec societas sit omne refrigerium anime meae, careo omni refrigerio, quia longè disto ab ea societate. Propter hoc hostes mei facti sunt in capite, & inimici mei locupletati sunt. Ac ita egressus est ab anima mea, omnis decor eius; & recordatur Hierusalem, dierum afflictionis suae, & preuaricationis omnium desiderabilium suorum, quae habuit à diebus antiquis.

Nunc populus meus videtur cadere in manu hostili, & anima mea deposita est vehementer, non habens conso-



latorem. Quapropter, oro te, (ne tu  
etiam sis mihi formidini) ingredi  
semel ad cor vnum sponse tuæ, ac filij  
eius, quorum desiderium penetrauit  
animam meam, & quorum repulsa  
consumit me, vt ineam fœdus amoris  
perpetui cum corde illo, & fruor ali-  
quando consortio eius. Dabo certè  
pro fœdere hoc omnem substantiam  
domus meæ, & pro eo quasi nihilum  
despiciam illam. Non posco sangui-  
nem inimicorum meorum, non diui-  
tias multas, sed pactum, quo domine-  
tur cordi meo, cor illud vnum, quod  
inquiero. Non secundum pactum,  
quod pepigit fortissimus Deus cum  
populo illo, cuius manum apprehendit  
vt educeret illum ex Ægypto; sed pa-  
ctum, quo det legem amoris sui in  
visceribus meis, & in corde meo scri-  
bat illam. Offer igitur, dilecte valde  
assertor deiecte animæ meæ, offer filio  
ac matri, apud quos gratia vales, hæc

importuna desideria , & suspiria mea .  
 Porrige meo nomine , tot supplices li-  
 bellos , quot gemitus emitto : si fortè  
 Rex , & Regina Hierusalem donent mi-  
 hi iura Ciuitatis sanctę , & exilium  
 ciuitate permutent . Et propter do-  
 mum Domini Dei nostri , ad quam  
 admittar ; exultabit certè spiritus meus  
 in Deo salutari meo . Et ex hoc die  
 cor , & caro mea requiescent in spe :  
 & pro dulcissima misericordia , quam  
 expecto , animam meam non imagine  
 pictam , sed eandem , qua vivo , catenis  
 dilectionis appensam , ex voto suspen-  
 dam e portis Sion , ad quam suspiro ,  
 propter infinitam Regis , ac Reginaę  
 pulchritudinem .

Vt verò tu , o tutissimum asylum  
 meum , ac fidelissime expeditor nego-  
 riorum salutis meę , sis mihi propitius  
 & patiaris me in abscondito viscerum  
 tuorum habitare , ita ut claudat à fori  
 ostium Dominus , ne tempestas de

mer-

mergat me; ineamus fœdus dilectionis, quam cupiunt præcordia mea. Dilige me, oro te, & gere curam mei; vt solet mater curam gerere filio, quem suis lactat vberibus. Solare me deiectum, & visita me. Trado tibi clauēs cordis mei, vt pro libito ingrediariſ. Sed, precor, ne differas tempus. Ingredere cito, & obseruabo ego ingressum tuum, vt mecum moreris in æternum. Tunc excitabitur cor meum, & resurget à tenebris, & umbra mortis, & lætabitur propinquitate, ac tactu Nutriti sui. Quia etiam, & caro humiliata reuiuſcet, & exultabit, & iubilabit in neomenia sua, in insigni, scilicet, die solemnitatis suæ; more populi, qui ludebat in organis carminum Domini, quæ fecit Dauid Rex ad laudandum Dominum: quoniam bonus, quoniam in sæculum misericordia, & super mel dulcissima dilectio eius.

Hæc

H.

Hæc bona pariet mihi, quam posco, atquè reposito visitatio tua, ò super nivem candidissime, & amore foecundissime. Ut ergo me visites, sæpius precor, dilige me: & ego ex pacto, subijcio tibi animam, & corpus meum, potentias, & sensus omnes meos, cogitationes, verba, & opera mea, quibus imprimatur character Ioseph, & imago perfectissima, & contra fascinationes potentissima, dilectissimi Tutoris, & amici mei. Sic quocunq; iero, tuus ero & notatus signo amoris tui, signo inquã suavissime libertatis, ex toto corde meo tibi serviam, & curam geram dilectionis tuæ. Et ne sim auctor divisionis, quam non amat domus tua, tria corda velut unum colam, & amabo, & investigabo omnibus diebus vitæ meæ: cor videlicet tuum, strictissime vultum cordi sponsæ tuæ, ac filij eius, electissimi, & quoties respirabo, toties trino cordi me cum cogitatio-

nibus, verbis, & operibus meis denouebo. Sic statuo fœdus hoc salutare nimis, & pactum firmo sine fine.


Quia verò scriptio finem habet, & dilectio non habet finem, quæ generat desideria tanquam scintillas ab igne, dissultantes sine fine; Epistolæ huic, quæ pro corde meo legatione fungitur, finem lassus impono. At, vt spero, amor, & desiderium tui, ô dulcissime Ioseph, iucundissima lux oculorum meorum, & amabilissimum solatium meum, non habebunt finem. Quæram enim te per noctes, atque dies: solus, & in comitatu, requiram te. Non cessabunt à suspirijs ossa mea, donec absoluto mortalitatis cursu videam te. Sic inter suspiria cesso; vt collectis ad interiora viribus, magnissimi Ioseph desideria foeliciter crescant in silentio.

obstantiam amorem O onob



CLARISSIMÆ VIRGINI  
**B. TERESIÆ A IESV**  
**CARMELIT. DISCALC.**  
**FVNDATRICI,**

Quidam eius filius S.



*Pistola hæc nihil aliud  
 est, quam meditatio  
 diuinarum affectio-  
 num, quas passa fuit  
 B. Virgo Teresia: & petitio sue  
 erga Sponsum intercessionis, pro  
 dano Orationis impetrando.*

**N**obilissima mundi contemptra,  
 & dulcissima Virgo, suavissimi  
 sponſi tui munere effecta sapiens, &  
 vna de numero prudentum: mirum  
 eſt, quomodo tam degener filius, ſe-  
 dens ſuper flumina Babylonis, dum  
 organa lætitiæ è ſalicibus pendent, &  
 Chaldæorum exilio audeo tibi Hiero-  
 ſolymitanæ ciui literas mittere, non  
 tam atramento, & calamo, quàm  
 deſiderij ſtylo celeriter exaratas. Mi-  
 retur ſanè mundus coeleſtis urbanitatis  
 ignarus, in cuius conſilium non veniat  
 anima mea, quia nō cognouit in ſapie-  
 tia Deum, quaſi circa coeli cardines am-  
 bulet, nec noſtra conſideret; ac ſi à con-  
 ſortio noſtro Deus eſſet ex ipſedus, nec  
 eſſet ei nobiſcum conuerſatio. Certe  
 mihi non placet conſiliū hoc, ſed melle  
 dulcius conſilium Dei, qui facit omnia  
 ſecundum conſilium voluntatis ſuæ,  
 qua dilexit me. Quapropter contem-  
 platus ego, voluntatem tuam eo ſerri,

B. T.

C.



B. V.

erga

dano

338 R. P. F. Io. à Iesu M.

quod scitur voluntas sponsi tui, video  
 mihi pulcherrima Virgo, posse tecum  
 iunctius agere, & epistolam hanc  
 affectibus zelum, & votorum  
 pennas ad coelos elatam, non fore  
 inpropterea inuendam, propter cor  
 humanissimum sperare. At ve-  
 ro, sicut plenus sum sermonibus, & coar-  
 ctet me spiritus veri mei (non sicut  
 Eliu facundie ostentatorem), sed sicut  
 praeconem gratiae tuae fidelissimum  
 in vestibulo throni domus tuae, ante-  
 quam ingrediar, obstopeſco magis sa-  
 tis, quam si in comitatu Reginae Sa-  
 beorum, Salomonis aulam inspecta-  
 rem. Postquam enim introduxit te  
 formosus valde Hierosolymorum  
 Rex in cellaria sua, & nardus arden-  
 tissimus amoris exhalavit odorem  
 suum in accubitu tuo; non solum  
 capior ineffabili pulchritudine tua, o  
 filia Sion venustissima; sed veneror  
 celsitudinem gloriae, quae dimanat, e

pu-

purissimo complexu sponsi tui: & admiror te, quasi nouam Hierusalem ornata[m] viro tuo.

Ab ornatu ergo tanto placet auspicari sermonem, & habenas laxare cordi meo cupidissimo gratiæ tuæ, quam coelis intulisti, & qua corda multa conciliasti tibi. Inuictissima quippe fortitudine excelsi cordis tui, in cuius centro sedet vir ille tuus, manum tuam misisti ad fortia: & in Ecclesiæ acie diuinitus ordinata, agmen quoddam candidatum condidisti, quasi mulier fortis, quam procul, & de ultimis finibus, magno pretio, diues amore Deus exquisiuit. Et quia virilem magnitudinem sponso tui ornatu tactuque traxisti, confidit in te cor viri tui, & familiæ suæ præfecit te; ut militum sit, te multorum virorum caput esse, cum sit caput mulieris viri. Nouum sane fecit Dominus super terram; ut arcano modo femina circum-

da-

daret virum: vt scilicet amplexu *stri-*  
*ctissimo*, visceribus tuis apprimeres  
sponsum tuum, è throno, quem posuit  
in te, multa mira patraturum. Hæc  
est dulcissima gratia, & decor omnis  
tuus. Hæc lux Sole clarior, quæ ini-  
cat è penetrali cordis tui, cui præsidet  
optatissimus Deus, & amicus tuus.  
Hæc suauissima pulchritudo tua, non  
mollis, & soluta, qualem Moabitides,  
& Sidoniæ tam ardentèr inquirunt,  
quæ certissimè auertunt cor huma-  
num; sed quæ cœlesti maiestate plena  
corda casta demulcet, & inimicis ap-  
paret formidabilis, vt suauitatem  
firmet fortitudo. Sic quippe sponsus  
tuus formauit te ad imaginem, & simi-  
litudinem suam; vt nouo quodam  
iure, non primi, sed secundi Adæ, sis  
os ex ossibus eius, non solum caro de  
carne sua. Propter hoc, ô lumen  
illustrissimum oculorum meorum,  
desidero te, & cœlestis eloquentiæ



particeps fieri opto vehementer ; ut possim enarrare mirabilia tua , & adumbrare magnitudinem internæ pulchritudinis tuæ , solvente linguam meam , lepidissimo sponso tuo , qui surdos facit audire , & mutos loqui. Licet enim me non egeas laudatore , cum te satis laudent in portis opera tua , & nobilis coniugio vir tuus sedens cum Senatoribus terræ , glorietur forma elegantissima sponsæ suæ ; ego tamen ego iucundissimo vultu tuo , & mea , certè interest euulgare laudes gratiæ tuæ.

At , si tibi placet , tenerrima mater mea , quæ Virgineo lacte cœlesti pastu nutris filios tuos , vellem tua gesta , publica præterire , & in sancta sanctorum cordis tui , ubi sedet amantissimus Deus super Seraphim altius , quàm olim super Cherubim , penetrare . Quamvis enim laude dignissima sis , quòd feceris confusionem in domo

Regis Nabuchodonosor, & gentem electissimam condideris; mihi certè non usque adeò mira videntur hæc, cum incipio scrutari diuitias cordis tui, ubi habitat Deus Clementissimus, quem pascis ineffabili amore tuo, & ligas in funiculis charitatis tuæ. Profecto speciosissima Virgo, si (vt olim Iacob, adeptus ex lacta nomen Israel) contra Deum præualuisti, & amoris prælio illum faustè cepisti; quid mirum, si contra homines præualueris, & spolia multa diripueris, quibus locupletares domum viri tui?

Hæc ergo prætermittam: & insinua-  
bo me in secreta diuinitus affectæ ani-  
mæ tuæ.

Sed cum secreta hæc condita sint in te, & signata in thesauris sponsi tui, o splendidissima stella, quæ dirigis cursum nauigationis meæ, opus est, aperias mihi claustrum cordis tui, vt explorem opulentiam domus Dei. Et

letabor ego in paradiso voluptatis, quem plantauit, & excoluit, dulcissimus amoris Deus. Annue igitur votis meis, speciosa sicut columba mater mea: ostende mihi candorem sapientie, quam ex oro sponsi labijs tuis suauis labia imprimantis, halitumquè infundentis attraxisti. Miratus est enim mundus vniuersus sapientiam foemine vnius, arcana Dei perspicacissimè intuentis, & coelesti lepore, ac suauitate luculenter enunciantis, & ad memoriam sempiternam, velut ab ore Dei (instar exceptoris) velociter scribentis.

O Virgo diuinarum affectionum, consultissima, Hermonis rore sepe confersa, serenissimo intellectu sponsi tui pulchritudinem creberrimè contemplata, porrige formosam manum, tuam, & deterge nebulas intellectus mei caligantis in Ægypto, & adheret tibi anima mea auidissima sapien-

tię tuę. Quis mihi det huius claritatis consortium; vt tecum, ò humanissima preceptrix mea, promouear ad statum tranquillissimum intellectus in eterna spectacula directi, & admiratione suspensi. Certę, pro scintilla vna sapientię huius, omnem Ægyptiorum sapientiam aspernarer: sederem solitarius, & tacerem; quia leuarem me super me.

O quoties affulsit tibi, purissime splendor animę meę, letissimum sydus sponsi tui, & suspendit te, ac incerta & occulta sapientię suę manifestauit tibi! O excelsa nimis Sulamitis, Pacifici Regis amicissima, & ex sexaginta Reginis vna, staturam sapientię grandem adepta, vt sponso tuo cœlesti congrueres, quoties à proxima luce illius propinquantis, resplenduit facies tua sicut sol, & vestimenta tua interna facta sunt alba, sicut nix; vt in dulcissimum Deum foeliciter assumpta, cœ-

litusquē mutata transformareris à claritate in claritatem, ad imaginem eandem sponsi tui! Verūm hæc latent in gazophylacio templi Salomonis, cuius vultum desiderat vniuersa terra. Vtinam mihi liceat, inter eos, qui vescuntur voluptuosē, & nutriuntur in croceis, ingredi semel in promptuarium, hoc, ne sinar in eternum esurire: Tu certē propter gratiam nobilissimi cordis tui, cum esses varijs intenta occupationibus inuitabaris à serenissimo sponso tuo intus agente, & quasi funibus trahi videbaris tibi ad locum orationi destinatum; vt more Magdalene amicissime, & amore simillime tibi, sederes secus pedes eius, & immensa dulcedine pascereris: sedisti, & illius pingui pane saturata fuisti, qui præbere solet delicias regibus.

Quapropter, oro te, porrige mihi modicum fragmentum eius; vt crescam quasi filius matris mee. Aut



importuna desideria , & suspiria mea .  
 Porrigere meo nomine , tot supplices li-  
 bellos , quot gemitus emitto : si fortè  
 Rex , & Regina Hierusalem donec mi-  
 hi intra Ciuitatis sanctę , & exilium  
 ciuitate permutent . Et propter do-  
 mum Domini Dei nostri , ad quam  
 admittar ; exultabit certe spiritus meus  
 in Deo salutari meo . Et ex hoc die  
 cor , & caro mea requiescent in spe :  
 & pro dulcissima misericordia , quam  
 expecto , animam meam non inagine-  
 pictam , sed eandem , qua vivo , catenis  
 dilectionis appensam , ex voto suspen-  
 dam e portis Sion , ad quam suspiro ,  
 propter infinitam Regis , ac Reginaę  
 pulchritudinem .

Vt verò tu , o tutissimum asylum  
 meum , ac fidelissime expeditor nego-  
 riorum salutis meę , sis mihi propitius ,  
 & patiaris me in abscondito viscerum  
 tuorum habitare , ita ut claudat à foris  
 ostium Dominus , ne tempestas de-

negat me; ineamus fœdus dilectionis, quam cupiunt præcordia mea. Dilige me, oro te, & gere curam mei; vt solet mater curam gerere filioli, quem suis lactat vberibus. Solare me deiectum, & visita me. Trado tibi clauēs cordis mei, vt pro libito ingrediaris. Sed, præcor ne differas tempus. Ingredere citò, & obseruabo ego ingressum tuum, vt mecum moreris in æternum. Tunc excitabitur cor meum, & resurget à tenebris, & vmbra mortis, & lætabitur propinquitate, ac tactu Nutriti sui. Quia etiam & caro humiliata reuiviscet, & exultabit, & iubilabit in neomenia sua, in insigni, scilicet, die solemnitatis suæ; more populi, qui ludebat in organis carminum Domini, quæ fecit David Rex ad laudandum Dominum: quoniam bonus, quoniam in sæculum misericordia, & super mel dulcissima dilectio eius.

---

Hxc

Hæc bona pariet mihi, quam posco, atquè reposito visitatio tua, ò super niuem candidissime, & amore foecundissime. Ut ergo me visites, sæpius precor, dilige me: & ego ex pacto, subijcio tibi animam, & corpus meum, potentias, & sensus omnes meos, cogitationes, verba, & opera mea, quibus imprimatur character Ioseph, & imago perfectissima, & contra fascinationes potentissima, dilectissimi Tutoris, & amici mei. Sic quocunq; iero, tuus ero & notatus signo amoris tui, signo inquam suauissime libertatis, ex toto corde meo tibi seruiam, & curam geram dilectionis tuæ. Et ne sim auctor lisionis, quam non amat domus tua; tria corda velut vnum colam, & amabo, & investigabo omnibus diebus vitæ meæ: cor videlicet tuum, strictissime vitæ cordi sponsæ tuæ, ac filijus electissimi; & quoties respirabo, toties trino cordi me cum cogitatio-


nibus, verbis, & operibus meis deuovebo. Sic statuo fœdus hoc salutare nimis, & pactum firmo sine fine.

Quia verò scriptio finem habet, & dilectio non habet finem, quæ generat desideria tanquam centillas ab igne, dissultantes sine fine; Epistolæ huic, quæ pro corde meo legatione fungitur, finem lassus impono. At, ut spero, amor, & desiderium tui, ô dulcissime Ioseph, iucundissima lux oculorum meorum, & amabilissimum solatium meum, non habebunt finem. Quæram enim te per noctes, atque dies: solus, & in comitatu, requiram te. Non cessabunt à suspirijs ossa mea, donec absoluto mortalitatis cursu videam te. Sic inter suspiria cesso; ut collectis ad interiora viribus, inanimis Ioseph desideria fœlicitis crescant in silentio.

. obanresqui amouit O onob

CLARISSIMÆ VIRGINI  
 B. TERESIÆ A IESV  
 CARMELIT. DISCALC.  
 FVNDATRICI,

Quidam eius filius S.



*Pistola hæc nihil aliud  
 est, quam meditatio  
 diuinarum affectio-  
 num, quas passa fuit  
 B. Virgo Terefia: & petitio sue  
 erga Sponsum intercessionis, pro  
 dono Orationis impetrando.*



**N** Obilissima mundi contemptrix,  
 & dulcissima Virgo, suauissimi  
 sponsi tui munere effecta sapiens, &  
 vna de numero prudentum: mirum  
 est, quomodo tam degener filius, se-  
 dens super flumina Babylonis, dum  
 organa lætitiæ è salicibus pendent, &  
 Chaldæorum exilio audeo tibi Hiero-  
 solymitanæ ciui literas mittere, non  
 tam atramento, & calamo, quam  
 desiderij stylo celeriter exaratas. Mi-  
 retur sanè mundus coelestis urbanitatis  
 ignarus, in cuius consilium non veniat  
 anima mea, quia nō cognouit in sapien-  
 tia Deum, quasi circa coeli cardines am-  
 bulet, nec nostra consideret, ac si à con-  
 fortio nostro Deus esset exipiedus, nec  
 esset ei nobiscum conuersatio. Certè  
 mihi non placet consiliū hoc, sed melle  
 dulcius consilium Dei, qui facit omnia  
 secundum consilium voluntatis suæ,  
 quia dilexit me. Quapropter contem-  
 platus ego, voluntatem tuam eo ferri,

quò fertur voluntas sponsi tui, videor  
 mihi, pulcherrima Virgo, posse tecum  
 familiarius agere, & epistolam hanc  
 affectibus æstuantem, & votorum  
 pennis ad coelos elatam, non fore  
 tibi, prorsus iniucundam, propter cor  
 tuum humanissimum, sperare. At ve-  
 rò, licet plenus sim sermonibus, & coar-  
 ctet me spiritus vteri mei (non sicut  
 Eliu facundia ostentatorem, sed sicut  
 præconem gratia tuæ fidelissimum)  
 in vestibulo tamen domus tuæ, ante  
 quam ingrediar, obstupescor magis sa-  
 nè, quàm si in comitatu Reginae Sa-  
 beorum, Salomonis aulam inspecta-  
 rem. Postquam enim introduxit te  
 formosus valde Hierosolymorum  
 Rex in cellaria sua, & nardus arden-  
 tissimi amoris exhalavit odorem  
 suum in accubitu tuo; non solum  
 capior ineffabili pulchritudine tua, &  
 filia Sion venustissima: sed veneror  
 celsitudinem gloriæ, quæ dimanat, &

purissimo complexu sponsi tui: & admiror te, quasi novam Hierusalem ornata viro tuo.

Ab ornatu ergo tanto placet auspicari sermonem, & habenas laxare cordi meo cupidissimo gratiæ tuæ, quam coelis intulisti, & qua corda multa conciliasti tibi. Inuictissima, quippe fortitudine excelsi cordis tui, in cuius centro sedet vir ille tuus, manum tuam misisti ad fortia: & in Ecclesiæ acie diuinitus ordinata, agmen quoddam candidatum condidisti, quasi mulier fortis, quam proci, & de ultimis finibus, magno pretio, diues amore Deus exquisiuit. Et quia virilem magnitudinem è sponsi tui ornatu tactuque traxisti, confidit in te cor viri tui, & familiæ suæ præfecit te; ut mirum sit, te multorum virorum caput esse, cum sit caput mulieris viri. Nouum sanè fecit Dominus super terram; ut arcano modo femina circum-

da-

daret virum: vt scilicet amplexu strictissimo, visceribus tuis apprimeres sponsum tuum, è throno, quem posuit in te, multa mira patraturum. Hæc est dulcissima gratia, & decor omnis tuus. Hæc lux Sole clarior, quæ inicat è penetrali cordis tui, cui præsidet optatissimus Deus, & amicus tuus. Hæc suauissima pulchritudo tua, non mollis, & soluta, qualem Moabitides, & Sidoniz tam ardentè inquirunt, quæ certissimè auertunt cor humanum; sed quæ cœlesti maiestate plena corda casta demulcet, & inimicis apparet formidabilis, vt suauitatem firmet foregudo. Sic quippe sponsus tuus formauit te ad imaginem, & similitudinem suam; vt nouo quodam iure, non primi, sed secundi Adæ, sis os ex ossibus eius, non solum caro de carne sua. Propter hoc, ô lumen illustrissimam oculorum meorum, desidero te, & cœlestis eloquentiæ

par-

particeps fieri opto vehementer ; ut  
possim enarrare mirabilia tua , &  
adumbrare magnitudinem internæ  
pulchritudinis tuæ , solvente linguam  
meam , lepidissimo sponso tuo , qui  
surdos facit audire , & mutos loqui.  
Licet enim me non egeas laudatore ,  
cum te satis laudent in portis opera  
tua , & nobilis coniugio vir tuus se-  
dens cum Senatoribus terræ , glorietur  
forma elegantissima sponsæ suæ ; ego  
tamen ego iucundissimo vultu tuo , &  
mea , certè interest euulgare laudes  
gratiæ tuæ .

At , si tibi placet , tenerrima mater  
mea , quæ Virgineo lacte cœlesti pastu  
nutris filios tuos , vellem tua gesta ,  
publica præterire , & in sancta sancto-  
rum cordis tui , ubi sedet amanti-  
ssimus Deus super Seraphim altius , quàm  
olim super Cherubim , penetrare .  
Quamvis enim laude dignissima sis ,  
quòd feceris confusionem in domo

Q

Re-



Regis Nabuchodonosor, & gentem,  
electissimam condideris; mihi certè  
non usque adeò mira videntur hec,  
cum incipio scrutari diuitias cordis tui,  
ubi habitat Deus Clementissimus,  
quem pascis ineffabili amore tuo, &  
igas in funiculis charitatis tue. Profe-  
cto speciosissima Virgo, si (vt olim  
Iacob, adeptus ex ducta nomen Israel)  
contra Deum preualuisti, & amoris  
prelio illum faustè cepisti; quid mirum,  
si contra homines preualueris, & spo-  
lia multa diripueris, quibus locupleta-  
es domum viri tui?

Hec ergo pretermittam: & insinua-  
bo me in secreta diuinitus affecte ani-  
me tue.

Sed cum secreta hec condita sint  
in te, & signata in thesauris sponsi tui,  
& splendidissima stella, quæ dirigis cur-  
sum navigationis mee, opus est, ape-  
rias mihi claustrum cordis tui, vt ex-  
plorem opulentiam domus Dei. Et

letabor ego in paradiso voluptatis, quem plantavit, & excoluit, dulcissimus amoris Deus. Annue igitur votis meis, speciosa sicut columba mater mea: ostende mihi candorem sapientiæ, quam ex oro sponsi labijs tuis sua labia imprimantis, halitumquæ infundentis attraxisti. Miratus est enim mundus uniuersus sapientiam foeminæ vnius, arcana Dei perspicacissimè intuentis, & cœlesti lepore, ac suauitate luculenter enunciantis, & ad memoriam sempiternam, velut ab ore Dei (instar exceptoris) velociter scribentis.

O Virgo diuinarum affectionum, consultissima, Hermonis rore sepè conspersa, serenissimo intellectu sponsi tui pulchritudinem creberrimè contemplata, porrige formosam manum, tuam, & deterge nebulas intellectus mei caligantis in Ægypto, & adherabit tibi anima mea auidissima sapien-

tię tuę. Quis mihi det huius claritatis consortium; vt tecum, ò humanissima preceptrix mea, promouear ad statum tranquillissimum intellectus in eterna spectacula directi, & admiratione suspensi. Certē, pro scintilla vna sapientię huius, omnem Ægyptiorum sapientiam aspernārer: sederem solitarius, & tacerem; quia leuarem me super me.

O quoties affulsit tibi, purissime splendor animę meę, letissimum sydus sponsi tui, & suspendit te, ac incerta & occulta sapientię suę manifestauit tibi! O excelsa nimis Sulamitis, Pacifici Regis amicissima, & ex sexaginta Reginis vna, staturam sapientię grandem adepta, vt sponso tuo cœlesti congrueres, quoties à proxima luce illius propinquantis, resplenduit facies tua sicut sol, & vestimenta tua interna facta sunt alba, sicut nix; vt in dulcissimum Deum foeliciter assumpta, cœ-

litusquè mutata transformareris à claritate in claritatem, ad imaginem eandem sponsi tui! Verùm hæc latent in gazophylacio templi Salomonis, cuius vultum desiderat vniuersa terra. Vtinam mihi liceat, inter eos, qui vescuntur voluptuose, & nutriuntur in croceis, ingredi semel in promptuarium, hoc, ne sinar in eternum esurire; Tu certè propter gratiam nobilissimi cordis tui, cum esses varijs intenta occupationibus innitabaris à serenissimo sponso tuo intus agente, & quasi funibus trahi videbaris tibi ad locum orationi destinatum; vt more Magdalene amicissime, & amore simillime tibi, sederes secus pedes eius, & immensa dulcedine pascereris: sedisti, & illius pingui pane saturata fuisti, qui præbere solet delicias regibus.

Quapropter, oro te, porrige mihi modicum fragmentum eius; vt crescam quasi filius matris meę. *Aur*

certè , da mihi vrceum aque frigid-  
tantum , si panis carius emitur , & re-  
frigerabor . Nam & Rebecca Virgo  
cum qua geris similitudinem , leuiter  
rogata , non seruo Abrahe tantum ,  
verum & camelis eius potum dedit  
quem venit haurire .

Nunc verò responde mihi, oro te  
puella Regina Hierusalem , cuius im-  
menso decore ciuitas sancta gloriatur  
Quale genus amicitie intercessit tibi  
cum amabilissimo Regine tantę filie  
re inuitante , & assistente lateri tuo  
vt quoties liberet , de illa cogitare ,  
festinus adesset tibi , velut expositu  
tenero valde cordi tuo ? Certè si non  
est alia natio tam grandis , quę habeat  
Deos appropinquantes sibi , sicut Deus  
noster adest nobis ; necesse est te in  
natione hac , è grandioribus esse ; v-  
licet multę filie congregauerint sibi  
diuitias , tu sis è numero excelsiorum ,  
quę supergressę sunt vniuersas , ob mi-



ram propinquitatem sponsi tui . O propinquitas optatissima , vniuersis mundi bonis præferenda , minor te . Ergo ne credibile est , castissima Virgo , pulcherrimum Deum cordis tui , effectum iam amicum , & custodem animæ tuæ , à latere tuo nunquam potuisse diuelli ? Quo igne , rogo te , flagrabas , cum tanti decoris amicum tecum semper esse dignoscebas ? An poteras reprimere cordis æstum , cordis inquam , exultantis , & ardentis ? Profecto ipse præ amore pulchritudinis tuæ , non potuit cohibere manus suas tornatiles , ac formosas nimis ; quin ostenderet illas tibi , earum cupidissimæ . Quin etiam , & ( quod multi reges , & prophetæ voluerunt videre , & non viderunt ) totum corpus digito Dei mirificè compactum tibi exhibuit auidè spectandum ; vt tibi suauissimè blandiretur . Dic ergo mihi , dulcissima nutrix mea , quibus oculis illum .

uita es? Et quàm altè impressa fuit  
ma eius visceribus tuis? O quan-  
tè inualuit Zelotypia! O desidera-  
ma Virgo, quantùm tibi sorduit  
his carnea venustas: & quàm ge-  
rosè cortium coninem mundi volu-  
tem fastidiuit.

Sed filere malo, quod effari nescio:  
poni tanti consortium postulare.  
iamobrem oro te, purissimum  
culum animæ meæ, vt vel summo-  
n digitorum aspectu dignetur me  
norille tuus, apud quem gratia va-  
; vt qui tribus digitis appendit or-  
m terræ, suspendat etiam humi de-  
um cor meum; vt sordeant illi pi-  
mundi bona, & impetu celerrimo  
atur in vnâ illius pulchritudinem.  
animam sponsi tui ad mea vota  
ceris; insonabo tibi in neomenia  
a, in insigni die solennitatis meæ.  
atabuntur præcordia mea, præ ma-  
tutine voluptatis Dei. Fiet vinea

di-

dilecto tuo in cornu filio olei. Implebuntur areae tuae frumento; & vino torcularia redundabunt.

*Oratio receptus seu collectionis.* At verò trahit me desiderium explorandi te in cordis tui thalamum te abducentem, & ad sponsi tui festiuissimi vocem exultantem. Quapropter rogo te, formosissima Virgo: Quibus ardoribus vrebarris quando ad vocem dilecti tui, vires animæ sibilo suo tenuissimo conuocantis, te condebas intra te, præsentique pulchritudine Dei capiebarris, ita, ut libeter corpori voluptatis diuinæ stillicidia percipientis, oculos obstruere, aures obturare, quò se totam anima in dulcissimum Deum effunderet, & castissimo complexu illi misceretur? Quando scilicet sedebas in pulchritudine pacis, in conuiuio pinguium medullarum, & vindemiæ defœcatæ, parante scilicet sponso tuo non tauros, & altilia; sed lautilimum

convivium deliciarum Dei? Quando videbaris tibi (ò splendidissima lux cordis mei) plena & tota patebas sponsum tuum præsentissimum conceptura, & quasi limpidissimam aquam more spongiæ bibitura?

*Oratio quietis.* Propter hoc, ò depidissima Virgo, ac diuinæ facundiæ peritissima, sæpe flebas cum sermo displiceret, corporisquæ pars vlla loco se movere noller, nec vis animæ vlla à præsentis sponso vellet ablectari. Quis mihi det, pace hæc cernè pretiosissima, vel tantillum frui: & contemnâ opulentissima regna, quæ imagine pacis sollicitæ, citoquæ peritura inaniter latentur. Si exaudieris importunos gemitus meos, ò genis nostræ clarissima Princeps, viam tecum foederatus amoris fœdere sempiterno: & adhærebit cordi meo latissima tui vultus imago, quam repetent oculi mei, exitus aquarum deducentes.

*Somnus.* Utinam corripere me  
somno super fauam planè dulcissimo,  
quo identidem dormiebas, dum cor  
tuum vigilabat. Quando vigilantissi-  
mus sponsum tuum custodiebat te, & lu-  
cerna eius splendebat super caput  
tuum. Quando egrediebatur super te  
splendor eius, & ipse quasi lampas ac-  
cendebatur. Si, agente te, dilectione  
diues Deus animæ tuæ immiserit mihi,  
quemadmodum & tibi, soporem, &  
allexerit me; sacrificabo ei milles  
vitulos pinguisimos iugum charitatis  
subituros. Liquescent viscera mea  
amoris excubias perenniter actura.  
Vigilabo sine requie, sicut passer solita-  
rius in tecto, & proferam amoris quo-  
rimonias; cō quod vexat me tam  
diurna solitudo. Sed obsecro te, mun-  
di debellatrix potentissima, dissipes  
saltem inimicorum meorum castra,  
quibus teneri solent præcordia mea.  
præcludunt enim mihi viam dulcissi-

mæ



mæ Sion , & sanctificatio deserta est ,  
 altare cordis mei profanatum , & in  
 atrio Domini , velut in saltu , virgula  
 nata . O si noua fieret templi huius  
 dedicatio , & appareret Deus in nube  
 lucida , quæ templum mirabiliter  
 obumbraret ; vt per te , Virgo super ni-  
 ueni candidissima , descenderet huma-  
 nissimus Deus super me , sicut imber  
 super herbam , aut certè , sicut stillæ su-  
 per gramina : & visitatione lætissima  
 requiesceret in me , sicut in capite Io-  
 seph , & in vertice Nazareti .

At interea , dum de rore cœli , & pin-  
 guedine terræ viuentium cogito , & tuę  
 foelicitatis , in his bonis , optatissima  
 Virgo , recordor , quò te altiore con-  
 templor , eò me deiectionem animadu-  
 uertens extabesco . Videor enim mihi  
 vir videns paupertatem meam in vir-  
 ga indignationis Dei , qui vetustam  
 fecit pellem , & carnem meam : con-  
 triti ossa mea , & collocauit me in

te-

tenebrosis, quasi mortuos sempiternos.

*Vnio.* Certè, Virgo speciosissima, dum tu splendide epularis cum sponso cordis tui, ego iaceo ante fores tuas, & crucior appetentia mensæ tuæ. Hei mihi, quia attenuantur oculi mei suscipientes in excelsum: In excelsum, inquam, statum aquilarum oculos vincentem diuinæ vnionis, ad quam in exilio nostro sæpissimè elata iuisti, intellectu atq; suspenso, memoriâ erasis imaginibus ad cœli serenitatem euecta; voluntate diuinis flammis ignita; Deoque castissimè permixta; ita ut videretur tibi cœlum terraquæ liquefcere. O quàm cœlestes motus amore distentum cor tuum patiebatur, & quanto se conatu, in mare magnum immergebat! O quàm subtiliter diuinæ delectationis aqua medullas animæ penetrabat! O quantum virtutum heroicarum prouentum diui-

nus

aus ille complexus referebat !

Fac precor te, Mater foecundissima, innumeros filios sine lésione Virginitatis enixa, ut siam conforstantæ suæ stirpis, quæ nihil in terris est optabilius. Et rependam tibi foenus amoris, quod iam pridem cepisti me, tradamque tibi clauem cordis mei, quod parebit tuo. Sanè, generosissima Virgo, pro insigni lucro à te regi, ducam. Eliciam è medio cordis tui riuos sapientiæ, quos eurgit sponfus tuus, non certè riuos à fluminibus Assyriorum, sed à purissimo Iordane, quo lauabor. : si fortè restituatur caro mea, sicut caro pueri parvuli, & miro modo, caro ipsa pro capto suo, Deo discat adherere. : Eiam tunc, ut spero, te faciente, sicut Nephthali certius emissus, dans eloquia pulchritudinis.

*Replies.* Verùm enim, quam formosa tua subit animam meam pulchritudinis cupidissimam, miror, quàm sit

potens decor tuus, quem Rex tantus concupiuit: & trahor, cupioquē trahi, tanta venustate fruiturus. Sed, hei mihi, quia omnis gloria tua ab intus est, nec illabi possum in sacrarium cordis tui. Placet tamen mihi, o pulchra nimis, illapsus forma præstantissimi sponsi tui, frequentissimo raptu amplectentis te, ac perineantis præcordia tua, penetratione quadam profundissima. O quoties, velut moræ impatiens, non solum in recessu tuo, verum & in medijs hominum colloquijs, festinauit, & arripuit te tenentem, & epilepsiam simulantem; quasi peniteret illum tunctionis, & ferre non posset, te totam tecum non morari, tanquam Zelotypia premeretur. Quid est hoc? Quid egisti dulcissima Virgo? Nanquid genæ tuæ ipsius sanguine rubentes rapuerunt oculos eius, & pulchritudo tua captiuam fecit animam eius? Putens hic altus est, & in

quo

quo hauriam aquam, non habere con-  
nincor.

*Impetus.* Didici tamen ex te, mi-  
ssissima columba mea, quoddam irri-  
amentum sponsi tui, ad amplexus  
tuos accurrentis, & in vigilia dilectio-  
nis excubantis. Et quemadmodum,  
tu ipsa scripsisti, credo, miro quodam  
amoris artificio, ad multiplicem ra-  
ptum te fuisse subuectam: sæpè enim  
sine vlla præcurrente oratione, irru-  
bat super te spiritus vehemens, non  
certè conterens naues Tharsis; sed in  
portum voluntatis tuæ, te velocissime  
impellens, & incredibili amoris impetu  
corripiebaris, ob absentiam sponsi tui.  
Marebas sola, & ad mortem usque tor-  
quebaris: Intolerabilis quippè tibi  
videbatur absentia tanti decoris. Et  
cum illo frui, nisi morte intercedente,  
nequires. nec tibi posses mortem infer-  
re; durissimo quodam mortalis vitæ  
genere, non viuere, sed mori tibi vide-



baris. Vbi certè obstupeſco, quomodo multoties non crepuit cor tuum, & exhalasti amore ſauciam animam tuam. Propter hoc, feſtinabat, & blandiebatur tibi dulciſſimus Deus cordis tui, & in extaſi ſuauiſſima, faciebat ſui copiam; vt ſedaretur impetus, & acerrima ſolicitude tua. Subuehebat te in verticem Sina, & in nebula tecum habitabat, & vt olim cum Moſe viro miſiſſimo ſuper omnes, qui morabantur in terra, tecum loquebatur, vt loqui ſolet vir cum amico ſuo. Quin etiam, & in montem Nebo aſcendere iuſſa es, non certè puniendâ propter præuaricationem ad aquas contradictionis; ſed contemplatione terræ promiſſionis animanda, donec veniret immutatio tua. Vbi, dic obſecro, quàm diuino ſenſu delectationum Dei dilatabatur cor tuum, animaduertens excelsiſſimum Deum tibi amore languenti, tam humaniter

currere, & de impetu anxiam aman-  
 issimè solari. Profecto, clarissima  
 Virgo, suspicor, immensis te fuisse  
 ulcoribus absorptam, quemadmo-  
 dum absentiae dolor in immensum  
 exereuerat, vt secundum multitudinem  
 dolorum tuorum in corde tuo conso-  
 lationes Dei latificarent animam  
 uam.

O impetus vehementissime, corripe  
 ne, & morte longa moriar in agone  
 itæ, dummodo, sicut hinnulus ac-  
 curret mihi pulcherrimus Deus cordis  
 mei. O vtinam, dulcissima Virgo,  
 ubi liceat motus hos, quibus con-  
 uulsa fuit coelestis anima tua; & despi-  
 ciam omne aurum, in quo confidunt  
 homines, & voluptates breui peri-  
 uras.

*Vultus.* Verùm vltèrius feretur se-  
 retorum tuorum auida anima mea.  
 Cupit enim nosse, quibus te vulneribus  
 auciauit amicissimus tibi sponsus tuus:

quan-

quando scilicet, subtilissimo dolore, quasi iaculo transuerberabat animam tuam: & videbaris tibi per illam sensum doloris acerrimi poenas animarum, quæ igne tartareo, vel purgatorio torquentur, miro modo dignoscere. Vulnerabat te amoris exactor, Deus cordis tui; ut tecum agone dulcissimo certaret, & amoris vulnera mutuò quoque subiret. Sic anceps dilectionis gladius pertransiit animam tuam, & amoris martyrio coronata es, affectaque simillima sponso tuo.

Nec verò hic substitit amor æternus suauissimi Dei ligati carenis internæ pulchritudinis tuæ: sed misso cœlesti nuncio, qui tibi totus ardere, quasi Seraph visus est, mirificè sauciavit te. Ardentissimus quippè spiritus ille aureo iaculo traiecit cor, & viscera tua, æternis flammis ignita; ut sollicitius æstuant amore dilectissimi Dei tui, iaculumque retrahens, simul viscerum

partes retraxit abscissas, quasi pro esca missus fuisset, qualibenter vesceretur sponfus tuus. Certè ibi perspexisti, atque gustasti, quia fortis est ut mors dilectio, dura sicut infernis amulatio.

Quis mihi det ut expendere, ac sentire possim sensum diuinitus illati vulneris tui? O formosa valde sponsa mea, cupio flere propter te; si fortè recludas mihi thesauros vulneris huius, quod melius est super vitas. Aperi mihi, obsecro, fontis huius venam; si fortè inde fluat sanguis, & aqua, sicut è lateri vulnerati sponsi tui. Doceme, sapientissima Virgo, hunc sensum canæ mentis: licet enim tibi senes erudire, & in populo graui, occulta quævis explanare; eò quòd sis interpres viri tui. Notunt enim, quotquot sedato corde legerunt, & ex parte intellexerunt scripta tua, te coelesti dono, pro sponso tuo, hac ætate, legatione

fun-

fungi, ut des scientiam salutis plebi  
eius: & quæ angelico intellectu con-  
cepisti in thalamo illius, dulcissimo  
tradas magisterio. Si docueris me  
grandem hanc sapientiam, me con-  
dam intra me, & accendar vehit potens,  
sobriè crapulatus à vino. Vilescant  
mihi Regum pompæ, & pelago dinine  
voluptatis absorbebor.

*Alloquium.* Attamen si vulnus  
sentire non datur, ed quòd sit cibus  
grandiam, è secretis incrementis per-  
tingentium ad mensuram ætatis ple-  
nitudinis Christi dilecti tui, & amabi-  
lissima Virgo, detur saltem, oro te,  
requies mea expectatissima; ut per te  
loquatur mecum in aura leni, decorus  
valde sponsus tuus, quemadmodum  
sæpè tecum locutus fuit. Quando sci-  
licet animam tuam perturbatam mo-  
re quadrigarum Aminadab, & multis  
anxietatibus circumseptam unico ver-  
bo sedabat: & ad cœli serenitatem,



diffipatis nubibus extollebat. O quoties, inuictissima Virago, quæ de viro tuo sumpta es, in medijs turbinibus laborum, quibus obluctabar, audisti vocem dilecti tui ad cordis aurem sic dicentis: Quiesce, confide, & alia similia blandimenta: & pacatissimo corde, cœlestis lætitiæ gustu, tota illi parauisti; vt altius illaberetur, & agglutineretur animæ tuæ.

Vtinam dignaretur sponsus tuus imperare procellis meis, & increpare illas, sicut increpuit mare rubrum, & exsiccatum est, & deduxit amicos suos in abyssis, sicut in deserto. Vtinam post increpationem, poneret, & fines neos pacem, & adipe frumenti satiet me. Certè, speciosissima Virgo, acilè potest ille emittere eloquium tuum terræ, eò quòd velociter currit sermo eius: Citò potest, vel vno verbo, solari me, sicut te identidem solas est.

Sed

Sed quorsum auocauit me dolor meus, cœli gaudia referentem? Nonne tecum lætari æquius est, & diuitias cordis tui alacrius recensere? Quid enim lætius, quàm internam pulchritudinem tuam, quæ lætificat ciuitatem Dei, explorare: & eruptiones maiorum puniceorum paradisi tui attentius intueri. Certè dicam sincerius, quàm Balaam, cuius obturatus erat oculus: quàm pulchra tabernacula tua Iacob, & tentatoria tua Israel: vt valles nemorosa, vt horri iuxta fluxios irrigui, vt tabernacula, quæ fixit Dominus, quasi cedri propè aquas. Mihi enim minus operosum est, virtutum eximiarum, quibus clares, celsitudinem, pulchritudinemque mirari; quàm exprimere. Stupor circundedit me, super magnitudine tanti decoris, quem adamauit Dominus: & super pascuis vberrimis, in quæ amicos suos deducit, quemadmodum

deduxit olim, sicut ouem Ioseph.

Miror campos, qui repleti sunt vber-  
tate, & pinguiſſima ſpecioſa deſerti:  
& viſoris æterni lætitiæ capiti meo. At  
verò, ne omnino ſileam, quod intereſt  
euulgare, ò electiſſima Virgo, cuius  
omnis gloria ab intus eſt, licet ſis cir-  
cumamicta varietatibus, vel ex vno  
capite, videor mihi, ex parte poſſe per-  
pendere auream texturam virtutum,  
perfectiſſimarum, quibus ornavit te  
ſponſus tuus, qui te adhuc exultantem  
coccobis tincto, & retorta byſſo veſtie-  
bat, non ſicut filias Tyri, quæ purpura  
gloriantur; ſed ſicut filiam dulciſſimæ  
Hieruſalem, cuius Rex rubrum induit  
veſtimentum.

*Votum.* Caput autem illud vnum,  
quod attonitus cœlo proximum ſuſpi-  
cio, eſt votum, quod filias Sion in al-  
tiſſimam rapit admirationem: votum  
inquam, quod clariffimo lumini ocu-  
lorum tuorum, & pluſquàm ſuauiſſimo

ſpon-

sponso, & amleo tuo nuncupasti, præstandi quicquid inter multa grata, quæ passim occurrebant, noffes illi gratius esse. Profectò quantum capio, quantum sapio, à sæculo non est auditum, tam ingenuum, tam coeleste, tam plenum amoris promissum, quod excogitavit ingeniosus amor tuus. Nam & inter filios huius sæculi, qui in generatione sua prudentiores filijs lucis sunt, nemo usquè adeò insaniuit amando, ut tam arcto nexu semetipsum obligaret. Ettamen, qui amandi artem, nescio quam confinxere, multa commenti sunt mendacia, ut amoris vim ad viuum exprimerent. At tu, tenerrima atque fortissima Virgo, sincerissimo divinæ pulchritudinis amore, figmenta filiorum Adæ superasti: & Seraphico more, æternis flammis arfisti. Hoc sanè palam evincit votum hoc. O votum, o caeleste promissum, o generosissimum cor, tot ca-

temis innexum, quot subibant cogitationes rerum, quæ dulcissimo Deo videbantur fore gratiores! Quàm heroicæ oportebat esse virtutes tuas, ô Virgo splendidissima, quibus instructa fuit candidissima anima tua, quæ te agilem expeditamquè redderent, ad Diuinæ voluntatis amplexum, quoties opus esset, aliquid acceptius sponso tuo viriliter obire! O Virgo invictissima, quàm magna est domus Domini, & ingens locus possessionis eius! O dilectio, pro qua sponsus dedit omnem substantiam domus suæ! Certè dilectio hæc non est audita in Chanaan, neque visa est in Theman: sed in generoso valde corde tuo, ô formosissima Virgo, quod innumerabilibus amoris motibus, in omnibus quærebat requiem suam, hoc est, dulcissimum consponsi tui: & in noctis præsertim silentio capiebat somnum intercisum, ob sponsi sollicitudinem,

quem



quem ex voto requirebar. O votum, o incendium sempiternum! Quis dabit aquarum riuos oculis meis, vt fleam, largè in holocausto voti huius, & incendij, quod produxit amor? Si feceris me consortem cordis tui audentistalia, & promittentis, o amantissima Virgo, reddam tibi cor meum cum vsuris; vt consumas illud igne amoris tui.

*Cordis libertas.* Sed dum hoc attonitus meditor, succurrit mihi libertatis tuæ recordatio; quam reticere non pateretur iucundissimus sponsus animæ tuæ. Donauit quippe te, omnipotens ille amicus tuus, quadam cordis libertate, quæ omnes orbis Principatus esset faciliè contemptura, & optimates mundi domitura; vt quot vinculis te obstrinxisti tam grandi promisso; tot gradibus Diuinæ libertatis potireris, & nullo pondere negotiorum, quibus premitur mundus, preme-

reris : Hinc suspicon, & potentissima,  
 pollicebaris, quæ nondum habebas,  
 & ad præstitutum diem promittebas,  
 te debita quantumuis magna solutu-  
 ram, quasi spiritu Benjamin afflata  
 fuisses, & manè comederes prædam,  
 vesperequè diuideres spolia. Certè si  
 præda cordis tui, erat diues valde in-  
 ter omnes Orientales sponsus tuus, cui  
 tributa reddunt Reges vniuersæ terræ;  
 amicitia iure, facta consors diuitiarum  
 eius, isidentissimè poteras diuidere  
 spolia domus suæ. Hinc etiam suspi-  
 cor extitisse libertatem agendi cum  
 viris doctrina clarissimis, malè de te  
 opinantibus, antequàm perspectam  
 haberent, & prudentissima Virgo, vim  
 eius, quæ ab intus est, formæ tuæ. Con-  
 ueniebas enim illos, & tam cœlesti  
 eloquentia, & lepore hausto è labijs  
 sponsi tui aggrediebaris illos, ac expo-  
 nebas internam pulchritudinem ani-  
 mæ tuæ, Libani gloria, decore Carmeli,

ac Saronis ornatæ; ut incredibili suavitatē primo congressu caperes illos: & iam non modo tui propugnatores fierent; sed & quasi mancipia decoris tui seruirent tibi. Veniebant ad te, curui, qui humiliauerant te: & adorabant vestigia pedum tuorum omnes, qui detrahebant tibi: & vocabant te. Ciuitatem Domini, Sion Sancti Israel. O Sion cœlesti rore fœcundissima, cuius portas dilexit Dominus, quot animas cepisti facundia tua, & quot seruos emptitios comparasti tibi! Sed quomodo sum ausus altitudinem supernæ libertatis tuæ, qua corlibus dominabaris, Illustrissima Virgo, commendare, cum dulcissimus Deus deduxerit in lacum vitam meam, & posuerit lapidem super meam. Hostes quippè mei facti videntur in capite, & inimici mei nimis locupletati: & graui onso laterum & palarum, seruo seruitutem Pharaonis. Hei mihi inter

captiuos suspiranti, quando, ò purissime candor cordis mei, apparebit mihi libertatis dies, aut certe nox, quæ sit illuminatio mea in delicijs meis: nox, inquam, quæ expoliavit Ægyptios, & ditauit Hebræos. Si exoraueris pro me sponsum tuum, quem dilexi, vt me donet libertate sua: proferam ei panem, & vinum, sicut fecit Sacerdos Dei altissimi Melchisedech Rex antiquissimæ Salem, & laudis hostiam immolabo ei: appareboquè coram illo, non in sanguine vitulorum & hircorum, ac in cinere vitula asperso; sed in sacrificio testamenti eius, quod produxit amor.

Veruntamen reuertor ad te, ò excelsa turris Libani, quæ respicis contra Damascum, & rogo te, si placet, proferre de thesauro tuo noua, & vetera: & ostendere mihi, quibus armis tot victorias comparasti, & in palmam ascendens collegisti fructus eius. Quot

annis, obsecro te, fidelissima Virgo, secuta es sponsum tuum in deserto, in terra, quę non seminatur? Certę vidi- sti à longę requiem, quod esset bona, & terram viventium, quod optima; & sicut Issachar supposuisti humeros tuos ad portandum, facta quę es tributis feruiens. Quot tributa repullarum, & ariditatis, morborum, persecutio- num, detractionum, infamię, anxietatis interne rependisti? Quot incom- moda peregrinationum, ad propaga- tionem ordinis tui pertulisti? Quot incendia suscitavit in te salutis nostrę auxiliissimus hostis? At omnia superasti, robustissima, & fortissimus sponsus tuus pro te pugnans, & quasi respiciens per columnam ignis super castra Egy- ptiorum, interfecit exercitum eorum, & subuertit rotas currum, & exercuit nanum validam super eos.

Tu vero, ò gloriosissima Virgo, pro o quod laboravit anima tua, videbis



semen longeuum: & quia de fructu  
 manuum tuarum plantasti vineam,  
 satiaberis ab vbertate domus Dei, qui  
 amauit te. Fecit enim te artifex ille  
 humanissimus, & dulcissimus ille,  
 Salomon ferculum suum, & quia co-  
 lumnas argenteas, aureumque reclina-  
 torium efficere cogitauerat; voluit  
 ascensum esse purpureum, ut ei pul-  
 chrior appareres. Propter hoc tandiu  
 laborasti ascensura de cubilibus leo-  
 num, & de montibus pardorum, & de  
 multis meritis receptura coronam, &  
 de virginitate candidam, & (ut existi-  
 mo) de doctrina viridem: quin & ar-  
 cano quodam modo, non de tyranni  
 vulnere, seu gladio, sed de amoris mar-  
 tyrio, seu passione purpuream. Pro-  
 pter hoc te videntes, ac stupentes filiae  
 Sion beatissimam praeclauuerunt; sed  
 & Regina te laudauerunt, mirantes  
 quo pacto ascenderes de deserto la-  
 borioso delicijs tantorum meritorum,

af.

affluens, innixa super dilectum tuum. Propter hoc, ò purissima Virgo, quæ nescisti thorum in delicto, habebis fructum in respectione animarum, sanctarum, quas amantissimè respicit dulcissimus Deus animæ tuæ. Vicisti, & sedebis ad mensam sponsi tui: sicut ille vicit, & sedet cum Patre suo.

Attamen, interea dum ad te scribo, & succurrit mihi imago excelsæ gloriæ tuæ; qua incedis coronata per plateam ex auro mundo, quod est simile vitro mundo in vrbe suauissima Hierusalem, & animaduerto, me à pulchritudine tuæ ciuitatis extorrem; languco in solitudine hac, vbi, non modo non inuenio septuaginta palmas, & duodecim fontes aquarum, sicut inuenit Israel castrametatus in deserto; sed nec modicum cœli rorem, qui sicut à vellere Gedeonis hauriatur ab anima mea.

Quamobrem mihi necessarium est

currere in fide, & pennis desideriorum  
 coelos ipsos penetrare; si fortè descen-  
 deret in cornu meum, læto vultu, opra-  
 tissimus dilectus tuus, sicut pluvia  
 in vellus, aut certè sicut stillicidia stil-  
 lantia super terram. Credo equidem,  
 oriretur in corde meo iustitia, &  
 abundantia pacis, donec auferretur  
 luna.

Oro ergo te, misericordissima Vir-  
 go, quæ misericordias Domini in-  
 æternum cantare decreuisti, ut leni-  
 ter aspicias me, ac legas ad te missos  
 gemitus meos, præcerisque sponsum  
 tuum, dissipet gentes, quæ bella volunt,  
 & afferat serenitatem cordi meo.  
 Liceat iam mihi de via longissima  
 fesso, collectis animæ viribus, cum illo  
 agere in secreto cordis mei: & ab illo,  
 ne puncto quidem temporis, cogita-  
 tione diuertis. Doceat me attentissi-  
 mè orare sine voce, vel etiam cum  
 voce, in cantu suauefonantis Ecclesiæ:

Si

Si fortè in hac interna peritiâ discam,  
requirere modos musicos, ipsius auri-  
bus iucundè sonituros. Fateor equi-  
dem habere melabia, sed arentia,  
quibus malè verba formantur: pelli  
enim meæ, consumptis carnibus ad-  
hæsit os meum, & derelicta sunt tan-  
tummodo labia circa dentes meos; ut  
si minis laborare, loqui saltem possim,  
nisi præ roris defectu exarescam. Pro-  
pterea rorem posco, ô dulcissima  
mater mea, ut interna, externaquè  
verba facere valeam cum formosissi-  
mo sponso tuo. Hæc fit sapientia  
mea. Hæc pars magna hereditatis  
meæ. Hic esto victus, & portio mea,  
cum filiis Levi, qui terrena sorte pri-  
uati, grandi patrimonio ditati sunt: al-  
tissimus quippè Deus hereditas eorum  
est.

Nunc verò, dum spero bonum, ex-  
pectoquè responsum à benignissima  
anima tua, quæ viuit in cœlesti Curia,

S

2

post-

postquam reliquit in terra virginēam  
 carnem, quæ adhuc non vidit corrup-  
 tionem; comitabor te multis desi-  
 derijs, quæ feruntur ad eximium de-  
 corem tuum: & suspirabo ad te, o  
 clementissima Virgo, factus responsi  
 exactor importunus.

Tu verò vive foelix: ac tene, quem  
 tamdiu desiderasti, cuius amore toties  
 defecisti. Lætare, honestissima, &  
 altissima Virgo infinite pulchritudinis  
 Oceano immersa, & sempiterno  
 complexu sponso tui cordis adhæsura.  
 Pande dulcissimo splendore animæ  
 tuæ intimos viscerum tuorum sinus,  
 & attrahe calorem infinitum amoris  
 sui. Adstringe pectori tuo decorem  
 immensum, cuius fonte potatur Hie-  
 rusalem mater tua. Liquesce in for-  
 nace dilectionis æternæ, quæ facit  
 animas, velut ignem vrentem, in in-  
 cendio charitatis suæ. Extende ma-  
 num tuam in arborem, iam non ve-



titam Scientiæ Dei, vitalissimæ vitæ tuæ. Spaciare, amabilissima Virgo, per amoenissimum paradisum deliciarum Dei, quem requisivit anima tua. Erumpe & clama in torrente voluptatis, quo absorpsit te Dilectus tuus. Claresce in splendoribus Sanctorum, à quibus resplendet formosa facies tua. Iubila innumerabilibus motibus lætitiæ, in impetu fluminis, quo te perfundit Amicus tuus. Suspendere suspendio dilectionis, quod elegit anima tua. O suspendium, o quies, o tranquillitas Hierusalem, quando requiescam in te?

Recordare felicissima Virgo filij parum foelicis, cuius hæreditas iuxta est ad alienos: qui aquam pecunia bibit, & ligna sua pretio cogitur comparare. Et tamen absit à me, ut Ægypto demanum, & Assyrijs, ut pane saturer; tametsi pellis mea, quasi clibanus exusta sit, à facie tempestatum famis.

Laborabo clamans, & sicut Iacob, estu-  
 vrar per diem; & gelu per noctem;  
 & somnus recedet ab oculis meis; v-  
 detur aliquando frui consortio tuo, &  
 intemeratissima pulchritudine tua.  
 Vagabor per solitudines, & hominum  
 consortia fugere studebo; ne fortè di-  
 strahar à studio formæ tuæ, cuius de-  
 siderio capta est anima mea: Anima,  
 inquam, mea, quæ tecum conuersabi-  
 tur, memor gratiæ tuæ, in stratu meo;  
 si fortè quasi magnes trahas illam, &  
 condas tecum in foraminibus petrae,  
 ac in optabilissima, & voluptate refer-  
 tissima cauerna maceræ, vt ibi viuat  
 sponso tuo. Quem, oro te, filia Sion,  
 tota formosa, & suavis, admoncas de  
 infirmitate mea, & salutes nomine  
 meo cupidissimo gratiæ suæ. Dic, ob-  
 ecro, illi: recordetur se magnum sa-  
 cerdotem Patri suo sacrificasse pro  
 ne: non more aliorum sacerdotum,  
 qui habent necessitatē quotidie offerre

pro

pro suis delictis, deinde pro populi:  
Hoc enim fecit ille semel se offerendo,  
& vna oblatione pretiosissima, con-  
summauit in sempiternum sanctifica-  
tos. Quapropter, ora illum, factis iam  
sumptibus, cōsummet, atque consumat  
me: quandoquidem, sine iactura sua-  
rum diuitiarum, potest propitiari mihi.  
Immo (si licet ita loqui) erit ille ditior:  
quia tot bona lucrabitur, quot dona  
erogauerit cordi meo, ad eum sine  
reque suspiranti, ac illi adhærere sata-  
genti, demumquē a custodia matutina,  
ysquē ad noctem in eo firmiter spe-  
ranti.

Sic inter desideria cesso, & posito ca-  
lamo, multis motibus feror ad te, spe-  
ciosissima Virgo, & dulcissima mater  
mea, cui solitudine multa cor meum  
satagit adhærere, propter magnitudi-  
nem cordis tui, & illustrissimum splen-  
dorem animæ tuæ, quæ exhilarat Cui-  
tatem Dei. Festina respondere, ò ex-

pectatissimum refugium, & fidissima  
 tutela mea, cuius pastu enutrirī cu-  
 piunt prae cordia mea. Festinare respon-  
 dere. Ne deferas domesticos, quae so-  
 laris externos. Quod si differre placet,  
 o desideratissima laetitia, & tranquilli-  
 tas dulcissima cordis mei; veni saltem  
 celerrimè in hora obitus mei, & porre-  
 ctis brachijs suscipe, quam efflabo ani-  
 mam: & tecum foederatam, offer  
 humanissimo sponso cordis  
 tui, cuius praesentiam  
 affectat ipsa ani-  
 ma mea.



V N I V E R S Æ  
CIVITATI DEI,  
QVÆ REGNAT  
IN COELIS,

Exul quidam S.



*Pistola hæc nihil aliud  
est, quàm multiplex  
meditatio celestis pa-  
triae, & aspiratio ad  
felicitem.*



**O** Ptatissima mihi Ciuitas Dei, dulcissima Sion, cuius portas dilexit Dominus, plusquam tabernacula Iacob, e medijs Ecclesiae militantis, & pacem tuam bello quarentis castris, vbi milito, donec veniat immutatio mea, supplices literas in senatu, populoque lectissimo tuo publicè legendas, per celerrimos votorum meorum cursores mitto.

Cupio enim, o serenissima regio viuorum, quorum nomina scripta sunt in libro vitae, tui conforse esse, ac inter multos candidatos pro decore tuo in terribili castrorum acie dimicare: si fortè detur, post agones, frui te: licèt, cum in fordibus iaceam; videar maiora cogitare, quam merear.

At, cum personarum acceptrix non sis, o suauissima Hierusalem, quae non excludis alienigenas, Tyrum, & populum Aethiopum, mea interest, vilitate propria non deiici; sed nobilitatem

tuam

tuam pretio, quantumvis magno, comparare.

Descendi, ut seruus in Ægyptum, ut colonus essem ibi: & Assur calumniatus est me, ac durissima afflixit servitute; ut ad libertatem ferventius aspirarem.

Nunc verò, ò pulcherrima structura Dei, & feracissima promissionis terra, cuius desiderio tenetur anima mea, quia iugum servitutis excutere, & ad te cum electorum agminibus ascendere conor; infestos patior reges Amorrhæos.

Circumeo terram Edom, qui odit me: Robusti quoque Moab importuna constituunt mihi prælia: montesque asperrimos, & lacunosas valles armatus cogor obire: sed spes alit fatigatum, quam velut anchoram cordis turam, ac firmam mecum gero; donec statuar super excelsam terram, quæ fundit rivos lactis, atque mel-

lis

lis ē dulcissimo corde Dei.

Vtinam, sicut Nephtali, fiam ceruus  
emissus, velocissime petens fontem  
vivum, qui solus explere valet sitim  
meam, in qua curro, atque cucurri.  
Scio enim ē Libano formosissimi filij  
Dei, aquam viuentem cum impetu de-  
currere, ac interfluere hortos penfiles  
vere sempiterno virentes, in vrbe flo-  
rentissima Hierusalem.

Amœnitas hæc tua, ò viretum volu-  
ptatis Dei, trahit me, tanquam onag-  
rum liberum, & vincula detrectan-  
tem: qui sortitus in solitudine domum,  
& tabernacula in terra saluginis, cir-  
cumspectis montes pascuæ suæ, ac vi-  
rentia quæquæ perquirat.

Sed, ò gens illustrissima, & hæreditas  
ditissimi amoris Dei, cor meum audi-  
dum societatis tuæ, validissime oppu-  
gnatur ab hostibus obstinatis meis.  
Pro iniquitate mea video inimica mihi  
tentatoria Æthiopix, & irascentes, ac

turbatas pelles Madian, quæ pertinaciter oderunt salutem meam, & multis seculis expectatam instaurationem tuam.

Verum, ò Ecclesia magna, & popule grauis altissimi Dei, adeo ne despiciabilis es; ut pro te pugnare non debeamus; certè dignitas & gloria tua tanta est; ut pro modica illius parte, cum regibus Chananeis, qui habitant ad occidentalem plagam, animosè debeamus concertare.

Gloriosa quippe dicta sunt de te, ciuitas Dei, & iam foelix iustorum congregatio, quæ degeneres animos arguunt, & generosos inflammant. Si enim dum exulamus à te, ò dulcis valde patria nostra, deformis hæc mundi nostri figura virorum etiam fortium, corda sollicitat; quid par est, suauissima tua efficiat pulchritudo? Incedis per plateam auro mundo constratam, pulchris gressibus, statura celsa, velut

filia Principis, forma elegans, dilectionis motu decora, mira coelestium ornamentorum varietate circumdata. Candore lucis æternæ lucet, ò pars nobilissima, & preciosisissima præda Dei, qui fabricatus est auroram, & solem, & luce sua vestire te: cuius ope tibi præsentissima subnixa, splendoribus irradiata permanebis cum sole, & ultra lunam, in generatione, & generationem.

Iam hyems transijt, & recessit, & amantissimus sponsus cordis tui absterxit omnem lacrymam ab oculis tuis: gaudet nunc, & amoris æterni motibus, & ardoribus exulta: viues enim sine fine. Citò labor evanuit, ò fortissima cohors Dei viventis, citò fletus abscelsit: at requies tranquillissima, & immensa Dei voluptas, qua perfrueris, nunquam interibit; quia dilexit te, qui regnabit in æternum, & ultra.

O quam foelix es domus Dei, quæ

di-



dilectionis pastu nutriris: quæ candi-  
dissima exultas in gloria, & letaris in  
cubilibus tuis!

O lectule dulcissimi Salomonis odo-  
ratissimis floribus sparso, & ad purissi-  
mas delicias comparate, quis mihi dec-  
cor in te fessum recreare? Bonum  
mihi mori pro te, ac in agminibus  
purpuratis recenseri, in ijs, inquam,  
qui venerunt ex magna tribulatione,  
& lauerunt stolas suas in sanguine  
agni, qui occisus est ab origine mundi.  
Quis enim non spernat mundi morta-  
lem vitam, & aurâ vitali tuâ, o cœli  
serenitas, sine morte viuat; ut ex ar-  
bore vitæ vitalissimæ fructus quàm  
suauissimos carpat, ut satietur ab eber-  
tate tuâ, ut bibat de torrente volupta-  
tis tuæ?

Quàm pulchra tabernacula tuâ,  
Sion Ciuitas Dei summi! quàm de-  
litiosus thalami amoris tui! O prudente-  
ria mercatorum, o fortitudo militum,

qui

ui emistis, & pugnaſtis, ac pro momento agone æternæ gloriæ ponus comparaſtis in coelis! O merces magna nimis!

Hei mihi, quia incolatus meus prolongatus eſt. Certè habitant cum habitantibus Cedar, quorum tentoria nubibus, ac ſolis ardore peruſta, crudelitati, ac prædis vacant, ut ſint vera offeritas Iſmaelis.

Audiui famam filiorum Iſaac, qui ſtimantur in ſemen, & tabeſco: timeo nim exheredari, quaſi ſervitutis reus: quippè non erit heres filius ancillæ, ſed filio liberæ, quæ gaudet prærogativa libertatis Dei.

O libertas regis pacifici corda triumphantium moderantis, & ad petralia dilectionis introducentis: non recedet ad te malum, & flagellum non appropinquabit tabernaculo tuo: edeſtabuntur in te, ſicut, qui edeſtabunt in meſſe, ſicut exultant victores

capta præda, cum diuidunt spolia.

Responde mihi, obsecro te, ò Ecclesia primogenitorum: vbi nunc est labor ille, quem corrente mundi rota tulisti? Quomodo cessauit exactor, quieuit tributum? Vbi sunt, qui persequiebantur te, qui non dignabantur te componere cum canibus gregis sui?

Pro breui nubilo, purissima coeli facies tibi orta est, quo sempiterno permanfura. Incoluisti domos luteas, & in cauernis terre latuisti: nunc autem construeris in coelis vniuersis ex lapidibus, & portis è sapphiro, & smaragdo compactis, ac celatis exornaris, & immortalis fama, vltra orbis metas, pennis columbæ deargentatæ volas.

O labor certè foecundissimus, ò mellicissima solatia Dei, ò gens electissima cordis mei! Ergo ne fieri potest, vt sub onere vitæ morientis huius, transeam per ignem, & aquam, & educar

in refrigerium? In refrigerium, inquam, illud quod oculus non vidit, nec auris audiuit, nec in cor hominis ascendit.

Vtinam, ò vrbs beatissima Hierusalem, rectè dicta pacis visio, fiam velut Isachar, asinus fortis accubans inter terminos: & pro dulcore tuo, supponam humeros ad portandum, & fiam tributis seruiens. Etsi enim per tempus fleam, dum spargo semina mea; in conuertendo tamen dominus captiuitatem Sion, fiam consolatus, sicut somnians præ letitiæ magnitudine.

Certè inimica tibi prudentia filiorum Adan, qui edificant Babylonem, deberet urgere me; vt tantum saltem, pro te laborarem, quantum illi pro confusione turre laborant.

Tradiderunt obliuioni te, quasi amore parum digna fores: & pretium, quod pro te offerunt, quando tui recordantur, vix est vnus panis.

Quis

Quis enim, o coelestis pulchritudo populi reformati, & configurati ad exemplar claritatis Dei, pro te abit, & festinanter vendit vniuersa, quæ habet, & emit: felicitatem agri pleni tui? Quis animosæ filia Dei, con patitur, vt conglorificetur, & centuplum cum exultatione recipiat? Quis fortiter tentari fert; vt faciat cum tentatione prouentum?

Vtinam disceret Israel, vbi sit prudentia, vbi longiturnitas vitæ, vbi lumen oculorum, & pax. Si enim, o ciuitas opulentissima, & holocaustis medullatis plena, oculis carneis apparet pars aliqua vbertatis tuæ, siue dulcissima concordia, siue sublimissima sapientia, siue absolutissima pulchritudo, siue amabilissima gratia tua, infana certè hominum corda scilicidij tuis curata saperent, & intelligerent, ac nouissima prouiderent. Inciperent illis dulcescere tormenta, &



ad labores duos auidissimè festina-  
rent: Auarum scilicet cor hominis est,  
& lucro vehementer adherescit. Si te  
gustat, & decor immense domus Dei,  
& videt, quia bona est negotiatio eius,  
non die solum laborabit, sed nec ex-  
stinguetur in nocte lucerna eius. Quis  
enim formam tuam elegantissimam  
lucrari non queat?

Propter hoc expauit cor meum, &  
dissoluta sunt gētia mea: video enim  
filios hominum, cursores leues, expli-  
cantes vias suas; vt attrahant ventum  
vanissimi amoris sui, grandi pretio  
interitum eternum comparantes, &  
te, & sponsa Dei, viteque immortalis  
amica, ne mediocri austeritate parare  
volentes. Quid est hoc, & suavis valde  
Hierusalem splendoribus æternis co-  
ronata, & ad vestibulum diuinitatis  
euecta?

Nonne melior est dies vna in  
atrijs tuis super millia? Ita ne dul-

cissimos, & strictissimos amplexus,  
& subtilissimos ilapsus formosissi-  
mi Dei, quem cupit anima mea,  
mundus vilipendit; ut operibus saltem  
neget se pro bono tam immenso, sum-  
ptis magnos facere velle?

Certe non placet mihi consilium  
hoc, aut Ægyptum deserere recusan-  
tium, aut in Ægyptum reuertentium.  
Melius est, o amantissima regio viuen-  
tium, cum immanibus filijs Bnæ pro-  
te pugnare; quam in servitute pale-  
rum, & laterum sub tyrannide Pha-  
raonis interire, nec putare satis, quanti-  
cunque laboris modum, pro dulcissima  
requie tua tolerare.

Contemplor agmina excelsissimi  
Dei redimita coronis, vel de virgini-  
tate candidis, vel de doctrina viridi-  
bus, vel de passione purpureis: & ad-  
mīror fortitudinem ex utroque sexu  
coronata, & æterno triumpho glo-  
riatam, ac pro nihilo ducentem di-

scrimina vetera, quæ transierunt. Contemplor hæc, ò inuictissima castra Dei, miror, & obstupeſco.

Quapropter, oro te, ciuitas inexpugnabilis, & victoriciũ legionum, laudatiſſima multitudo, liceat mihi tecum de prælijs tuis agere, ac in clariffimas victorias tuas, cogitando ſaltem, introire.

Rogo vos, puellæ, formoſiſſimæ Reginæ cœlitum obſequio addictæ, dulciſſimæ, ac tenerrimæ virgines omnem ornatum ſæculi aſpernatæ, nuptias, opulentiam, illecebras execratæ, quæ ætatis florem, ac decorem incomparabilem ſuauiſſimo Ieſu Chriſto ſponſo veſtro dedicatiſtis, quæ cœleſtes nuptias exquisitiſtis: ergo ne fieri potuit, vt ſexum domueritis? vt pro mundi blandimentis inedia, & vigilias, pro muliebri cultu, cilicinas veſtes, pro ſermonis affectatione, ſtudium perenniter Deum orandi elegeritis? Quo-

modo nobilitas, pulchritudo, diuitiæ,  
non vicerunt corda vestra?

An non poteratis initiorem vite ra-  
tionem inire, nec tam seuerè custodire  
vias duras? Nemo enim unquam car-  
nem suam odio habet; sed magis nu-  
trit, ac fouet eam. O virgines pruden-  
tissimæ in Ierosolymorum Regis tha-  
lamm adnissæ, quam sapienter egistis!  
Infantia quidem computabatur in an-  
nis, sed erat mentis senectus immen-  
sa. O sapientia, quantò fuit vobis de-  
corem carneum deformare, ac immor-  
talem pulchritudinem acquirere! O  
adolescentulæ speciosissimæ, quam le-  
gitimè certastis! Quid dicam vobis?  
Estis hinc candidiores, & sanguis sponsi  
ornauit genas vestras: formosiores ce-  
lo vultus vestros, deprecabuntur om-  
nes diuites plebis.

Eratis, o liberalissima iuuentus, quæ  
spem inuidi sefellisti, & in claustris  
luzæ Christianum derte properasti;

quid mihi respondebis? Num fieri potuit, ut pueritia super senes intelligeretur; nisi quia senectus venerabilis est, non diuturna; neque annorum numero computata; sed cæsi sunt sensus hominis, & ætas senectutis vita immaculata. Quare vos renitens mundus inhorruit; nisi quia illum sterili valde flore marcentem spreveritis? Quomodo tenella membra districtiorem disciplinam membrorum legi adversantem sustinuerunt? O filij Sion inclyti, & amicti auro primo, decori forma, & cœlesti eruditi sapientia; quomodo ausi estis Nabuchdonosor epulas respuere, & Medorum, atque Persarum decreta contemnere? Siccinne pulchritudo castitatis; & cœlestis desiderium tenuit vos? Quis conclusit ostijs mare, quando erumpibat quasi de vulva procedens? Quam foeliciter vobiscum actum est, o candidissimæ lilia, quibus datum est ætatis florem.



immortalitati consecrare! Quanto for-  
 tior vobis fuit, lacte loti agnoscere  
 greges, dulcissimum decorem vestrum  
 quem filie Madian appetiverunt, illa-  
 sum inferre coelo; quam voluptatibus  
 carnis in terra consumi? Letamini ig-  
 go mundi contemptores, & buccina-  
 te in Neomenia tuba; in insigni die so-  
 lemnatis vestre Luce in organis car-  
 minum Domini, que fecit Rex David  
 ad laudandum Dominum, quoniam  
 bonus, quoniam in eternum suavis-  
 sima misericordia eius, utique et bonum  
 Iungite, foedera cum formosissimis  
 virginibus, preside Virginis filio; qui  
 facit concordiam in sublimibus suis,  
 & per augustissima Dei palatia, cho-  
 reas ducentes castis vocibus perso-  
 nate. *Qui illi ubi est, etc.*  
 Confendistis intrare per angustam  
 portam, & arctam vite viam confeci-  
 stis: dilatamini nunc cordibus amote  
 distentis, & latissimos vite campos

per-

perlustrate. Bonum est viro, cum  
portauerit iugum ab adolescentia sua,  
& per iustitię viam festinarit.

Vos autem, o patres verē conscripti,  
qui vite senatura laureati possidetis,  
qui verba vite dulcissima seminastis,  
& immensis laboribus ad iustitiam  
multos erudistis, qui tamquam sydera  
clarissima splendetis, dicite, quæso:  
Poenitetne vos laboris exhausti, quæ  
die, nocturne in vestra pericia requi-  
sistis modos musicos, & narrastis car-  
mina scripturarum? Quantis labori-  
bus, & vigilijs asticistis ad postes ostij  
sapientię, vt sciretis legem vite, & di-  
scipline? Quam perennibus lacrymis  
Hierusalem vastitatem lamentati estis?  
Quoties sole per diem, lunaque per  
noctem, æstu, & gelu vlti fuistis, vt  
conuerteretis cor patrum ad filios, &  
incredulos ad prudentiam iustorum?  
Quoties praua mutastis in directa, &  
aspera in vias planas? Quoties, o vigi-

les ciuitatis Dei, ense super femur accincti, custodistis leſtulum Salomonis, propter timores nocturnos? O quam ſepe caſtigatiſti corpora veſtra, & infernitatem redegiſti, ne fortè cum prædicaffetis alijs, ipſi reprobi efficere mini!

Iam labores manuum veſtrarum manducatiſti: & pro eo, quod laborauit anima veſtra, videbit ſemen longeuum gloria, & honore multo coronatum.

Verum, o vos martyres inuictiſſimi, & fideliffimi præcones Regis Hieruſalem, quibus ceſſit lacerans fortiter ungula, & tyrannorum feritas ſuccubuit, dicite, rogo: videtur nè vobis acerba paſſio, quam tuliffiſti? An recordamini equulei, rotarum, enſium, cæterorumque ſuppliciorum, quæ mundum terruerunt? Cur tenera, & decora membra ſeris lanianda obieciſti, cum

possetis, vel sine culpa vos non prode-  
re, vel certe etiam occultare? Adeo-  
nè vos eoepit amor foelicitatis; quare  
gaudetis; ut moram ferre non valen-  
tes, per ignem, ac ferrum ad superne  
Ciuitatis brachium curreretis? Miror  
valde, o nobilissimi victores, & præ-  
toria cohors Imperatoris illius, qui  
proposito sibi gaudio sustinuit crucem  
miror admodum generosissima corda  
cruciatibus obuia, & passionibus non  
condignas ad futuram gloriam vobis  
reuelatam contemnentia. Tunc sanè,  
o castra Dei, & magnanimi mortis  
triumphatores poena leuis visa est ad  
lumen lucernæ, quæ lucebat in caligi-  
noso loco. Quid ergo nunc postquam  
dies illuxit, & splendidissimus lucifer  
vobis ortus est, dum reuelata facie  
gloriam Dei contemplantibus voluptati-  
bus diuinis absorbemini? O cordis  
firmamentum, o fructus pretiosissimo  
filij Dei! Quid dicam vobis, Regis

purpura vestitis, aut quid mihi respon-  
debitis præclarissimi certatores, nisi,  
exiguo vos pretio æterna solatia com-  
parasse?

O solatia sempiterna, quàm fuit le-  
uis pugna, quàm brevis agonia! Agite  
nunc festivos dies ritu perpetuo, victo-  
res strenuissimi: non enim tanget ultra  
vos tormentum mortis, quia super oc-  
calum ascendistis.

At, quid ego Virginum, Doctorum,  
Martyrumquæ choros in Sulamite re-  
censui; cum ne minimam illorum au-  
reolam dicendo possim æquare.  
Ignosce mihi gloriosissima ciuitas dul-  
cissimi Dei, quem requiro, & fac tui co-  
piam sitientite.

Vtinam liceret mihi audire con-  
centum suauitatis tuæ, quæ sopiret me,  
ac suspenderet ardentissimo desiderio  
fruendi te; vt dum cor meum suspiraret  
tibi, vilescerent mundi bona, quæ lace-  
rant præcordia mea. O coelestis de-

cor,



cor, & iustorum concilium trahe me.  
 Cupio certe dissolui, & tecum esse, ac  
 dilectionis aura recreari.

Beati certe, qui ad coenam Agni vo-  
 cati sunt: qui laetissimo convivio lita-  
 buntur à te, o carissima Hierusalem,  
 & vivescentur voluptuosè in medio tui:  
 Quousque torques animam meam  
 exultantem à te, & ad te reuerti cupien-  
 tem?

Quando veniam, & apparebo ante  
 faciem Dei, qui exhilarat te, ac nutrit  
 pascu cordis sui? Quid faciam cum  
 non possim requiescere in terra aliena,  
 ubi cum scorpionibus habito, & pungor  
 aculeis venenatis?

Miseremini mei, saltem vos amici  
 mei, filij matris meæ, quæ sursum est:  
 mitte languenti salutaria, & leta confi-  
 lia, sicut stillicidia stillantia super ter-  
 ram. Iam saturati sine fastidio estis,  
 iam diuites facti estis: quapropter li-  
 ceat mihi, o dilectissima viventium

habitatione, dum peregrinor; vivere de  
suauissimo spiritu vestro, de reliquijs  
saltem, quæ cadunt de coena magna  
vestra.

O coena magna, ò dilectionis pocu-  
la, ò corda nobilissima, in æterni amo-  
ris foedus conspirantia, suspendite  
me desiderio consuetudinis vestrae,  
quam dilexi.

Suspirabo in solitudine mea, ad vber-  
rima pascua tua, ò tranquillissima regio,  
& pro dulcissimis ligni vitæ fructibus,  
inter extorres laborabo.

Recedite à me mendaces filij homi-  
num, qui cor meum subvertere cona-  
mini, & ab ingressu terræ viuentium  
retardare. Quid mihi cum Assirijs, &  
Chaldæis, qui thesaurum meum de-  
predantur?

Te te, ò pulcherrima Sion, & lux pu-  
rissima cordis mei: te, requies optatis-  
sima, & immortalis amœnitas vitæ  
meæ: te, iucundissime decor domus

Dei, te, ciuitas illustrissima viuentium,  
 hic, postquē requiram. Contempla-  
 tor amabilissimam pulchritudinem  
 uam, & desiderabo te, ob immensam  
 gratiam tuam; & stimulos acerrimos  
 amoris tui.

Lege, obtestor te, suspiria mea, quæ  
 eruntur ad te, subscripta nomine meo,

& obsignata cupidissimo for-  
 ma tua corde meo.

Vale.



Epi-

Epistola pro vero, ac puro Dei  
Amore impetrando.

PACIFICO

REGI CORDIVM

IESV CHRISTO

Exul homo S.

**M**itissime, & amantissime Iesu  
Christe, qui cordium regnum,  
factus homo comparasti non ferro, sed  
ligno, scio quid a me iure strictissimo  
requiras per legem immaculatam, &  
conuertentem animas, propriam noui,  
& æterni testamenti tui. Postulas  
enim primo, ac dulcissimo mandato  
legis tuæ, vt diligam te ex toto corde,

V

to-

tota mente, tota anima, ex tota fortitudine mea: omnes quippe vires meae debentur infinitae bonitati, & decori tuo. Benè est, ò fili Dei altissimi, vt vinculis charitatis, & funiculis Adam, velis astringere me creaturam tuam, inter filios alienos tuis inspirationibus tam sæpè rebellem. Nunc autem magni mandati tui desiderio ductus, & cordis mei ad peregrinas voluptates inclinati fragilitatem cognoscens prosterneo me tibi in Ecclesia tua, & pulso magnam misericordiam tuam; vt hyssopo aspersus mundus, & super niuem dealbatus, charitatis gressibus, & brachijs sequar, & amplectar te.

Recordare dulcissime fili Dei, cui inspirant viscera mea, me vnum esse de paruulis, qui abducti sunt in captiuitatem ante faciem tribulantis: & te Redemptorem esse, cuius est soluere compeditos. Oro igitur, ò mansuetissime, solue me. De profundis cordis

mei,



mei, o Benignissime, clamo ad te; ut hominem de immundo conceptum, semine mundum facias, nec finas in amoris causa seduci, & pro summo decore tuo mundi decorem apparentem affectare. Solicitum cor meum tibi soli pateat conditori suo: & tu, qui solus es omne bonum, expleas omnes finus eius, & in æternum domineris illi.

Animaduerto, o fili Dei formosissime, præsentem, & fallaci carnis gratia, vehementer affici parum castos sensus meos, & ad amabiliissimam formam tuam, quod absens sit, lentè nimis aspirare. Ardentissime igitur obsecro te, suavisime Deus, per cor fidelissimum intemeratæ matris tuæ; ut auferas à me amorem vanissimum corporeæ pulchritudinis, & me totum transferas ad purissimum amorem decoris tui. O serenissime candor cordis mei, ne proijcias me à facie tua, & à fallaci creaturæ gratia, ut pupillam oculi cu-

stodi me. Sordeat mihi, rogo te, figura mundi, quæ præterit: & post immortalem pulchritudinem tuam, in odorem vaguentorum tuorum trahere me.

Illabere, precor te, in penetralia cordis mei, & imprime mihi seruo tuo dulcissimam, atque letissimam formam tuam. O pulchritudo maiestate plena, quæ anorem inmensum in corda tibi patentia infundis, tantummodo in ista voce exaudi me. Ne patiaris, ô suauissimè sponse animæ meæ, cor meum, quod non valet inuenire pascua sua, æterna fame torqueri: sed dum in exilio versor, doce me viam rectam, quæ perducatur in optatissimam requiem formæ tuæ; ut pascatur dulcissimo pastu præsentiae tuæ. Auerte oculos meos ne videant vanitatem filiarum Madian, quæ me diuertunt, à perpetua recordatione formosissimi vultus tui, cum filiæ Sion

pur-

purpura vestitæ consecrarunt præcordia sua : & redime me à calumnijs , & fraudibus filiorum Adæ , qui verum Deum meum , cum Dijs alienis tristi mercatura commutant.

Tu solus ductor meus & custos cordis mei sis ; vt exardescam fidei solius bonitatis , & decoris tui , & fortiter repellam quicquid obstat sincerissimo amoris tuo . Illustra faciem tuam super cor anxium serui tui ; vt capiatur specie tua , & pulchritudine tua , quam corda casta requirunt . Ne repellas , altissime Deus cordis mei , animam meam satagentem , & acutis gemitibus cælos tuos penetrare conantem ; ne forte , virtute eius deficiente , fœdus ineat cum Chaldæis , & obliuiscatur dulcissimam Hierusalem , quam requiro . O vitalissima fortitudo sanimæ meæ , ne contempnas cupientem adherere tibi , & amoris æterni tui facibus inflammari : Et immolabo tibi primogenita .

suspiria mea, & adhæsura tibi semper viscera mea. Accelera, precor te, ô pretiosissima hæreditas, & præda mea, & sensus meos visco carnis impeditos erue citò de luto facis; vt impollutis affectibus exquirant te melle dulciorem pastum suum, & expectatissimam consolationem suam. Libera me iam de sanguinibus, amabilissime Deus salutis meæ, & spiritum rectum, & castum puri amoris tui innoua in visceribus meis; vt flante hoc austro tuo creer, & renouetur facies aridæ terræ meæ.

O sapientia, quæ ex ore Altissimi prodijti, cuius inæstimabili suauitate dura corda liquefcunt, influe, oro te, in sicca nimis ossa mea, & liquefac intimas & tibi soli notas medullas meas. Per amoris foedera, quæ fidelissimè seruas, nobilissime Rex Sion montis Sancti tui, obsecro te, fac me seruum emptitium, aut bello captum tenerri-  
mi cordis tui; vt perenniter seruiam

tibi,

tibi, & libera seruitute dilectionis requiram infinitam bonitatem & serenissimam faciem tuam. Tibi dixit cor meum, exquirit te facies mea, faciem tuam Domine, requiram. Quocirca rogo te, o speciosissime forma præ filijs hominum, numeres me in generatione casta quærentium Deum, quærentium faciem splendidissimam Dei Iacob. Vre, tibi supplico, o amantissime Fili Dei, renes meos, & cor meum igne tuo, & repurga a fœcibus animam meam; vt sine consorte vilo possideas lacte ablutam prædam tuam.

Curre velociter, o hinnule cernuorum, & expetita valdè salus mea, & eripe me de manu filiorum alienorum, à studio diuini amoris tui alienare quærentium animam meam: & fac, vt in concilio iustorum, & congregatione reddam tibi primitias cordis mei. Inclina cor meum præsentiae tuæ cupi-



disimū, in desiderabilia super aurum,  
& examinata sicut argentum, ac dulciora  
super mel & fauim testimonia tua: &  
fac me diligere amorem pręgnantem  
& immaculatam legem dulcissime chari-  
tatis tuę. Persa hortum meum, cuius  
flores languent, spiritu vitali tuo; vt fluāt  
aromata illius prę subitanea liquefa-  
ctione suauissimę dilectionis tuę.

Conuertere aliquantulum, ò purissi-  
mum speculum vultus mei, & fac mi-  
hi copiam voluptate plenam pręsen-  
tię tuę, & in ara cordis mei, quę fu-  
mat tibi, incamus foedus sempiternum  
honestissimę, ac delectatione diuitis  
dextere tuę. Emitte formosam valde  
manum tuam de alto; vt sollicitet amo-  
ris stimulo viscera mea: & fac, vt exul-  
scam, & suspirem ad patriam meam,  
& redire curem ad te, optatissimam,  
& pretiosissimam libertatem meam.

Confidera, oro te, ò immensa opu-  
lentię meę, egestatem animę meę mo-

dicam aquam pretio comparantis, & in deserto, vbi non est charitatis habitatio, per loca horrida aberrantis, & refrigeram linguam meam, & deduc me in ciuitatem habitationis, quę constituitur eterna dilectione tua. Cesset iam, ò mansuetissime, indignatio tua, ad quam te prouocauit ingratitude mea: quiescat ira dulcissimi cordis tui, vbi nidum inuenire cupis hęc vaga columba anime mee: & vocabo te summam consolationem meam, & sponsum electissimum, cui reddam coniugale debitum cordis mei.

Certior factus sum de fidelissimo erga me amore tuo, vnigenite Fili Dei, & ideo non tam quęro, vt ames; quam vt ardentissime amaris à me ingratiſſimo seruo tuo, quem à dura captiuitate redemisti pretio magno nobilissimi sanguinis tui. Sed, precor, iam multis procellis passionum, & tentationum agitatam animam meam,

qui

qui circumdas mare terminis, ponisque vœtes, & ostia dicens: Hucusque venies, nec procedes amplius; & hic confringes tumentes fluctus tuos: Et per breuem saltem requiem, omnibus viribus meis conuenientibus in vnum, validissimè amabo te suauissimum, Deum meum, & è multis millibus electum amicum meum.

Faciamus iam pactum dilectionis permansure, ò fortissime, vt sicut charitate perpetua dilexisti, & attraxisti me; ita ego dilectione perennirequiram & attraham te infinitum decori meum. Ingenera mihi celeriter, ò amator inuictissime, magnitudinem cordis amena, & amabilia omnia respicientis propter te; vt exultem sicut gigas ad currendam viam, donec requiescam in te.

Arma me, ò robustissime, viribus amoris tui omnia ad se trahentis, & lapidea corda in carnea conuertentis; vt

fortis fiam fortitudine tua, & fiam misericors à teneritudine, & suauitate tua.

Confla me, ò sapientissime, quasi aurum: & scoriam veteris Adæ patris mei consume igne sapientiæ tuæ, que mirabili mixtione pascit incendium tuum, flumine viuo, cum impetu decurrente è penetralibus dulcissimi cordis tui.

Insculpe, ò potentissime, duro nimis cordi meo elegantissimam, & sereno cælo simillimam præsentiam tuam, additis quoque multis vulneribus per iacula charitatis tuæ: & largo potu dulcedinis tuæ recrea iam læsa, & tibi suspirantia viscera mea.

Deterge, ò serenissime, nebulas oculorum meorum in sæculi nocte caligantium, nec lucem formosissimam vultus tui videre valentium; vt capiar decore tuo, & sempiternis ardoribus exquiram nobilissimam formam tuam.

Hęc sit iugis meditatio, & exercitatio mea. Hęc sit secreta prudentia, & fortitudo mea. Hęc sit potus & esca mea, & nutrimentum cordis mei.

Lege amanter, ô amabilissime candor lucis eterne, hęc vota, & suspiria mea, quę in atrijs domus tuę, & in medio suauissime Hierusalem sacrificauit tibi: & excita Seraphicos affectus inuidissimo decoris tui corde meo;

ut nihil vnquam querant, nisi

placere tibi, & adherere dulcissime

anime tuę.

Vale.





Epistola animæ amantis , &  
 cælestem suum sponsum  
 suspirantis .

SVPERNÆ HIERVSALEM

REGI CLARISSIMO  
 IESV CHRISTO,

Exul Anima eius sponsa,  
 salutem .

**S** Aucia te curis absentem Sponse saluto :  
 Mæsta, notas calamo pingo tremēte rudes.  
 Ne pigeat, Solymas inter numerare puellas  
 Me, nec ad Assyrios cogar abire procos.  
 Porriges formosam (measque præcordia ledet,  
 Dum legis, & gemitus, & pia vota) manum.  
 Perlege cunctanter, lacrymis suspiria redde,  
 Et suffusa notis lumina redde meis .  
 O utinam capere meis, pulcherrime, votis.

Sol-

Sollicitique foret præda doloris amor.  
 Capta sub immani crucior Pharaone per æstus,  
 Perque gelu multis interitura malis. (stros:  
 Nunc agor ad Scythiã, Lybiæ nunc pector in Au-  
 Nunc & in occiduum fluctibus acta salum.  
 At mihi non Oriens ullus, dum pergis abesse,  
 Sed tenebris alta lugeo nocte meis.  
 Hei mihi virginibus iam pridem dedite multis,  
 Nunc mihi, quæ repeto forte super sit amor?  
 Sola per apractus situarum, & devia curro,  
 Et quæro absentem, pene coacta mori.  
 O decore excelsæ Nymphis optate Syonis,  
 Quo nihil in terris dulcius esse potest;  
 Nil mihi Sidoniæ clamydes, nil tincta rubore  
 Coccina, quæ peperit sediciosa Tyrus:  
 Nec me compositus fuluo splendore capillus,  
 Laccolore aut facies tersa nitore iuvat.  
 Omnia te præter, forma lectissime, sordent,  
 Forma nec accita nobilis arte placet.  
 Vultibus à nostris peregrino gratia vultu  
 Exulati, & formæ crescit amara sitis.  
 Sedula quidquid ago, sine te deformia cerno.  
 Omnia: propterea te caritura, flecto.  
 Culmina capreolæ repetunt herbosa fugaces,  
 Et gelidas sicco gutture ceruus aquas:  
 Moribus & multis ego te, formose, requiro.  
 Te totum æterna peribitura fuiti.  
 Sed mihi, ve miserè, quo te nunc carmine flectam?  
 Sanguine quo placet? qualia thura cremem?

Esse -

Et fero subriles læso de pectore voces,  
Dura quibus possem saxa mouere modis:  
Te tamen exoro nunquam, grauiorq; repellor,  
Mentimur duro verberare cadit amor.  
Ingenuum faueor merito sectare decorem;  
Sed mihi suspectus fit tamen iste decor:  
Namq; ego non regum credor natalibus orta;  
Ni consanguineus tu meus esse velis.  
Non te pollicitis vrgebo grandibus vnquam:  
Namque datam videor fallere posse fidem.  
Quid tibi si ex dote acciperes Ægyptia regna?  
Quid tibi si Babylon dos mea tota foret?  
Omnia despicio pretio meliore redempta;  
Vt, locuples multo reddar amore tibi.  
Vulneribus confossa tuis præcordia pando,  
Visceribusque precor spicula fige meis.  
Quid mihi si Phyllis Graio seducta nitore  
Fœdera fallacis Demophoontis amat?  
Quid mihi Laandri flagrans ardoribus Hero,  
Excantansue virum Laodamia suum?  
Mollia sunt fateor mendacia, sedus amoris  
Prætentunt falso. Te sine nullus amor.  
Tu potes intuitu mollire adamantina solo  
Pectora, & in formam vertere corda tuam;  
Blasorum eloquio linguas facis esse disertas  
Infantum, & tenero viscera lacte rigas:  
Omnia, si blandè contrectes, corda liquefcent:  
Atque instar liquidi mellis, amore fluent:  
Iubila dæsa fugat, maris imperiosa procellas

Sedat, amicitia fœdere vincita manus.  
 Invideo tantum multis inimica puellis,  
 In thalamum admissæ quæ placere tibi.  
 Væ mihi, quam turpis videor tibi diure relicta  
 Conqueror in lecto decubitura meo.  
 Pharmaca nō prosūt, nullā medicina salutem  
 Creditur ardori reddere posse meo.  
 Si placet, abiectam thalamo dignare pudico:  
 Nam tibi iam dudum copia facta mei est.  
 Motibus immensis ad vincula iugalia fertur.  
 Cor, quia pura meus gaudia querit amor.  
 Æmulor, heu captis, ò formosissime, prædis.  
 Me cape, & ut capiar, semper inermis ero.  
 Lætiùs est vinci: læta est victoria formæ.  
 Et iaculis sumptibus habere tuis.  
 Sæpe tuas veneror sacris suffragibus aras.  
 Ut tibi sacrificer victima grata peto.  
 Et tanquam vitula cæsis ex artubus exit  
 Mugitus, votis hostia mixta meis.  
 Extæ sed interea tibi dum lustralia reddo,  
 Nescio quò tandem iure prophana puter.  
 Non Indos auro, non dites thure Sabæos,  
 Æmulor; at fletus philtrea propino mei.  
 Flectere sponse meis dulcissime fletibus, iras  
 Pone, salutarî vulnere tange manu.  
 Indere visceribusq. meis arque ossibus altè:  
 Nam tibi iuncturis tota dehisco meis.  
 Cur mora languentem luctu consumit acerbo,  
 Et lenta demum cogor obire necesse?

Hostibus infestor sævis, tacitusque videndo  
Rides: custodem miror in aula meum.  
Sponse veni, velox ceruorumq. hinnulus esto,  
Aut celeri interitu, quod magis opto, neca.  
Excussisse leues mallem quantocius alas,  
Pectoris & nido delituisse tuo.  
Nam religat vilco pennarum fulcra tenaci  
Retia mors tendens inuidiosa mihi.  
Hostibus è medijs captiuam fortiter effer,  
Libertate fruar Regis amica mei.  
Et poteris penetrare in eas, formose, medullas:  
Atque voluptatis pocula plena dabo.  
Lux mihi splendidior nascente videbere Sole:  
Denique cordis eris blandula vita mei.  
Seu montes rapido cursu, seu prata pererres,  
Ne mea dissimules tectâ subire, peto.  
Lectulus est multis conspersus floribus, alto  
Flumine dulcoris mergat, amice, tui.  
Sollicitæ somnos amor acer pellit inertes,  
Tempore vt eliciat gaudia multa breui.  
Verum fessa pijs frustra te flectere votis  
Conor, & incassum viribus insto meis.  
Ah quoties fleui! quoties captiua cupiui  
Libera ad amplexus, sponse, redire tuos!  
Quis mihi det frater solam pulcherrime soli  
Reddere, quæ seruo, punica mala tibi.  
Ergone demulces alios molimine tanto,  
Nolentesque rogas, muneribusque trahis?  
Sed me iuratam multis conatibus arces:



Multos ordiris, dulcis amice, dolos.  
 Heu mihi, non adeo videor deformis, ut alto  
 Complexu spolier, sponse pudice, tuo.  
 At mea si sordet facies, nec censeor alto  
 Coniugio Regis sat bene compta mei;  
 Abluar extemplo Iordanis flumine viuo,  
 Prodeat optatus, quem parit vnda, nitor;  
 Pulchrior intus ero, non indignabere formæ;  
 Sed dabis ad votum brachia flexa meum.  
 Oscula tunc figes impressis dulcia labris:  
 O grauidi quantum pondus amoris erit!  
 Tunc amor expendetq. sinus, præcordia gliscet,  
 Totaque suspendat capta decore tui.  
 Sed nunc, quid iactis verbis mea vota? quid alta  
 Mente repono mei grande laboris onus?  
 Intereo tacito carpentis verberare cæsa,  
 Et crucior longis tristis amica dolis.  
 An mihi non satius comptos diuellere crines,  
 Et manibus corpus dilacerare meum?  
 Cogito res forsitan post sæcula multa futuras,  
 Suggestit, & fletus spes diuturna novos.  
 Nunc feror excelsi velox ad culmina montis:  
 Deuexas valles vix modo obire queo:  
 Incolo nunc læto genialia prata virore:  
 Et modo lugentem concava faxa regunt:  
 Alternare vices mos est: non temperat vllus  
 Quam torques, Solimæ Rex generose, modus  
 Obsecro te inuicti Rex per certamen amoris  
 Ne perimas sponsam mortis agone tuam.

At

At licet infontem dura me eade ferires;  
Non tamen inde meus lentior esset amor.  
Sed posses, postquam vicisti, parcere victæ,  
Quæ venit innexas sponte data manus.  
Parcere prostratis animosi more leonis,  
Blândaque subiectis signa referte decet.  
Exhibeas, ò Sponse, mihi turgentia lacte  
Vbera, quæ pendent pectore pulchra tuo.  
Nectare me teneram fas est nutrire puellam,  
Namque voluptatis pondere tota trahor.  
Pocula si dederis, properans alterna refundat  
Te mihi si dederis, tota rependar ego.  
Testis erit genitrix, & formosissima Virgo,  
Quæ volo fœderibus præsit amica meis.  
Non opus est tauros aris mactare prostratos,  
Nam satis ad fœdus sanguinis, Agnus erit.  
Hoc tecum fœdus fidissime sancio coniux:  
Tu mihi te reddas: & tibi reddar ego.  
sic animi motus exul moderabor, & iras,  
Æterna sponsi succubitura fide.  
Seu validis vnquam iubeam pugnare lacertis,  
Seu mihi restricto Marte parata quies:  
Fœdere lætabor, dextro sub numine dicam:  
Rex Solymæ sponsam curat vbique suam.

# Praxis de amoris delectu

SUB EXEMPLO

S. MARIAE MAGDALENÆ

EODEM AVTHORE.

**I**mmensi ponderis est in amoris scho-  
la faustè auspicari, quod est sapien-  
ter eligere. Quocirca sub nomine Mag-  
dalenæ, quæ amandi peritissima fuit, af-  
fectus ad amoris delectamentum ex-  
citandos exprimemus.

Statuendum est (quod neminem la-  
tet) Magdalenam semper amoris dedi-  
tissimâ fuisse: ante quippe, quàm Chri-  
sti amoris succumberet, amoris humano  
cor molle sortita subiacuit: unde boni  
nominis iacturam passa est. Nec imme-  
ritò quidem, quia principem animi affe-  
ctum, ac si nullius pretij foret, rebus pa-  
rum excelsis incauta permisit, neque

quid

quid amaret elegit. Vbi verò purissima Christi lux affulsit; sui compos effecta, optimo sanè consilio, è mentis senectute orto, omnem mundi pulchritudinē pertesa, se totam Iesu Christo, his aut similibus affectibus addixit.

Gratulor tibi, suauissima pulchritudo mea, vim illam cordium victricem, ac dominam, quæ Coelo, ac terræ vniuersæ dominatur, cui omnis creaturarum nobilitas iure se subdit, & immensi amoris flammis incensa suspirat.

Ego certè nescio, qua mente animam meam tuo amorì destinatam creaturam illecebris demulceri permisi, & thalamum Regi Salomoni ad castissimas delicias dedicatum profano commercio delira foedauì. Amoris imago artificiosè simulata mihi imposuit, & à nobilissima tui amoris lege procul abegit.

Nunc ergo postquam caelestis luce tua mentis meę cecitatem discussisti, & cõfilij dono, vt verum amorem à falso di-

scernerem, illustrasti; mutata mēte omnem mundi formam, qua cor meum emolliri consuevit, teq; dulcissimū Dei ac formosissimę Virginis filium æterno foedere amandum, & exquirendum eligere constituo, tibiq; cordis mei penetralia illapsus tui cupidissima pando.

Tibi dixit audissimū decoris tui cor meum, exquisiuit te facies mea, faciem tuam Dñe requiram. Non ego verbis ijs, optatissime Deus, quę corporis auribus percipiuntur. Ego suauitatem tuā, conceptura ad pedes, quibus maris fluctus calcas, tacita sedebo; & cordi, quod artem dicendi, te præceptore didicit, habenas laxabo, audiamq; verba illa lepidissime fluētia. Exquisiuit te facies mea.

Placet profectò mihi, consilium hoc, sponse forma præstātissime, quod cordi meo à te humanissime instructo altius, quā dici queat insedit. Quid enim præter te seligere possim, cū te absente omnis amœnitas marcescat, fontes areant,



luna eclipsim patiatur, sol obtenebretur, serenitas nube atra obducatur, omnemq; creaturam intolerabilis deformitas, & mortis horror inuadat?

Qui potero famem anime mee, quam cæli sua magnitudine ambituq; latè patiente, cum creaturis vniuersis, quas condidisti explere nequeunt, te absente sedare? Omnia circumspicio, amantissime Deus, & omnia exigua, & numeris non absoluta videntur. Et licet vniuersi Orbis terrarum Reges in seruos emptitios se mihi dederent, omnes totius mundi dignitates in caput meū conferrentur, omnes vtriusq; sexus adolescentes pulchritudine, ac venustate vsq; ad mundi stuporem eximij, cum omnibus corporum voluptatibus mihi se traderent, ac deniq; quicquid mundus admiratur, & colit mihi permitteretur, vt omnium eiusmodi bonorum principatu æuo sèpiterno potirer; non propterea consiliū mutarem, sed suauissimo concentu ca-

nerem, ac repeterem; Exquisiuit te  
facies mea: faciem tuam Dñe requiram.

Nimirum mihi procul dubio cōper-  
tum est, te vnum, sponse vita ipsa longè  
optabilior, pacem, quam pręcordia mea  
sitiunt infinita pulchritudine tua mihi  
allaturum, & medullas meas, hucusq; sē-  
per inanes, hac vna pręda famem exple-  
turas. Neq; iam cęcitati locus patere po-  
test, vt mundi colore seducar visceribus  
meis rerum cōscijs, & experientia multa  
proprioq; detrimento conuictis, meq;  
stimulis internis perēniter vrgetibus in  
hūc modū eruditione tua planè dignū.

Nonne vides Magdalena quā enor-  
miter erraueris, & quā inmeritò pa-  
rum defecatis amoribus te ipsam confi-  
lijgnara credideris? Finge tibi Regem  
totius Orbis, terrarum dominatu gran-  
dem, à quo ad nuptias expectaris. An  
Rex ille propterea speciosissimus erit?  
Profecto deformes, ac inertes Principes  
potentissimi esse solent. At, sit etiam pul-

cherrimus: num proinde sapientissimus erit? Ægrè quippè in tanta rerum mole studio sapientiæ animus assuefcit. Verû fit quoq; sapientissimus: nûquid, & morû suauitate præstabit? Certè mortalium maiestas, & potentia fastum creat, & mores exasperat: Sed tamen, fit etiam moribus suauissimus: Ergonè vitæ innocentia præcellet? Profectò Imperiû tot insignibus auctum homines dementat, ne vitæ puritati studiosissimè vacent. At enim fit: nihilo seciùs vitæ inculpatissimus: An tibi cum animi cādorem, cum cæteris dotibus omnē vim eloquentiæ superantibus, ingenerare poterit? Porro exploratû est minimè posse, solûq; Iesum Christum dulcissimum Deum tuû hæc, & alia longè maiora tibi posse præstare.

Hæc & alia non absimilia cor suggerit, subtexitque: Recedant Magdalena vetera deliramenta, & Iesum Christum sponsum amoris diademate coronatû, niue candidiorem, porphyrite rubicun-

dio-

diorem, saphiro pulchriorem, cuius infinito decore saxea quoque pectora liquescunt, immutabili cōsilio elige, eiusque dotes amore summo dignissimas pro tuo captu perpende.

Efficacissima sanè sūt verba hæc, dulcissime Fili Dei, quibus ad te optādum, vel adamas ipse molliretur. Et ego molitis sermonibus parere solita efficacitati Diuinæ concedo. Aspernor commenta omnia, quibus mundus illexit me: & te infinitam bonitatem, sapientiam, pulchritudinem, ac voluptatem meā toto pectore haurio & eligo; vt extra te omnis decor peregrinus sordeat, omnia bona hominibus pretiosa vilescant.

Exquirant alij regias aulas auro tectas, ac cælaturis admirandas, columnis porphyreticis speculorum more splendentes, tectorio candido ac terso niuē æquantes, auleis sericis, auroq; textis, & rerū varietate mirificè discretis instructas, sedibus è cedro inaurata, & variorū

colorum telis ornatas, lectis è telis Indicis, & pretiosissimis pellibus, per cubicula architectonicè disposita, stratis apparatus. Et ego sollicitè exquiram te cauernā maceræ, & amplissimam domū meam, thalamumq; opibus regijs ad castissima gaudia comparatum, vbi quod elegantia, pretio, ornatu minimum est, instructissimas mortalium Imperatorū aulas adeo immensè superat, vt illarum (quasi stabulorum fetentium) molestissimum tædium generet.

Placeant certè alijs horti virore lætissimo, smaragdis æquales, spectatoribus arridentes, hic ruborem, illic pallorem, alibi purpureum colorem, artificiosa rosarum, violarumq; distinctione exhibentes, aquarum diuortijs per æqua spatia lenitè fluentibus gratum murmur excitantes, & auris saluberrimis fructuū, qui maturuere, ex arboribus ad proportionem consitis pendentium odorem suauissimum exhalantes: Mihi verò placeat

pul-

pulchritudo tua, speciosissime Fili Dei,  
 flos immortalis, & serenissimæ Virginis  
 fructus, qui coloris perfectione, & odo-  
 ris suauitate animam meam fuspendis,  
 & purissimis delectationibus exilaras.  
 Perfundar, oro te, aqua illa tua, quàm  
 dulcissima, qua virtutum cælestiū plan-  
 taria crescunt, & perfler aura suauissimi  
 Spiritus à te procedētis, quo nihil est in  
 terris amabilius. Ament alij corpora à  
 te creata, quæ aptissima membrorum  
 proportionem, candore, atq; intermixto  
 faciei rubore præcellunt: quæ aspectu  
 maiestatem, & sociatam grauitati comi-  
 tatem præferunt, quæ sermonis suauita-  
 te, & actionum venustate oculos, & ani-  
 mos alliciunt, quæ primæuo adolescen-  
 tiæ flore in admiratione habentur, &  
 præ diuitijs, ac honoribus expetuntur:  
 Ego verò immobili consilio amabo te,  
 pulcherrime Iuuenis annos tres, ac tri-  
 ginta nato, æternum decorem breui for-  
 mosissimi corporis, è Virgineo sanguine

for-



formati, mole cōplectens. Te, inquam, votis ardentissimis amabo, qui candor es lucis æternæ, & speculū sine macula, qui puritate tua omnem celorum serenitatem obscuras, cuius splendore clarissimo sol meridie tenebrescit.

Et quidem consilium hoc, & delectū meum celesti prudentia dignū esse, ambigere nō possum: omnes quippe, qui te rectē norunt, immensis præconijs, non modo te ipsū, qui sole excelsior, ac formosior es, verum incessum tuum, verba tua, intuitum tuum, & singulos minutissimos nutus tuos, sine fine cōmendant: & tibi præcordia sua deuovere festināt. Quorum certē optio prudentissima mihi videtur, cupioq; vehemēter electores omnes velocissimē præcurrere, ac te mihi in perpetuum amoris pactum, porrectis ac circumductis brachijs dulcissimæ charitatis adstringere.

In ara ergo cordis mei (vbi aromata multa votorum igne tui amoris exusta,

olfactui tuo suauissimos odores inue-  
 stura fumant) sancio tecum fœdus sem-  
 piternum, & eligo te in amorem meū  
 consilijq; atq; delectus mei stabilitatem  
 auxiliij tui firmamento nitentem, iuro  
 Si oblita fuero tui, o mitissime Rex Hie-  
 rusalem, obliuioni detur à te dextera  
 mea, vt nihil fœliciter efficiat: adhærea  
 lingua mea faucibus meis; ne quid gra-  
 tum loqui valeat, si non meminerō tui  
 Male mihi cedant omnia, si non propo-  
 fuero te dulcissimum Regem Hierusa-  
 lem in principio cuiuslibet letitię meę  
 Hoc est consilium meum, & menti-  
 canicie digna electio mea nullis aduer-  
 sitatibus concessura. Et vt ab vniuersi-  
 mūdi Principibus agnoscar, & cui me ru-  
 rauerim, sine ambiguitate pateat, impri-  
 mere, obsecro te, o maiestas infinita, &  
 fidissima tutela mea insculpere cordi &  
 corpori meo, quia fortis est vt mors di-  
 lectio, dura sicut infernus æmulatio, seu  
 zelotypia tua. Et ego Magdalena iurata

& fœderata tibi suauissimo Deo, ac spōso meo, per medias plateas sigillo tuo obfignata, siue caractere notata incedā, nec vltcrius à te, tibi semel clausa mortalibus amatoribus, quamuis importunè pulsantibus fores aperiam.

Te solū ex intimis visceribus amo, te solum eligo in Deum, Regem, Patrem, matrem, sororem, fratrem, amicū, & spōsum meum. Te solum eligo in vitā, tutellam, fortitudinem, sapiētiam, opulentiā, & voluptatē meā. Precor ergo te, Rex pacifice, cuius vultū desiderat vnīuersa terra, electio hęc mea in triumphantis, ac militantis Ecclesię tuę Senatu Populoque electissimo, breuī silētiō indicto, legatur, vt omnes creaturę tuę mihi fausta precentur. Fac, ò amabilissime, vt qui de amoris delectu in terris nondū cogitarunt, vna mecum eligant, ament, ac requirant solā pulchritudinem, ac dulcedinē tuā: quos omnes, impēfissimè oro, suauissimę charitatis tuę ignis absumat.

---

# INDEX.

- E** Pistola I. Supernæ Hierusalem Regi pacifico Iesu Christo, Exul homo S. pag. 7  
**Epistola II.** Iesus Christus Rex pacificus supernæ Hierusalem, Homini exulanti S. 65  
**Epistola III.** Iesu Christo paulo post mortuo, quidam eius seruus S. 112  
**Epist. IV.** Serenissimo Dei filio sub Eucharistico velamēto latenti, quidā eius seruus S. 137  
**Epist. V.** Supernæ Hierusalem Regina clementissimæ Mariæ, exul homo S. 161  
**Epist. VI.** Dulcissimo Regina supernæ Hierusalem sponso Ioseph, Exul homo S. 199  
**Epist. VII.** Clarissimæ Virg. B. Tereziæ a Iesu Car. Disc. Fundatrici, quidā eius filius S. 236  
**Epist. VIII.** Vniuersæ Ciuitati Dei, quæ regnat in Cælis, Exul quidam S. 281  
**Epist. IX.** Epistola pro vero, ac puro Dei amore impetrando, Pacifico Regi cordium Iesu Christo, Exul homo S. 305  
**Epist. X.** Epistola animæ amantis, & cælestem sponsum suspirantis. Supernæ Hierusalem Regi clarissimo Iesu Christo, Exul Anima eius sponsa S. 317  
**Epist. XI.** Praxis de amoris delectu, sub exemplo S. Mariæ Magdalenz, eodem auctore. 324

---

F I N I S



